

Gandhi Memorial College Of Education Bantalab Jammu

वांख

K. Pochs



ALL INDIA KASHMIRI SAMAJ

D-90, Sarojini Nagar, New Delhi-110023


CC-O. Agamnigam Digital Preservation Foundation, Chandigarh



वाख

(शुक्रवार अदबी मैगज़ीन)

प्रवेशांक, अक्टूबर 2005



G.M. College of Education

Raipur, Bantalab


Jammu.

Acc No. 4514

Dated 18.12.2023

संपादक

रतनलाल शान्त



स्व पोशि यॉर : गोकल डेम्बी

कवर सफच पेंटिंग : गुणादय बृहत्कथा बोज़नावान

‘बृहत्कथा’ छे कॅशीरि हंज़ (त शायद दुनियिहच) ग्वडनिच कथायि किताब। दपन गुणादयन ऑस यि मूल पैशाची प्राकृतस मंज़ लीछमच दालस प्यठ। पैशाची ऑस कॅशीरि हंज़ अख प्रॉन्य त मूल ज़बान। बृहत्कथायि मंज़ दरज कथ गॅयि लोकप्रिय त शोछ वॉच राज़स ताम। “पैशाचियस मंज़ त दालस प्यठ” बूज़िथ खोत राज़स खॅशम त गुणादयस दोपुख यि छुन जॉलिथ। सु गव दिलमलूल मगर दोपुन ज़ालन ब्रोंठ बोज़नावन कांह कांह। दूर जंगलस मंज़ ज़ोलुन नार, अख अख कथा गव परान जानावरन, जानवरन त कॅचन समेत्यन लूकन बोज़नॉयिथ गव वरूख वरूख नारस त्रावान। कथायि आस स्वंदर, मनमानि त लूबवनि। यि कथ फॅहलेयि सॉर्यसय नॅगरस। राज़स फ्यूर स्यठा यि बूज़िथ, हुकुम न्यून वापस। यिम कॅह सफ बचेमत्य ऑस्य, तिमय रूद्य। सोमदेव छु वनान ज़ि तॅम्य कॅर्य तिम पैशाची प्यठ संस्कृतस मंज़ तर्जम यथ नाव छु “कथासरित सागर” त ख्वस पत अरबी, स्पैनी त दुनियाहचन बेयन ज़बानन अंदर वार वार वॉच। मूल ‘बृहत्कथा’ छे न अज़ कुनी। न छि पैशाची ज़बॉन्य हंद्य नमूनय मेलान।

अकि नवि मंजिलुक नेब

एम.के.काव

सदुर, आल इंडिया कश्मीरी समाज

देवनागरी कौशिरिस मंज गवडन्युक मुकमल अदबी मेगजीन शुरू करुन छु अख तवोरीखी मोकु ।

दरअसल छे कथ यि जि कंह ति अवाम हेकि नु तोताम पनुन अलग वजूद कोईम थविथ योताम नु कंह मुशतरक अन्सर तिमन बाकी इनसोनी ग्रुपो निशि बिदून थावन । अकि जिन्दु तु शानदार तमदुनुच अलामथ छे ज़वान । पाँछ सास वरी प्रोन कौशुर तमदुन ति हेकि तेत्ती जिन्दु रूजिथ येति अंस्य कौशिरि ज़वोनि मरनु दिमव नु ।

बदनेसीबी छे यि जि केशीरि मन्ज छे अंदीवन हन्द्य अंक्य बड्य तवकन तिछ वथा रेंटमुच येमि किन इजतिमाई तमदुन खदकशी करि । तिमव छु कश्मीरियतस न्योठ होवमुत, योसु कश्मीरियत अवोमी तहजीबुच अख बेमिसाल यिपेट ओस । तिमव रेंट बुनियाद परसती हुन्ज वथ । तु बुनियादपरसती हुन्द अख अहम अन्सर छु मुकोमी जन्दगीयि तु माशरस नैहवनकल दिन्व तु अंकिस नैविस आलमी वोथवाशरस सुत्य रलुन ।

केशीरि मन्ज रोजन वालेन अंदीवन हन्द्य अंक्य बड्य बारु तवकन छु कौशिरिस सु मकाम नु दिनुक इजतिमाई फोसलु कोरमुत, येमि मकामुच यि ज़वान रियासतयि जिन्दगी मन्ज हकदार छे । हिन्दोसतानस मन्ज छे बाकी प्रथ जायि रियासती इन्तिज़ामयाहच सरकोरी ज़वान मकोमी ज़वान मगर केशीरि मन्ज छे नु कौशिरि बेलकि उर्दू । कौशिरि ज़वान छे नु प्राइमरी सकूलन मन्ज ति परनावनुक ज़ेरियि यि ज़न त्रेन ज़वोन्यन हन्यस फारमोलाहस तहत ज़रूरी ओस । कश्मीर यूनिवर्सिटी मन्ज अख कौशुर डिपार्टमेन्ट खोलुन गो कौशिरि ज़वोन्य पेंतरन सग तु मूलन द्रोत दिनस बराबर ।

कौशिर्य लुख छि नु पनुनेन शुरेन गरि कौशुर हेछिनावान । तिम छि उर्दूहस, अन्नारीजियस तु हेन्दीयस तरजीह दिवान । तरजीह हिन्दिस मामलस मन्ज छे नु कौशिरि ज़वान चूरिमिस नंबरस पेट ति यिवान ।

यिमन हालातन मन्ज छे कौशिरि ज़वान जिन्दु थावनुच ज़िमवारी कौशिरेन बटन पेट । हालाँकि असि छि सति फिरि होलोकास्टर वेतरावुन्य पेमित मगर अंस्य छि कौशिरिक बोनी, तु अथ रौछ करुन्य तु यि महफूज थावन्य छु असि लॉजिमी फरज बदनेसीबी छे यि जि सान्यन केन्चन लिखरेन छु नु यि ति ख्वश यिवात । वारयाह कूशिश करिथ ओस असि मरकज़ी सरकाउचि मुतलक मेनिसद्री आमादु कर्नामुच जि अकि मुबदल तु अलावु सिकरिपठु कनि गछि देवनागरीयस मन्ज लेखन आमुत कौशुर ति तसलीम करनु युन । मगर अमि लोबी तुल तियूत हूल बारव जि मरकज़ी सरकार सपुज अथ मुतलक हकुम वापस निनस मजबूर । अख कथ छे अमि तलु साफ गछान । सो गयि यि जि यिम लुख छि यछान जि कौशिरि ज़वान गछि बिल्कुल नेसतु नोबूद गछिन्य । तिम छि नु यि

ति यछान जि यि गछि बेयिस कुनि लिपी मन्ज जिन्दु रोजुन्य ।

कुनि ति ज़बानि हांद बापथ छु प्रथनु खलउ ज़रूरी जि स्व गछि लेखनु तु बोलनु यिन । अव किन छु कौशिर ज़बान जिन्दु थावनु बापथ कँह कदम तुलेंन्य लौजमी ।

i. असि पजि सारिनुय गरि कौशिर पौढ्य कथ करुन्य । असि पजि अख अँकिस सुत्य कौशिर पौढ्य कथ करुन्य । सौन्य शुर्य हेछन बहरहाल अंगरीजी तु हेन्दी मगर कौशुर हेछन तिम तैली येलि अँस्य गरि कौशुर करव ।

ii. असि पजि कौशुर करनस पेठ फखुर आसुन । अथ गछव नु अँस्य शरम करुन्य ।

iii. असि पजि शुर्यन यि वनुन जि कौशिर ज़बान हेकि तिमन code ज़बान आँसिथ । योसु बेयिस कौसि फिकरी तरि नु ।

iv. असि पजिन कौशिरिस मन्ज लेखनु आमचु कितावु मँत्य हेनि । अभि सुत्य सपदि कौशुर लेखन वाल्यन अँदीबन होसलु अफज़ाई ।

v. आम सभायन, तु जलसन मन्ज पजि बरादरी हुन्दन सारिनुय लुकन कौशिर्य पौठि कथ करुन्य ।

vi. असि सारिनुय पजि वाख मँत्य हयोन । अमियुक खरीदार बनून, यि पुरन । ए.आई के एसस छे आशा । जि बरादरी हुन्दी अथुवासु सुत्य हेकि वाख जल्दी अख quarterly मेगज़ीन बँनिथ ।

सरकडु ज़बानदान श्री ब्रज बिहारी काचरुहन छे पेशन गोई कर्मच जि यिनु वालेन पंचाहन वेंरीयन मन्ज गछि कौशिर ज़बान खतुम, वँलिव तिहुन्द वनुन करव अँस्य गलत सौबित ।

Naad is Your Voice

Vote & Support it.

Advertise in ***Vaakh***
and Serve the cause

वाख - 1

शुक्रवार अदबी मैगज़ीन

अक्टूबर 2005

प्रकाशक

आल इंडिया कश्मीरी समाज

(एआईकेएस)

डी-90, सरोजिनी नगर,

नैव दिल - 110 023

ई-मेल : aiksnd@rediffmail.com

संपादकीय पताह

904—सुभाषनगर,

जम्मू—180005

ई-मेल : rishant@rediffmail.com

© सर्वाधिकार सुरक्षित

येमिक्य प्रकाशित लेख वर्गार इस्तिमाल करन ग्रोठ गछि लेखक, अनुवादक त एआईकेएसक इजाज़त ज़रूर हयन युन।

यिमन प्रकाशित लेखन मंज़ ज़ोहिर करन आमचि गयि सत्य एआईकेएस या संपादक सुंद सहमत आसुन छुन ज़रूरी।

कवर डिज़ाइनत अँदरिम्य स्केच : गोकल डेंबी (परिचय: सफ 11हस प्यठ)

म्वल : 1) अख अंक : 50 रु.

(देश) 2) सालान : 100 रु.

(विदेश) 1) अख अंक : 10 डालर

2) सालान : 20 डालर

इश्तिहार : कवर सफ : 10,000 रु.

अँदर्युम कवर : 8,000 रु.

पूर सफ : 5,000 रु.

ओड सफ : 3,000 रु.

चवबाग सफ : 2,000 रु.

चंद सोज़नुक त विग्यापन खॉतर पताह :-

प्रबंद संपादक

'वाख': एआईकेएस

डी-90, सरोजिनी नगर, नई दिल्ली-110 023

(दिलि नैवरिम्यन चेकन गछन 40 रु. अलाव आसनि,

चेक/ड्राफ्ट गछि 'वाख' नाव आसुन।)

डी.टी.पी : रिकू कौल # 94191-36369

(यथ कालमस मंज करव अँस्य पनन्यन परनवात्यन त लेखन वाल्यन हंज चिटि शॉमिल। चिटि गछन 'वाख' किस कुनि ति पहलूहस मसलन अमि किस स्टैंडॉडस, अथ मंज शॉमिल लेखन अंदर प्रकट करन आमचि रायि या बेयि कुनि तजवीजस मुतलिक आसनि। चिटि गछन वेदयन अछरन मंज लोखिथ या टाइप कैरिथ आसनि त सँही निशानन हुंद इस्तिमाल गछि करन युन। वं गव अँस्य ह्यकव पनन्यन बँहलिपायि लेखकन हंज चिटि उर्दू हिंदी या अंगरीजि प्यठ अनुवाद कैरिथ ति शॉमिल कैरिथ-सं.)

स्यठाह खुशी गॅयि यि बूजिथ जि एआईकेएस तरफ नेरि नागरी कॉशिरिस मंज अख साहित्यिक जॅरनल। यि छु सॉनि माजि ज्येवि तरकी दिन खॉतर अख बोड कदम। नत छु अथ जबाँन्य बेयि अँकिस पीरि अंदर अंदरय नाबूद गछनुक सख खतर। मे हिब्यन लूकन हंजि पीरि हंदि खॉतर छे यि मंदछि हंज कथ जि असि छु कॉशुर परुन सु यथ लिपी मंज ति आसि तथ मंज, मुशकिल बासान। मगर बासान छु जि यिम डायक्रिटिकल निशान व्वन्य लागान छि त यिम मंजूर करन आमत्य छि, तिमव सत्य बनि कॉशुर परुन बूहिमि खवत सँहँल। यि कॉम अँजरावनस अंदर कॅर "सम्प्रति" यि बॅड कॉम। ब छुस त्वहि त तुहंदिस टीमस, लगातार त थकन वरॉय कूशिशा करनस त तथ अंदर कामयॉबी प्रावनस प्यठ मुबारख करान। अमि सत्य गछि कॉशिर लिपी आम त सँहँल।

"वाखस" करव अँस्य इतिज़ार, त त्वहि अगर अमि खॉतर म्योन कॅह लेखुन (युस अंग्रीजी आसी) कागमद बासि, ब आस तमि खॉतर हमेशि तयार।

—डॉ. के. एल. चौधरी

रूपनगर एनक्लेव, जम्मू -180013

(अंगरीज्य प्यठ तरजम)

तुहंज अँपील पॅरम। यि छे ख्वशकस्मती हंज कथ जि तोह्य छिव “वाख” नॉव्य रिसाल कडनुक संज करान। सलाहकार दौनिशवरन क्याह छु वनुन। बड असल। कौशिर ज़बान बचावन त असि सारिनय वतन बदर लूकन हुंद हस्विहाल वखनॉविथ ज़्याद ख्वत ज़्याद लूकन ताम वात नावन खॉतर ओस यि जोरूरी। त्वहि तुलव अथ दस। ईशर दियनव ह्यमथ त बैयि कदमन मदद त ओरजुव। पननि मकदूर मूजुब छुस पनन्य कम कास व्वंद बावथ त्वहि सोज़ान। यि कॅरितव कौबूल। क्युथ आसि क्याह आसि ति वुछतव पानय। तोह्य छिव सॉन्य नुमायंद दौनिशवर त तुहुंद हुकुम आसि असि प्रथ सात तालि प्यठ।

म्यानि तरफ त्वहि त सारिनय कारकुनन मुबारख।

—प्रेमनाथ शाद

39/3, आदर्श कालोनी,

उधमपुर -182101

आश छम क्वदरत संदि अनग्रह सत्य ऑसिव गर ग्रहस्थ सान वारवति। क्वदरथ रूज़िनव प्रथ कदमस रॉछ करान। ‘वाख’ रिसाल कडनस त अम्युक एडिटर बननस प्यठ कॅरितव म्योन मुबारख कौबूल।

कुमार अशोक सराफ “भायल”

110/ए, मुनीरका गाव

नॅव दिल - 110067

एआईकेएसएस (नई दिल्ली) छे अख बुथ्यदार संस्था त यि कडि ‘वाख’ नॉवच कौशर पत्रिका नागरी कौशिरिस मंज़। यि छु स्यठाह रुत कदम, खदवय सॉरी कौशिर्य, खासकर पॅडिथ अथ सत्य अथवास करन। पॅत्यम्यन पंदहन वॅरियन छु असि कौशुर शब्दराश स्यठाह रोवमुत युथ जि अथ वखतस यिम शुर्य ज़ायि तिमन छन पतहय माजि ज़्यव क्याह गॅयि। त्वहि छव अमी किन्य नागरी लिपी पाननॉवमच युस अख रुत कदम छु। म्योन ल्यखुत गछि नव्यव लिपी निशानव मुताँबिक पानय ठीख करुन.... म्याँन्य अठिम किताब “अर्श से फर्श तक” (कहानी—संग्रह) छु प्रस द्रामुत। यि किताब छपेयि एसओएस (दिलि हँदि) मदद सत्य। अथ छु डॉ. गंगा प्रसाद विमलन फॉरवर्ड ल्यूखमुत युस सेंट्रल हिंदी डाइरेक्टोरेटस ब्रूदयुम डायरेक्टर ओस त वुन्यकिस जवाहरलाल नेहरू युनिवर्सिटी मंज़ प्रोफेसर छु। अज़कल छुस ब कहानियन हुंद ब्याख मजमुव बनावनस लोगमुत।

—अवतार कृष्ण राजदान

लोवर शिवनगर

सुभाषनगर, जम्मू—5

तुहंज एआईकेएसएस तरफ कडन यिन वाजिनि पत्रिकायि हंज खबर दिन वाजेन्य अंग्रीज्य पाँदयन (?) चिदय वाँच। म्यानि तरफ गछि केईसीएसएस त अमि किस अद्यक्ष श्री एम.के. काव साँबस यि रच काँम करन बापथ मुबारख दयुन।

‘वाख’ यियि तुहंजि निगराँनी तल कडन, लेहजा आसि न अथ म्वलवुन केँह। ग्वडनिकि अंकुक रोज़ि बेकराँरी सान इतिजार। बगवानस ह्युस प्रार्थना करान जि ‘वाख’ पेयिन रतिस सातस प्यठ जान पाँदय थन त ज़ेठि ख्वत ज़्यूठ आयुर्दा ऑस्यनस।

‘वाख’ थन प्योन त प्रथुन आसि अख ऐतिहासिक कदम। अथ रोज़ि न लिखार्यन हुंद गाट केँह, सिरिफ गछि प्रकाशकन हुंद यराद स्यठाह दोर रोज़ुन। मँल्य ह्यथ परन वाँल्य ति मेलनस स्यठाह। सिरिफ गछि न यि कुनि सियासतुक त गुपिज्मुक शिकार गुछन।

‘वाख’ नेरि नागरी काँशिरिस मंज यि पॅरिथ गोस स्यठाह ख्वश। वुन्युस ताम यिम सानि पत्रिकायि काँशुर बोग ति छे छापान, तिम छन काँशिरिस काँह महत्व दिवान। अथ छे कम त पोतुस जाय मेलान। साँरी छि काँशिरि ज़बान्य हंज वकालथ करान मगर न पत्रिकायन मंज स्व जाय दिवान न छि काँशुर लेखनस अहमियथ दिवान। काँशिरिच वकालथ छे अज कल अख फॉशन, महज अख फॉशन बनेमच।

अगर तुहय वॅनिव ब ति लेख केँह वाख खॉतर।

—पृथ्वीनाथ मधुप

ओम नगर, उदयवाला
बोहडी, जम्मू -180002

.....मे लेछेयि येमि ब्रौट त्वहि अख चिदय, मगर स्व ज़न गॅयि म्याँनिस कंप्यूटरस मंज गाँबय। तथ मंज ओस मे त्वहि ग्वड मुबारख कोरमुत जि त्वहि ह्युव काँशिरि जर्नल वाखचि एडिटरी हुंद बोरे तुलुन शोरू कोरमुत। श्री एम.के. काव साँबन ओस मे अथ मुतलक ल्यूखमुत। ब ह्युस स्यठाह ख्वश जि त्वहि ह्यव यि ज़िमवारी तुजमच। मे ह्यु तुहंदिस काँबिलियतस प्यठ यकीन जि यि (जर्नल) गछि मजबूथ थमन प्यठ खड़ा युथ वाव चंजन मंज अलगज़ार गछ्यस न। अतंर्राष्ट्रीय ज़बानदानन हंथ किन्य छे काँशिरि ज़बान गलान त मरान। मे ह्यु त्वहि मंज अख त्युथ वालटियर लबन यिवान युस अथ बचावि, फॉलावि त पोछर दियस। म्योन पूर अथवास ह्युव आयतन। पज़र ह्यु जि काँशुर परन वाँल्य छि कम, बेयि कम गछान त तिमन ह्युन वातान काँह। असि छे ज़्यादा पछ पानसय वुसथ दिनस, पनुन पान बचावनस त बेयिस ब्रौह नेरनस प्यठ। ब ह्युस त्वहि सत्य सहमत जि कुनि खास तरीक अथ मसलस सनन सत्य ह्यु फॉयिदय फॉयिद त अमि न्वकत नज़रि किन्य हेकि काँशिरि ज़बान्य अर्पन करन आमुत नागरी काँशुर मैगज़ीन छंकरन आमत्यन काँशिर्यन अंदर माजि ज़्यव रछनस

त अथ जूबॉन्य तरकी दिनस मंज अहम बूमिका अदा करिथ। अथ पैयि परन वॉल्य बंडरावन खॉतर खास कूशिश करन्य त अम्युक मजमुन (विशय वस्तु) गछि सानि समाजिचि नवि नवि जूरुत पूर करुन।

अथ मुतलिक सवालस ह्यु अख नकॉर्य पहलू ति, सु गव जि हे यि पत्रिका कडन्य क्या मतलब ह्यु थावान? 'क्षीरभवानी टाइम्स', 'कॉशुर समाचार', 'मिलचार' पत्रिकायन छि कॉशिर्य बॉग्य आसानय। जूरुथ छा जि यिम थवोख कूशिशव रँग्य, पॉसव त मैटर रँग्य हपान? असि ह्यु थॅदिस मेयारस (एक्सिलेंसस) प्यठ ज़ोर हुन मगर चंद ह्यु सुय त रवपयि ति छे तिमय। मे छे व्वमेद जि यिमन सारिनय कथन ह्यु दल दिन आमुत युथ व्वन्य यि फॉसल करन आमुत ह्यु। यि आव मे जिमनन खयाल। अति छि कॉम अँजरावनस कित्य बड जिमदार नफर त मे छे व्वमेद जि यिथि मुहिम खॉतर आसि सरकॉर्य इमदाद ग्वडय हॉसिल सपुदमुत। म्योन पूर अथवास ह्युव तयार। ब यि केंह करनस युग्य आस, ब कर जूरु। तोहय बॅरिज्यव न वाय। ब लाग न चेर। असि छे पनन्य कॉम पननि खोशी, दरअसल जबरन, पननि पतचि पीरि हवाल कॅरमच युथ ज़न अँस्य जिंद जुवय वुछव जि तिम क्याह करन तेलि येलि न अँस्य वुछनस, त तिमन वथ हावनस कित्य आसव। अथ सॉनिस तजरुबस द्रायि केंह रत्य नतीजि मगर यिमन हंज लगन त अथ सत्य आवरेर ह्यु कमय पहान। यिमन ह्यु वख कम त केंचन सूरतन मंज ह्यु मन व्वदॉस्य गछान। व्वमेज खलाफ सान्यन सरगरमियन मंज ह्यु न कांह नोव जवान त क्रिएटिव डायमेशन ब्यटान त अँस्य यूताह ववान छि त्यूत ति ह्यु न तोर वापस यिवान... मे छे टेबलस प्यठ वुन्यकिस पॉस रँग्य मदद खॉतर ज़ोर अँपील। अकोय प्रोजक्ट ह्यु कचन जायन तुलन यिवान.... यि सोरुय ह्युस ब पनन्य मुशिकलाथ समजावन खॉतर लेखान। 'वाख' छॅपिन त सर्कुलेट गॅछिन, मे ह्यु यकीन बगवान यियि कुनि नत कुनि शकलि त अथ प्रोजक्टस करि अथ रोट।.....

—डॉ. ब्रजकृष्ण मोज़ा

211, पार्क स्ट्रीट,

कोलकता - 700017

वाख-1 हक्य चित्रकार : गोकल डेम्बी

जनम : श्रीनगर, 1939। नैशनल डिप्लोमा इन पेंटिंग दिल्ली कालेज आफ आर्ट, प्रिंट मेकिंग, भारत सरकारक स्कालरशिप, लखनऊ, प्रो. दिनकर कौशिकस सत्य। जम्मू कश्मीर स्टेट, आल इंडिया फाइन आर्ट्स एंड क्राफ्ट्स सोसाइटी त दिल्ली कालेज आफ आर्ट एवार्ड। आर्ट हेरिटेज नवि दिलि एकल शो। शमूलियत:— 'द सिक्स' नैशनल एक्जिबिशन आफ आर्ट, ऐफैक्स एनुवल आर्ट एक्जिबिशन, ऐफैक्स इंटरनैशनल ग्राफिक एक्जिबिशन दिलि त चंडीगढ़, आल इंडिया डाईंग एक्जिबिशन चंडीगढ़, एलकेए. एच दुबरसी आर्ट एक्जिबिशन इन इंडिया एंड एवार्ड बगॉर बगॉर।

कवर पेंटिंग:— गुणाहय जंगलस मंज बृहत्कथा बोज़नावान,

अँदरयुम कवर : रव पोशि वॉर,

सफ नं. 42 :— अँस्य ति छि इनसान सफ नं. :— 44 क्याह ओस डेशुन!

ऑखरी अँदरयुम कवर:— सैवारी डेम्ब, म्यॉन्य ज्यन जाय

वाख : बावनायि हुंद “हाई-वे”

“वाख” क्याह छु यि वननुक जोरूथ छुन। यि छु त्वहि अथस कयथ त अकी नजरि आसि त्वहि अनमान कौरमुत जि यि छु साहित्यिक मैगजीन, कॉशुर। यथ मंज छिन सॉन्य समोजी या सियाँसी मसल सेदि स्योद तुलन या वखनावन आमत्य, वरग पॉट्य आसन तिम कवितायन, कहानियन लेखन मंज वेंध्यमत्य त वेंध्यतन। तिमन प्यठ खस राय दिन आसि आमच, स्व आसि बहरहाल साहित्यकार संज राय, खस सियाँसी नारक्य पॉट्य इस्तिमाल यियि न करन, कुनि सियाँसी मसलस मुतलिक हेकि परनवॉल्य संज रायत्राय बेशक प्रबावित करिथ। यि वननच या अथ न्वकतस व्याख्या करनच जोरूथ ऑस न, मगर अँस्य वत व्यलॉय गॉमत्य कॉशिर्य छि वुन्यकिस इतिहासकिस तिथिस मोडस प्यठ खडा जि कांह ति सियाँसी ज़ितिनि क्योम छु असि ज़ूरि प्यठ जोतवुन चोंग बासान। सॉन्य समोजी हालथ छे तिछु जि अँस्य छि ती यथ ज़न वनान छि हिरि या हीरि गॉमत्य, वीर्यन ति टंग मंगान।

सान्यन वार्याहन परन वाल्यन बासि यि छु सोन ब्याख “कम्यूनिटी मैगजीन”, त यि ति तुलि सॉन्य मसल तिथय पॉट्य। कम्यूनिटी मैगजीन छु यि बेशक, मगर तमि कॉशिरि कम्यूनिटियि हुंद खस नागरी लिपियि मंज कॉशुर परान छे या परुन येछि। अथ मंज छु सु कांह शखस ति शॉमिल यस कॉशिरि ज़बॉन्य सत्य कांह दिलचस्पी छे, युस ज़ानुन यछान छु जि अज कल क्याह छु कॉशिरिस मंज लेखन यिवान, कॉशिर्य अँदीब क्याह त कमि नँहँजि छि सोंचान, तिहंद्य एहसास कॉत्याह सेजिटिव छि, तिम कॉत्याह आवर्य छि ज़िंद मरन क्यन मसलन मंज। यथ कम्यूनिटियि मंज छु प्रथ सु शख्स शॉमिल युस यि मानान छु बँल्कि वनव यस यूत थोद शोवूर छु जि समजान छु जि ज़बानय याँच छे सानि पछॉन्य हंज गारंटि। अँस्य रावव मुल्ककिस त दुनियाह किस लुक अरसातस मंज अगर न अँस्य पनन्य ज़बान बचावव, अगर न अँस्य पनन्यन तिमन पायिबड्यन त कदावर ग्वनमातन मुतलिक पनन्यन बचन वनव यिमव किय अँस्य वुनिसताम कल थोद थँविथ रूद्य, अगर न अँस्य ललदेदि, नुंदरेशिस, अँरिनिमालि, रोसुलमीरस परमानंदस त नॉदिमस मुतलिक पान त ज़ानकॉरी थवव, पनन्यन शुर्यन ति ज़ानकॉरी दिमव, अगर न अँस्य अम्युक इतिज़ाम करव जि

सानि जवान पीरि ज्ञानन जि ललितादित्य,
अंवतीवर्मन, बडशाह, कल्हण, जूनराज,
अभिनवगुप्त, आनंदवर्धन त श्रीभठ कम
ऑस्य, तिहंद्य क्याह अहसान छि असि
प्यठ। आ “वाख” छु सोन कम्पूनिटी
मैग्जीन।

वाखुक “रीडर” छु वुन्यकिस पननि
माजि कॅशीरि निशि छ्यन गॅड्थि गॉर
कॉशिरिस ऑंद बोरिस मंज रोज्ञान। गरि
न्यबर छुन तस कॉशुर बोलनुक त न
वर्तीवनुक मोकमहल दॅस्तिबाब। सु छु नवि
रोज्ञन जायि हुंद लोकल अखबार परान
या पिल्योसय दिलि हुंद तथाकथित “नैशनल”
अखबार परान त रेडियो टीवी जॅरियि कॅशीरि
हंदि मूंसिमुक हाल बूजिथ पनन्य नारतॅत्य
शेहलावान। कोमी हालाथ त हालातन हंज
कस्म कस्म सेल बुडिथ येमिक्य दुकान
सजाँविथ केंद्री क्यो रियासॅती सरकार पनुन
खोट माल कनान छि, छु सु द्रह खवत द्रह
निराश गछान त कॅशीर छे तस निश दूगन
गछान। स्व बैयि लबनच आश छे तस
सोरान गछान। तसंजव कोर्यव त नेचिव्यव
हेत्य बदल बदल स्टेनन त मुल्कन हंद्यन
बदल बदल ज़बान बोलन वाल्यन लॅडकन
त लॅडकियन सत्य खांदर करन्य। सु छु न
वुन्यकिस पूर चेनान जि तसुंद वुन्यकिस
अथ लुक व्यवहारस मंज यिथ कॅन्य गीर
गछनुक दूरस अंजाम क्याह आसि। सु
छुख ज़न त माँतराँविथ शोवमुत। मगर
येलि सु ह्यसस पेयि तस आसि न दौदिस
वातुन मुमकिन। दोद, येम्य कल कडुन
हयोतमुत छु। तस छु वार वार बेहान जि
कॉशुर क्याह करि तस? कॉशुर ज़न रोज़ि
न त न्वकसान क्याह गछ्यस? सु छावि
पंजॉब्ब, गुजराँत्य, मराँद्य, डूगर ज़बान त

कल्चरय, मगर बैफिकिर त रोज़ि।

मगर यि कॉशुर परन बोलय छु
सु युस कुनि नत कुनि पाँदय कॅशीरि
सत्य संबंद ति बरकरार थवुन यछान छु।
किंही नय अंद्यस त सोपनन मंज छु
कॅशीरय कॅशीर बुछान, योदज़न हुशियॉरी
मंज तथ मुतलिक सोंचि ति न। यि सोन
कॉशुर बोय छु हँकीकतन सोन असली
चुक्यदर ति क्याजि योहोय छु असि गारंटी
जि अँस्य छि कॉशिर्य, अगरय असि
जांह कॉल्य ति कॅशीर बैयि वापस प्रावन्य
छे, योहोय कॉशुर आसि सॉनिस कारवानस
ब्रॉठ ब्रॉठ। यि छु दरअसल सानि कल्चरुक
त मीरासुक रॉछदर तिक्याजि योहोय रछि
ज़बान। पान परि कशीरि मुतलिक कॅह
नत कॅह। कॅशीरि प्यठ ति परि त जानि
यि बैद्यस, यथ ज़बाँन्य मंज ति बैद्यस,
त सती करि कुनि नत कुनि मरहलस
प्यठ पननिस शुरिस कॅटिस ति कॉशुर
आसनुक ज़वन, कॅशीरि मुतलिक त शायद
कॉशुर परनुक ज़वन। येली तेलि।

“वाख” छि सान्यन यिथिनय
बायन त बेन्यन प्यठ मुशतमिल
कम्पूनिटियि हंज साहित्यिक पत्रिका। अथ
मंज करव अँस्य कूशिशा अख पननि
माजि ज्येवि त मॉल्य मीरासुक खज्ञान
रॅछरनच त नव्यन पुयन ताम विट विट
वातनावनच कूशिशा त बैयि पनुन रिशत
तथ ज़मीनि त ततिचि तथ ज़बाँन्य क्यो
अदबस सत्य जिंद थवनच कूशिशा, खस
सॉनिस माज़स त रतस मंज मूजूद छे।
अँस्य करव पनुन पारम्परिक सोंच त
चिंतन पेश मगर सती रोज़व समकालीन
फिकिरि त नज़रि सत्य ति संबंद देरवान।
कॅशीरि अंदर ति क्याह छु लेखन सरन

यिवान, अमिच जलक ति रोज़व हावान, त कँशीरि न्यबर कोत वोत सोन कोशुर इंटेलिजेंशिया, यि ति वननच कूशिश करव। बैयि करव यिति कूशिश जि मुख्तलिफ शहरन मंज कयाह त किथ कँन्य छि अँस्य पननिस साहित्यस त संस्कृतियि हँदय *इनिशियेटिव* निथ पननि जिंदगियि ज़्याद मानेसाव्यर दिवान, अथ मुतलिक ति गछव परनवालयन सूचनायि दिवान।

वाख खॉतर कुस हैकि लीखिथ? सॉन्य शॉयिर, नाटककार, कहानीकार, समीक्षक त समालोचक गँयि आँसिथय। तिमन छु लेखनुक तजरुब। तिहँजन रचनायन रोज़व अँस्य वत वुछान। तिमन छुन काँसि प्रछनुक ज़रूरथ। तिमन पजि पनुन ल्यखुत सूजिथ “वाख” सँय करुन। सिरिफ गज़ल त नज़्म न। कुनि ति अदबी विशयस प्यठ कलम तुलुन त लेखुन। पनन्य इह दिशिक्य तजरुब पनन्य डयरी, पनन्य खत, “वाखस” मंज छपेमतिस प्यठ पनन्य राय, त्वक्तचीनी यि कँछाह महसूस करन ति बैफ़ोक लेखुन त सोजुन। अगर न नागारियस मंज ग्वड ग्वड लीखिथ ह्यकन, नस्तालीकसय मंज। संपादक छु तिहुँद ताबेदार। लिपी ति बदलावि, अनुवाद ति करि, रफ ति शोरि, फियर ति करि पानय। मगर लेखकन हुँद गरम अथवास गछ्यस आसुन।

तिम, यिमव बुनिस ताम ल्यूख मगर न्यबर कडनस बँहेरियि न, तिम ति सूजिन असि पननि रचनायि। 1990 पत आयि सॉन्य वारियाह लेखन वॉल्य नवि सर त काँत्याह ग्वडनिकि फिरि सरि आमस प्यठ। कँचन हुँद लेखुन ओस पज़ी रुत त

काँबिलि गोर। कलामुक रुत त काँबिल आसुन छु ज़ोरूरी, तिक्याजि तमि सत्य छे सॉनिस आत्माहस त वोज़ुदस पायिदोरी मेलान, गसन आमुत बैयि गशुन त पिहन आमुत बैयि पिहुन छु वख त स्वख रावरावान। तमि निशि पजि असि यूत मुमकिन त्यूत परहेज करुन।

ललदेदि वन्योव ग्वरन अकोय वचुन युस तसदि खॉतर “वाख” बँनिथ तसजि मन यात्रायि हुँद राजमार्ग बन्योव। अथ राजमार्गस, चिंतन त बावनायि हँदिस “हाई वे” हस प्यठ गँयि स्व ब्रॉठ ब्रॉठय पकान, पोत नज़र ति दिचन न। यि यात्रा आँसस न सँहल बल्कि क्रठ। अति लायोंस वतन हुँद माज लतन, मगर “वाख” रूद ज़्यवान त जोतान गाशि तारकक्य पॉदय। यथ पत्रिकायि “वाख” वँनिथ छि अँस्य ति पननि छँतरबोनि माजि हंज हिशि “हाई वे” प्यठ वॉतिथ पेमत्य। असि ति छुन ब्रॉह पकन वरॉय चार। अथ वति कुन छि लूख, कोम, *कम्यूनिटियि* यिवान त दवान। असि ति छु यिमन ब्रॉठ नय त यिमन सत्य सत्य कदम रलावुन त अद बोजि सोन कांह। अमि खॉतर छु असि ललमाजि हँदी “वाखुक” सहार त कारव्या छे जि “सॉरी समहव....!” समॉजी एतिबार छि अँस्य वाराह समखान, कमकास सहित्यिक क्यो कल्चरल एतिबार ति, मगर सार्थक समुन त अँकिसय लक्ष्यस कुन लमुन छु असि व्वन्य। “वाख” परुन त पाननावुन। मंगुन त बाँगरावुन। अथ कोदय दँररावन्य। ख्वखज हयँच असि करन्य यि आश थॉविथ जि खड़ा गछव। ग्वडनिच कूशिश छि ख्वखजय आसान।
— रतनलाल शांत

काँशुर नाद — त्वहि सारिनय सोन आलव

- 1) 'वाख' खॉतर छि अँस्य ऐहताराम सान लेखकन, शाँयिरन, नाटककारन नाद लायान।
- 2) 'वाख' म बुछून तोहय सिरिफ तिमन हदबँदियन अंदर यिम अथ त्वहि बासनव बँल्कि तिमन हदन तान्य यिमन तान्य तोहय यि वातनावुन येछिव।
- 3) 'वाख' छु खॉलिस अदबी मैग्जीन। लिहाजा ह्यकन अथ मंज तमाम साहित्यिक मसल तुलन त व्यछनावन यिथ। तिम मसल आँस्यतन काँशिरिस साहित्यस, कल्चरस सत्य त ग्वड अनवॉर्य दिमोख। आसन न तोति दिमोख जाय।
- 4) 'वाख' छुन अलाकन त बँस्तिन, वादियन त माँदानन, बालन त दँरियावन या मुल्कन हंजन सरहदन अंदर काँद, तिक्याजि साहित्य छुन काँह सरहद मानान।
- 5) 'वाख' खॉतर गछन लेख कवितायि वगॉर नागरी लिपी मंज साफ अछरन मंज लीखिथ या टाइप कँरिथ सोजुन यिन्य। तरजमस सत्य गछि मूल ज़बॉन्य हँदिस लेखक सुंद इजाजथ ति आसुन।
- 6) 'वाख' खॉतर हैकि सामग्री ईमेल जँरियि ति यथ पतहस प्यठ सोजुन यिथ rlshant@rediffmail.com या aiksnd@rediffmail.com।
- 7) 'वाख' छु सिरिफ भारत सरकारक्य मंजूर शुद निशान वरतावान। यिम निशान छि सँहँल त कंप्यूटरस मंज Yemberzal फाँट त Arnimal कीबोडस मंज www.penfosys.com प्यठ डाउनलोड सपदिथ ह्यकान।
- 8) अथ सत्य लेखन खॉतर छि काँशिर्यन निशानन हंघ नमून पेश :
 अँ = अँछ, अँड, गँज, कँर, अँस्य, कँरिथ, दँरियाव, सँहँल, हदबँदी
 आँ = काँर, लाँज, माँर, काँल्य, काँद, आँद्य, माँदान, शाँयिर, काँशिर्य
 अ = ब, च, त, बत, नत, बड, छुन, खॉतर
 अ = सत्य, कत्य, तर, डस
 ऐ = मे, चे, छे, रेह, नेनि, बेनि, हेह, येछिव, ऐहतिराम
 ओ = ओदुर, मोट, कोर, शोद, बोड

बाकय काँशिर्य स्वर छि तिमय यिम हिंदियिक्य छि।

काँशिरिस मंज छिन अँस्य औ, अः, ऋ, घ, ड, झ, ज, ढ, ण, ध, भ, प, क्ष, ज़ इस्तिमाल करान। येलि अँस्य हिंदी या संस्कृत लफज काँशिरावोख अँस्य लेखव तिम यिथ कँन्य : गरबार, जंड, डोल, दनवान, बूमी, शठकोन, ग्यान... मगर येलि नाव लेखन्य आसन अँस्य वरतावव मूल लफज तिथय पाँद्य : घनश्याम, ओझा साँब, कृष्ण, सुभाष, लक्ष्मण, ज्ञानेश्वर...

नागरी लिपी प्यठ वाद विवाद : अख रपोट

कांशिर्युक लिबास यानी रस्मुलखत या लिपी। रस्मुलखत वॅनिथ ह्यु कथि अरखी र्यवायतस सत्स वाठ लगान। अमीन कांमिल साँबन वोन पननि “अछर ज्ञान” किताबि मंज — “सोन रस्मुलखत ह्यु साँमी बुनियॉज प्यठ बन्योमुत”। लिपी वॅनिथ ह्यु यिवान मानन जि यि गव कांशिरि ज़बाँन्य हिंदुस्तॉन्य मूल हुन। (अमा अद कम मूल छिस?) लिपी त रस्मुलखत, अथ दमल हमलि मंज मा छे पान ज़बान रावान, तमिच कत्यन छे फिकिर? यि ह्यु सोँच करनस लायख। केँह र्यथ ब्रॉठ कशमीर युनिवर्सिटियि मंज कांशिरि ज़बाँन्य हँदिस अँकिस व्वस्ताद, नकाद (आलोचक) त अँदीबस मत्य कथ करान वोन तिमव जि अगर ब्याख रस्मुलखत ति वरतावान यियि, तथ मंज क्याह ह्यु म्यानि खॉतर? मतलब ओसुस जि सु ह्यु न नागरी रस्मुलखतस सत्य वॉकफ। (यि कथ ति ऑस न पँज। सु ह्यु नागरी लिपी ति ज्ञानान त हिंदी ति परान। व्वन्य गव आर्यूमेंट खॉतर ह्यकव माँनिथ जि साँरी कांशिर्य छिन नागरी ज्ञानान) त युस कांशुर अदब नागरियस मंज लेखन यियि, सु हेकि न सु पॅरिथ। मगर येलि तॅमिस वोन जि योहय आर्यूम्यंट अगर तिमन कांशिर्यन, खसूसन बचन कुन ति करोन त स्व नवजवान पीर, खस नामवाँफिक हालातव किन्य कॅशीरि न्यबर छे त उर्दूहच वॉकफियथ न आसन किन्य ह्यकन न कांशुर पॅरिथ लीखिथ, स्व कथ माँनी न तिमव अँदीब साँबव। दोपुख — मे क्याह, मत पॅर्यतन। खदवय यि कथ काँह आम शखस वनिहे तॅमिस समजावहाँव। ज्ञानन वॉलिस नकाद दोस्तस कुस सना हेकि मानराँविथ? क्या रस्मुलखतस मुतलिक युस वाद वाद 2004 किस बहारस मंज वोथ, तथ पत कनि ति ओसा योहोय न मानुन? वॅलिव अथ कथि ह्यमव साम त वुछव कथ कति वॅछ त कति बीठ?

ज़बान रछनच वथ कॅडख :-

अकि हिसाबय बोज़व त कथ ऑस पॅतिमिस दॅहिलिस अंदर चलान। कॅशीरि हंज अकलियथ (अल्पसंख्यक) येलि कडन आयि, तथ रोव गर। जलायि वतनियि (देशनिकाला) हुंद त्योल ह्यु बराबर तेलान। खांस कॅरिथ अज़ पंदाह बॅरिह गछन पत ति येलि न गर गछनच काँह वथ ट्रेंठ छे यिवान। जलायिवतनियि मंज ह्यु त्योल ज़्यादय पहान सनान। जलायिवतन अकिलयथ छे अज़ ति कॅशीरि त कॅशीरि मुतलिक कथन बड दाद दिवान। अँजि किस हिंदोस्तानस मंज छे शायद यि कुन्य अकलियथ यस पननिस असासस (परंपरा) कुन स्पठाह ज़्याद मुतवजह (दयान) छे। यि छे आम

कथ जि. कॅशीरि अंदर ति छन अज कॅशीरिस तीच तुलत्राव यीच कॅशीरि न्यबर अथ अकलियतस अंदर छे। चाहे तिम् रस्मन र्यवातन हंज कथ आसन, तवॉरीखचि (इतिहास) कथ आसन या ज़बॉन्य हंज। येति छि लूख यिम्न त्यूत त्वल खोल करान जि हॉरॉनी छे सपदान। जोमि, दिलि बंबयि त कलकतह सरिनय जायन छे जोरदार कूशिशि चलान जि यिन पनन्य माजि ज्यव अथ गछिव। तिम् कॅशीर्य यिम् वॅरिये वाद ब्रोंठ कॅशीरि ऑस्य द्रामत्य ति छि पनन्यन गरन मंज शूर्यन बाचन सत्य कॅशुर बोलान, तिम्न

दुकानस बोड ओस परन, हिंदी जानुन ओस ज़रूरी। यिम् बेयन जायन ह्यन आय तिम्व ह्योछ मरॉद्य त बंगॉल्य ताम मगर हिंदियस सत्य ल्वय ख्वय ऑसख ज़रूरी। यि बन्यव तिम्न बापथ कॅशुर नागरी लिपी मंज लेखनुक वजह। कॅशीरि हंजि अकसॅरियनुक (बहुसंख्यक) युस शखस कॅशीरि न्यबर द्रामुत ओस तस ओस अमि मजबूरियि हुद बास। यिम् अंदीब सेमिनारस, महफिलन मंज हिस निनि या बाकय ज़रूरियातव किन्य मुल्क क्यन बाकय हिसन मंज फेरान ऑस्य, तिम्व वुछ यि वुसजार त समजुख।

विस्थापित अकिलयतय छे स्यठाह कूशिशि करन्य त कॅशीर्युक दामन रॅटिथ थवुन। स्कूल, बाज़र, बस, दफ्तर सॉरी छि कॅशुर बोलनस ठोर बनान। अति कॅशुर अथस मंज थवुन छु कारे दारद (मुश्किल)। अमि बापथ यीच ति वत म्वयसर आसन, यीच आसॉनी आसि, कम छे। व्वन्य हरगाह यिम्व कॅशीरि वापस गछनच कथ आसिहे त्रॉवमच, तेलि ऑस सूरथ रछ खंड ब्योन। स्व कथ छन। पथ गव कल्चर त विरस। यिम्न छख ज़बर्दस्त थफ त्रॉवमच। यिम्न निम्वा कॅशुर सिरिफ येमि किन्य जि यिम् छिन उर्दू जानान त पॅरिथ ह्यकान, यि ज़न कश्मीर युनिवार्सिटियि हंदिस अदीब सॉबस गरज ओस?

कॅशुर बोलनावान। यि छु न कांह इनकिशाफ (रहस्यउद्गाटन) बॅल्कि द्रुस मुल्कस मंज हॅकीकथ। अॅथ्य सत्य वोथ लिपी हुंद सवाल। कॅशीरि नीरिथ रूद न अथ तबकस (वर्ग) उर्दू परनुक न माहोल न वॅसील (सादन)। शूर्यव पोर हिंदी। बड्यव, यिम् उर्दू फारसी जानहन कॅर मजबूरियि किन्य हिंदी परनच सई (कूशिशि) चाहे शुरिस सबख ओस द्युन, चाहे

बॅल्कि कॅशीरि ज़बॉन्य हंघन यिम्न आशकन कोरुख मरहबा (शाबश) जि नामसॉइद (दुर्दशा) हालातन मंज ति कंडख पनन्य ज़बान रछनच वथ।

अॅथ्य सत्य वछ कॅह आवाज ति, अवाडन प्यठ। अज ब्रोंह कॅरीबन दॅह वॅरिय येलि नागरियस मंज लेखनच कथ वछॉयि कॅचन बास्यव जि यिम् निन साहित्य अकादमियि हंद्य अवाड कोबू कॅरिथ।

अख लोच क्रख वँछ। मगर तमि विजि ओस कँशीरि मंज दबर दन्य ज़्यादय पहान। हुथ मसलस कुन गव न ज़्याद ज़चन। 2003 हस मंज येलि मरकँजी इनसॉनी वसॉयिल वज़ारतन (मानव संसादन मंत्रालय) कौशिरि खौतर नस्तालीकस सत्यी नागरी रस्मुलखत ति माननुक फॉसल कौर, तमि विजि ऑस कथ दौछन आमच। जलावतनिथि हंज हालथ, कौशिरि ज़बान रछनच ज़रूरथ—यिमन कथन प्यठ ओस गौर रस्मी कथ बाथि अलाव दवन बड्यन सेमिनारन मंज गोर—व—खोज़ (मनन चिंतन) सपदयोमुत। अख गव जोमि त ब्याख दिलि मंज। कथि लोग दल। खँदिशि गँयि दूर। ज़रूरथ आयि ब्रौठ कुन। नतीजि द्राव 2003 हस मंज मंत्रालयुक यि फॉसल जि किताब छापनस मॉली इमदाद (आर्थिक सहायता) त यनाम वगौर बापथ यियि नस्तालीकस सत्य सत्य नागरी ति ब्याख लिपी मानन।

कुनि ज़बॉन्य हंदि खौतर ज़ या ज़्याद रस्मुलखत छन कांह अँजीब कथ। हिंदोस्तानस मंज छि सिंधी ज़बॉन्य ज़ रस्मुलखत—अरबी त नागरी। रियासति जम्मू कश्मीरस मंज छि यि कथ ज़्यादय पहान मानन आमच। कौशिरि पत यिम ज़ ज़बॉन्य रियासतस मंज सारिवय खवत ज़्याद बोलन यिवान छे तिम छे डूगरी त पंजॉब्य। डूगरी छे नागरियस मंज त पंजॉब्य गुरुमुखियस मंज लेखन यिवान। मगर द्वशिवन्य ज़बानन हंदि खौतर छु नस्तालीख (उर्दूहुक) रस्मिखत ति ब्याख इज़ाफी (अतिरिक्त) रस्मुलखत किस सूरतस मंज मंज़ूर करन आमुत। अगर कांह डूगरी या पंजॉब्य नस्तालीकस मंज

ति छपावि, स्व किताब यियि मॉली मदद या यनाम खौतर कबूल (स्वीकार) करन (हरगाह लायक आसि, ति छु ऑसिथय। गर्ज छु रस्मुलखत बन्यस न ठोर) कौशिरि खौतर नागरी ब्याख लिपी मानन सत्य गँयि कौशिरिस सपज़मच नाइनसॉफी दूर। अमि खवत अहम कथ छे यि जि अँकिस बँडिस ज़बॉन्य तबकस आव कौशिरिस सत्य पुनन वाठ थवनस वँसील अथि।

चाहे अँस्य कम कम सियाँसी तौबीर (राजनीतिक व्याख्या) करव, कम कम थ्योरियि वनव, हकीकथ छे यि जि कँशीरि हंज अक्लिथय, यस मुतलिक यि वनन गलथ गछि न जि अथ छु कँशीर त कौशिरि शखियँच सत्य सारिवय तबकव खवत चोर वाठ त वास्त, स्व छे स्यठाह नामवॉफिक (अन—अनुकूल) हालातन मंज रोज़ान। बाकी यिम ति मुशिकलात तिमान छि, ज़बॉन्य हंदि रंग छिख ज़्यादय पहान चैलेंज ब्रौह कनि। कँशीरि मंज कौशुर बोलुन त वरतावुन छु अख क्वदरती अमल (क्रिया) हज़ारहा कृशिश कँरिथय हैकि कांह तति कौशिरि निशि दामन छेलिथ। (यि वँनिथ ति छि वारियाह कौशिरि निशि दूर्यर हयवान) विस्थापित अक्लिथयत छे स्यठाह कृशिश करन्य त कौशिर्युक दामन रँटिथ थवुन। स्कूल, बाज़र, बस, दफ़तर सॉरी छि कौशुर बोलनस ठोर बनान। अति कौशुर अथस मंज थवुन छु कारे दारद (मुशिकल)। अमि बापथ यीच ति वत म्वयसर आसन, यीच आसॉनी आसि, कम छे। व्वन्य हरगाह यिमव कँशीरि वापस गछनच कथ आसिहे त्रॉवमच, तेलि ऑस सूरथ रछ खंड ब्योन। स्व कथ छन। पथ गव कल्चर त विरस। यिमन छख ज़बदस्त थफ त्रॉवमच। यिमन

निमवा कॉशुर सिरिफ येमि किन्य जि यिम छिन उर्दू जानान त पेरिथ ह्यकान, यि ज़न कश्मीर युनिवर्सिटियि हंदिस् अदीब सॉबस् गरज़ ओस?

गव यि जि 2004 किस बहारस मंज़ आव अँकिस अखबारस (हिंदोस्तान टाइम्स—सं.) कॉशिरि खॉतर नागरी लिपी यसल इस्तिमाल सपदनकि हकीकतुक जिकिर। अकि अदबी ऑजमनि (संस्थायि), येमि ब्रॉठ ति त्वति त्वति नागरियस एतिराज़

तिम शखस यिमन न कॉशिरि अदब ज़बान त रस्मुलखतुक बास त एहसास छु बनेयि वँकील त मुनसिफ त दितुख कॉशिरिस खलाफ फॉसल। नागरी न सॉ चलि न। अमि सत्य गछि कॉशुर खतम। कॉसि वोन न जि नस्तालीक सत्य किथ कँन्य गव डूगरी त पंजॉब्य खतम। कॉसि ज़ोन न जि कँशीरि हंजि अक्विलयँच ति मा छु कॉशुर परनुक त रँछरावनुक हक।

ओस कोरमुत, तुल यि मसल त बनोवुन बम। वनन आव जि कॉशिरिस छु रस्मिखत बदलावन आमुत। यिति द्रव तँथ्य अखबारस मंज़। यि ऑस न कथय। तथ ऑजमनस (कमराज़ अदबी मरकज़) सत्य वॉबिस्त नफरन त बाकी अँदीबन ऑस खबर जि रस्मुलखत छुन आमुत बदलावन। बँल्कि छु सिरिफ नागरी अख इज़ॉफी रस्मुलखत किस सूरतस मंज़ मानन आमुत। अँथ्य अखबारस मंज़ आयि यि सूरतिहाल ति वाज़ेह (स्पष्ट) करन ताकि हंग मंगुक वाद वाद गछि खतम। ति गव न कँह। जौमि

क्यो कँशीरि हँदन्य अखबारन मंज़ कँरख यि पज़र बावनच त सँही सूरतिहाल ब्रॉठ कुन अननच कूशिश। “डेली एक्सलशियर” त “ग्रेटर कश्मीर” रस मंज़ द्रायि साफ त वाज़ेह लेख जि यि छन कांह नब व्रठ, बँल्कि स्व कथ खस रियासतस मंज़, येतिचन ज़बानन सत्य, तन प्यठय लागू छे यन कॉशिरिस नस्तालीख लिबास लागन आव।

मुमकिन छु जि कँशीरि हँदन्य अँदीब मा आसहन अमि कथि निश नावॉकफ जि डूगरियस त पंजॉबिस छुख इज़ॉफी रस्मुलखत ति थोवमुत। मगर तिम (कल्चरल एकैडेमी हँद्य—सं.) ओहददार यिमव यि कॉम ऑस कँरमच त अथ सत्य वॉबिस्त ऑस्य, तिम ति रूद्य खामोश। मसलहतन (निहित स्वार्थ) या मनसूब बंद (योजनाबंद) तरीकस प्यठ, ति वनुन छुन मुमकिन, ताहम यि हँकीकथ आयि न साफ करन त ज़ब्बॉतियात (बावुकता) छुकावनचि कूशिशि आव न सुम दिन। अमि बजायि कँर कँचव दॉनिशवरव (बुदिजीवियव) अथ बेयि हन ज़ीर दिनच कूशिश। अँक्य नामवर अँदीबन द्युत पननिस हफतवार अखबारस (वाइस आफ कश्मीर—सं.) मंज़ अथ मसलस कश्मीरियतस सत्य वाठ। ज़न त कश्मीरियत सॉमी रस्मुलखतस मंज़ बंद छे गॉमच। यि बन्यव जूलियस सीज़रस प्यठ ब्रूटस सँदि वारक्य पॉंद्य “सारिवय ख्वत जॉलिम वार”। जॉनिथ मॉनिथ, खबर ऑसिथ हालातन त्युथ वर द्युन यथ मंज़ ज़ब्बात व्वतलन त सॉचस लागि कुलुफ छन अदबस या सकाफतस (संस्कृतियि) खँदमथ न छे यि खलूस (साफदिली) या

ईमानदोरियि हंजु कथ। यि छे स्योद त साफ manipulation खदवय यि कांह सियासी नफर करि, यि छु गलथ। अगर कांह अँदीब करि यि छु ग्वनाह। बँल्कि ग्वनाहि कबीर (महापाप)।

र्यतस खंडस यथ दोरान यि वाद वाद चल्यव, यिम ग्वनाह आयि स्पठाह करन। ज़बान ओक तरफ त्राँविथ। रस्मुलखतस सत्य अकीदती (आस्था संबंदी) इज़हारस आव ऐन—उल—अदब (साहित्यक अँछ) वनन। सती आव यि कशमीरियतस प्यठ हमल रंग्य पेश करन। सियासी ऐवान आयि छंडन। तिम शखस यिमन न काँशिरि अदब ज़बान त रस्मुलखतुक बास त एहसास छु बनेयि वँकील त मुनसिफ त दितुख काँशिरिस खलाफ फाँसल। नागरी न साँ चलि न। अमि सत्य गछि काँशुर खतम। काँसि वोन न जि नस्तालीक सत्य किथ कँन्य गव इगरी त पंजॉब्य खतम। काँसि ज़ोन न जि कँशीरि हंजि अकिलयँच ति मा छु काँशुर परनुक त रँछरावनुक हक। कँशीरि हँदयन अक्सर लूकन मा छे यिमन अथ मंज मदद करनच जिमवॉरी बनान। अमा ज़ब्बॉती साँलाबस मंज मा छे अथ जलावतन कोमस माजि ज़्यव ति अथ मूरिथ निन यिवान। युप गव यूत तेज़ जि केह लुख यिम ज़न मामलच ज़रूरथ त नजाकथ समजान आँस्य, तिमव ति ह्योक न कँह वँनिथ।

कशमीर युनिवर्सिटियि हँदिस अँदीब साँबस सत्य कथ करन पत गव अँकिस कालेज प्रिंसिपल साँबस सत्य मुलाकाथ। तँमिस येलि “म्यानि खॉतर क्या छु” मनत्यक (तर्क) वोन, सु गव शर्मद ह्यु। “मुदा छु ज़बान रँछरावन्य।

अदब तखलीक करन। येलि अदब आसि, तथ वातनच वथ नेरि। खदवय ज़बानय रोज़ि न, अदबय फाँफलि न, छारन क्याह यियि त वातव कथ?” वलेकिन यिम जूमाने (दुमानेदार) कथ आयि न करन। लुकन ब्रॉह कनि आयि न यिम त्रावन, तिमन आव वनन जि काँशिरिस बदलोलुख रस्मुलखत। सियासतदान लाँय अथ गिरदाबस व्वठ त मरकजस ह्योतुख आडर बदलॉविथ। न कँर रियासती त न मरकजी हकूमतन कथि हुँद दोयुम पहलू बोजनच या समजनच कूशिशा। यक तरफ नियख डिगरी दिथ। नागरी न साँ कँह त न यियि यि ज़ाह रियासती हकूमतकि फाँसल वराँय मानन। अगर यि काँसि ब्रोट आसि जि तँम्य क्याह जीन्य रियासतस मंज या रियासत न्यबर वोट ति छुस बतोल (ब्रम—सं.) हालाँकि यि वुतावँली आयि महज अमी मकसद किन्य करन। काँशुर अवाम रूद अमि छैति छैति निश बेतोलुक। वुनि ति छुन आम काँशिरिस अथ सत्य गरज। नत यथ हकूमतस पननिस पेशरव सुँदिस काँशुर सकूलन मंज परनावन यिन किस फाँसलस तवजू दिन बापथ वख आसिन, स्व हकूमथ किथ गँयि रस्मुलखतस प्यठ जुब्द त फिलफोर न्यून काँशियुक् इज़ॉफी स्मुलखत वटनॉविथ।

मतलब ओस साफ। कँह vested interest आँस्य सिरिफ इमदाद त यनामन पथ परेशान। बेयि कँह अकीदती त ज़ब्बॉती मुदाहव किन्य नालान। ज़बान त छे ज़रूरथ। अदब त तखलीक बनेयि फरोई कथ। अदबी हलकन मंज जॉती गरज छुन कांह नँव कथ। शायद छु अँती अदब फलसफस निश ब्योन पहान रोज़ान। लेकिन ज़बॉन्य

त अदबस सत्य यूत तगोफुल (उपेक्षा) छुन आम पौंद्य द्रींद्य गछान। वुन्यक्यन छि काँशिरिस न्यसबथ यि हकीकथ जि चोर बँड्य रिसाल छि बाजॉबित कत्यव वँरियव प्यठ नागरी स्मुलखतस मंज नेरान। यिमेन मंज छि “काँशुर समाचार”, “क्षीर भवानी टाइम्स”, “कश्मीर ओरेकल”, “वितस्ता” ति शाँमिल। अमि अलाव छि दर्जन खंड रिसाल दुऐत्य चुरेत्य, शुऐत्य त वहर्य नंबर। यिमेन मंज छि ‘नागराद’, ‘सतीसर’, ‘मिलचार’, ‘पत्रिका’, वगॉर शाँमिल। यिमे छिन मुफुत सोजंन यिवान बँल्कि कमतन मँत्य हयन यिवान। कँरीबन ज दर्जन किताब छै प्रथ वँरियि नागरियस मंज छपान। 2003 हस मंज कोर ‘सम्प्रति’ यि सेंट्रल इन्स्टिटयुट आफ लैंग्वेजिज मैसूर कि इश्तिराक (सहयोग) सत्य नागरी लिपी मंज काँशुर काँयिद छाप, येम्य

वुन्यक्यन विस्थापित गरन मंज काँशुर्युक चोंग रोशन कँरिथ थोव। अमि सत्य कृत सँहँल गव बचन काँशुर्युक रगबथ बडावुन ति हैकि कुनि ति वक्त सर करन यिथ। अत्यथ छु यि वनुन वार्याह कथ साफ करान जि तिम काँशिर्य अँदीब यिमे नागरी बूजिथ ‘लाहौल’ (वाहि वाहि) परुन छि हयवान, छि वनान, “हे लेखिव साँ नागारियस मंज। त्वहि कँम्य कोरनव ठाख? मगर कबूलियथ म छॉरिव।” क्या मसल छा सिरिफ यनाम त इमदाद? यिमेन निशि छा सिरिफ सु वसीह अदब बेदखल करुन युस शायद सारिवय ख्वत ज़्याद तजरुबॉती शिदतस त पज़रस प्यठ मब्नी (आदारित) छु? या परेशानी छा जि अँस्य वनवा ज़बॉन्य हँदिस लिबासस रस्मुलखत किन लिपी, न जि जबॉन्य हुंद वुसचार।

—डॉ. आर. एल. भट्ट

सोंचव, सरव, लेखव

अँस्य छि लेखानवालयन यिमेन मसलन प्यठ लेख/राइट—अप/ नोट/चिठि लेखनच दावथ दिवान:

- ☞ काँशीरि न्यबर छै लीला शॉयरी बेयि बारसस आमच। यि छा कांह रुत साहित्यिक रोहजान किन नाकार?
- ☞ गरि न्यबर छुन असि काँशुर माहोल दँस्याब। गरन मंज यि बरकरार थवुन छा ज़रूरी किन न?
- ☞ बड्यन शहरन त दूर दूर जायन मंज काँशुर जिंद थावन खॉतर क्या पज़ि असि करुन?

काँशिरि बॅख्ती शायिरी प्यठ छु कम ज़्याद लेखन आमुत, मगर आलोचक छि अथ ति हिंदी या उत्तर भारती बॅख्ती आंदोलन त बॅख्ती शायिरी मुकाबल थॅविथ वुछान चरचान त म्बलांकवन करान। अमा काँशिरि बॅख्ती शायिरी मा आँस कॅह मुकाँमी प्ररेना त मुकाँमी इतिहासिक वजूहात, अथ छुन वुनिस ताम सनन आमुत। डॉ. तोषखानी छि ग्वडनिकि फिरि यिमन वजूहातन कुन सोन ज्वन फिरवान त कॅह बिल्कुल नवि कथ वनान। यि आँलिमान लेख करव अँस्य दवन कस्तन मंज प्रकाशित। व्यमेद छे सान्यन परन वाल्यन मेलि सॉचनस त बहस करनस क्युत वारियाह मसाल। अँस्य करव तिहंजि प्रतिक्रियायि हुंद इतिजार-सं।

(द्वन हिसन मंज)

1- कॅशीरि मंज बॅख्ती हुंद व्यथबव

—डॉ. शशि शेखर तोषखानी

आंदोलनचि शक्लि मंज पेयि बॅख्ती दक्षिण भारतस मंज थन त तँत्य गॅयि अमिक्व बुनियाँदी वैशवास त कन्सेप्शन तयार, यिम मुख्तलिफ र्यवायतव त दार्मिक सिस्टमव मंज निथ अमि पान नॉव्य त तिम बदलॉविथ कोरुन इनसानस त बगवानस दरमियान अकि नॅवीन संबंदुक अख नोव विजन तयार। अति शोरू गॅछिथ कॅड अमि (तीलक्य पॉट्य) अकि अंद प्यठ बेयिस अंदस ताम दुस हिंदोस्तानस छठ। ज़ोर दितुन ज़ाँहिरी आचार व्यचार मुकाबल बाँतिनी (अँदरूनी) अनुबवस, रीचन हंजि शिठगियि मुकाबल ईश्वर संदिस कुलहूम प्रेमस त डायमा मुकाबल व्यक्तिगत संबंद मॉनिथ आरादना करनस प्यठ। ए के रामानुजन छु पननि किताबि “हिम्स फार ड्राउनिंग” मंज बॅख्तिायि “हिंदू संस्कृती त सेनसिबिलिटी मंज आमच अख चु—तरफान (बहुआयामी) तब्दीली” वनान। यि तब्दीली (शिफ्ट) गॅयि ग्वड अलवारन हंजि शायिरियि मंज

जॉहिर—यिम शोयिमि त नॅविमि सॅदियि हंद्य तमिल संत कवि ऑस्य त विष्णु—बॅखत्य ऑस्य। अमि पत सपज हिदोस्तॉन्य ज़बानन अंदर बॅख्ती, मंज कालचन कन्नड वीरशैव शॉयरन हंद्यन वचनन मंज जॉहिर। बगवानस कुन व्यक्तिगत अर्पनबाव हावन वाजिन्यन यिमन बॅख्ती कवितायन ह्यु “लोलुक गीतल हुबाव” वनन आमुत, त यिम छे ज़बर्दस्त व्यक्तिगत त बावनायि बरॅच आसन मूजुब सेदि स्योद ताकतवर ज़ब्बॉत्य असर त्रावान। अमि पतय हेतिन बैयि बैयि अलाक त ज़बॉन्य अथ असरस तल यिनि। बैयि निमव रामनुजन सुंद दोप.... “नार लगिमति फ्यूजक्य पॉट्य, फॉलेयि बॅख्ती कवितायन मंज मूजुद वुतशाल बावना, अकि अलाक प्यठ बैयिस, अकि मुल्क प्यठ बैयिस युथ दर्म बावस ति तेज वुतुश लोग।”

अख अहम हकीकथ खस कमय लूकन व्यंज छे, छे यिजि तमिलबाशी अलाकस मंज रोज़नवोल अख प्रोन संत ओस कॅशीरि हुंद। असि छन पय जि यि संत कवि ओसा पननिस मूल वतनस सत्य कांह रिशत रॅछरॉविथ तति रोज़ान किन न, मगर बॅख्त संतन मुतलक ह्यु वनन यिवान जि तिम ऑस्य यकुत त मिलचार थावनस मंज सरस।

हिंदीकि अलाककिस कॅबीर त बंगालकिस चैतन्य संघ पॉट्य गयि कॅशीर

ति बॅख्ती सत्य सॅर्य। बॅख्ती हंज ग्वडनिच दुबराय छि अॅस्य कौशिरि शॉयरियि अंदर ललेश्वरी हंद्यन वाखन अंदर बोजान। लल ऑस त्वदॉहिमि सॅदियि हंज मशहूर संत शॉयिर। तस आस पानस ब्रूठिमिस भट्ट नारायण (9 विम सॅदी) त उतलदेव (9 विम सॅदियि हुंद अंद त 10 हिम सॅदियि हुंद ग्वड अड) संज मिसाल। यिम द्वाशवय ऑस्य बॅखितवाँदी शैवमतक्य अहम नुमायंद त अहम शॉयिर। द्वाशवय ऑस्य शिवस ताम वातन बापथ लोलच बेहतर वथ रटनस वकालथ करान। यिमन हंजव शिवस कुन अर्पन लोल कवितायव कुस माडल ओस ललि ब्रौह कनि थोवमुत, सु समजन ब्रौठ गछि अख फरख याद थवन्य : यिमव ओस सिरिफ क्लासिकल संस्कृतस मंज ल्यूखमुत येलि जून लल द्येदि बोलचालुक कौशुर इस्तिमाल कोर—यि फरख करन्य छे स्यठाह अहम। व्याख कथ छे नोट करन्य लायख जि यिमन त्रन बड्यन बख्तीवाँदी त्रिकवाँदी शॉयिरन हंज कविता छे कॅशीरि अंदर बख्ती हदि व्वथबवुक सिरिफ ग्वडन्युक फेज़ त कन्नड क्यन वीरशैव शॉयिरन हंदी पॉट्य ह्यु यि फेज़ सिरिफ शिवस कुन अर्पन। दर असल ह्यु शैविज्म कॅशीरि त दक्षिन भारतस अख मजबूत आद्यात्मिक रज गंड करान।

अम्युक मतलब गव न जि बैयि छुन कंहय गंड यिमन। मंज काल किस तथ ग्वड बाँगिस मंज ओस विष्णु संज बॅख्ती ति कॅशीरि अंदर अख अहम बॅख्ती— अनुबव। अख अहम हकीकथ खस कमय लूकन व्यंज छे, छे यिजि

तमिलबाशी अलाकस मंजु रोजनबोल अख
 प्रोन संत ओस कॅशीरि हुंद। असि छन
 पय जि यि संत कवि ओसा पननिस मूल
 वतनस सत्य कांह रिशत रँछरॉविथ तति
 रोजान किन न, मगर बॅखत संतन मुतलक
 छु वनन यिवान जि तिम ऑस्य यकुत त
 मिलचार थावनस मंजु सरस। तिम ऑस्य
 अकि जायि प्यठ बैयिस अकि अलाक
 प्यठ बैयिस ताम सफर करान त तति
 पैरवकार पॉद करान, लोल त माय वाल्यन
 पाननावान। यि कथ जि ऑस्य संतन आसि
 कॅशीरि हंजु यात्रा करमच खस ऑस्य
 संजु जा—बुतराथ ऑस, ह्यकव न खॉरिज
 अजु इमकान (असंबव) मॉनिथ। अथ कथि
 बैयि छांडव त दल द्युन हैकि स्यठाह
 दिलचस्प ऑसिथ। अगर सु योर आव
 तॅम्य आसन येति लुख द्यमॉगी तोर
 मुतांसिर कॅर्यमत्य त तिमन पननि शॉयरियि
 मंजु बॉव्यमत्यन खयालन हंजु वॉकफियथ
 करनावमच। हालाकि अथ पहलूहस प्यठ
 छु वुनि सरनुक सॉचनुक जूरुथ, यि छु
 वुछुन लायक जि कॅशीरि अंदर लेखन
 आमचि संस्कृत कवितायि मंजु छि विष्णु
 त तसंधन अवतारन हंद्य कारनाम त
 तसंजि बॅखती हुंद वरनन मूजूद। कॅहिमि
 सॅदियि हॅदिस क्षेमेंद्र संजु 'रामायण मंजरी',
 'महाभारत मंजरी' त "दशावतार वर्णन"
 छे अमिचि कॅह मिसाल। यि बहस तुलव
 ऑस्य ब्रॉठकुन, अमापोजु वुन्यकिस करव
 ऑस्य यथ कथि कुन इशार जि विष्णुहस
 अर्पन कविता बनेयि कॅशिरिस मंजु 18
 हमि त 19 हमि सॅदियि मंजुय अख
 अलग त अहम नॅहंज। अथ ह्यकव वॅनिथ
 कॅशीरि मंजु बॅखती आंदोलनुक दोयुम

फेज, यथ व्वतलनस पत कनि पक
 राजनीतिक त समॉजी वजूहात ऑस्य,
 यिमन हुंद स्यठाह कम मुताल करन आमुत
 छु। पजुर गव यि जि कॅशिरि बॅखती
 शॉयिरी छे आलोचनात्मक तवजुह किस
 हॉशियस प्यठ थॅविथ स्यठाह कम चरचन
 आमच। अम्युक वजह छु न एकैडेमिक
 ओसमुत। ऑस्य करव कॅशीरि अंदर बॅखती
 तॅहरीककयन द्बशवन्य फेजुन प्यठ अलग
 कथ। व्योठ पूठ पॉदुय छि यिम निर्गुन त
 सगुन स्वरूपन तल थॅविथ जेरि बहस
 अनन यिवान, मतलब बगवान शक्लो
 सूरथ, रूप ग्वन सोस मॉनिथ तसंजु बॅखती
 करन्य या रूप ग्वन रोस। यिमन दून हॅदि
 मुताल खॉतर छे यि फरक समजन्य जरूरी।

पजुर गव यि जि कॅशिरि बॅखती
 शॉयिरी छे आलोचनात्मक तवजुह
 किस हॉशियस प्यठ थॅविथ स्यठाह
 कम चरचन आमच। अम्युक वजह
 छु न एकैडेमिक ओसमुत।

कॅशीरि मंजु ओस अद्वैत शैव
 शॉयिर सुंद बगवान निर्गुन, ग्वनव रोस,
 शक्लि रोस त निर्व्यक्तिक। अद ओसुस
 नाव शिव! सु शिव ओस न पुरानन हुंद
 शिव तिकयाजि 'त्रिक दर्शन' युस ज़न
 कॅशीरि हॅदिस शैवमतस आम नाव छु,
 "छु न कॅसि व्यक्तिरूप ईश्वरस अंदीन,
 याने सु ईश्वर यसंजु ज़िंद जुव जाथ,
 तसंजि चेतन या तेजु बौदिक प्रकच खवत
 ज़्याद अहम मानन यियिहे।" युस शिव
 या परमशिव नाव द्युतहस सु छु बेजॉथी

हुंद ग्वन वखनावान—त यहोय नाव ह्यु
 आँखरी पज़र। ति कँरिथ ति ह्यु शिव
 परम चितना यसुंद प्रकाशरूप “तसंदि
 बिजॉती रूप निशि अलग ह्यु यिथ पॉदय
 बीरूनी चीज़ ऑन अँदरचि छवी निशि
 ब्योन आसान छि।” बतौरि इनसान त
 बावनायि सत्य गॉर इनसाँनी या बेइनसाँनी
 ईश्वरस सत्य संबंद थवुन ह्यु मुश्किल,
 तिक्याजि शॉयिर ह्यु ज्ञानान जि सु पान त
 यि सोरुय जॉहिर समसार ह्यु शिव त
 अवय ह्यु यि शिव सुंदय कांह ज़ॉती
 आस्पेक्ट तसंदिसय प्रकाश रूपस सत्य
 संबंदस मंज़ आवरन यिवान। बॅख्तीवाँदी
 शैवमत क्यन त्रैशवनी बड़यन नुमायंदन—
 भट्ट नारायण, उत्पलदेव त ललदेदि —
 छे यि खॉसियथ हिशिय। यिमन सॉरिनय
 अंदर छे कठिनिस आदि बौतिक व्यचारस
 त सख बावनायि हँदिस अनुबवस दरमियान
 बेयि ख्वद हुशियॉरी त रहस्यवाँदी बुझस
 दरमियान त बेयि ज्ञानस त लोलस
 दरमियान सोम सौथरच कुनी खॉसियथ
 बोज़न यिवान।

यिमन निश ह्यु बख्ती हंडु माने
 बगवान सुंद प्रेम त श्रदा, सुन कांह कमी
 पूर करन खॉतर बॅल्कि तमि ख्वत स्पठाह
 थँदिस पॉविस प्यठ पनुन मकसद पानय।
 लफजि बॅख्ती छिन न अँस्य तँम्य वसुगुप्तन
 कुनि जायि इस्तिमाल कोरमुत लबान,
 युस काँशिरि शैवमतकि आत्मचेतन
 संप्रदायुक मूलादार ओस। तसंदि वक्त
 ओस न बख्तीवाद कँशीरि अंदर बाकाँयिद
 बन्योमुत। शैवदर्शनस मंज़ आव बॅख्तीखग
 पत ज्ञान खग, येम्युक बोड बार प्रतिनिदी
 अभिनवगुप्त ओस। बॅख्ती वाँदी शैवमतुक

ग्वडन्युक काँशुर कवी ओस वसुगुप्त सुंद
 सेदि स्योद शश त वॉरिसदर भट्ट
 नारायण। तँम्य लीछ “स्तव चिंतामणि”
 खस “120 हन शारन हंज़ लोल नज़म
 छे” येम्युक मूल थीम गाश त
 आत्मचेतना—प्रकाश त विमर्श शकिल शिव
 त शक्ती सुंद म्युल ह्यु। भट्ट नारायण ह्यु
 शिवस करुना सागर बगवान रूप्य आरादना
 करान युस सारिनय समसारन स्वंदरेर त
 समचार बाँगरान, ह्यु त युस शॉयिरस कुन
 त कीवल शरनस्थल ह्यु त यस सु म्वछि
 मंज़ चीर रटान ह्यु। पँजिस बख्त संदय
 पॉदय ह्यु भट्ट नारायण “अद्वयत कि
 अमर्यत खॉतर केशान”। सुह्यु वनान जि
 “त्रैशवनी लूकन (समसारन) अंदर यूत
 ति आनंद प्रावन यिथ हैकि सु ह्यु बगवान
 शिव रूपी आनंद सागरुक अख पयोर,
 त तँस्य शिवस ह्युस ब परन प्यवान।”

भट्ट नारायणस पत आव
 उत्पलदेव (9विम सँदी) येम्य सँज़
 “शिवस्तोत्रावली” (शिव बजनन हुंद
 सिलसिल) “स्पठहय खूबसूरत शैव लोल
 बॉथ” मानन यिवान छे। शॉयिर ह्यु अथ
 मंज़ व्यक्तिक त मनोहर शैली हुंद
 इस्तिमाल कँरिथ बाव सान बॅख्ती हँदय
 पद वनान त पनुन व्वंद बावान। सु ह्यु
 मानान जि म्यानि खॉतर ह्यु न शिवस
 निशि दूर्यर ख्वत बोड दोद कांह “चे
 निश छ्यन गछुन छुम दोद त चे सत्य
 म्युल गछुन ख्वत ज़्याद आनंद छुम न
 किही”। ह्युन गछुनन छिनम “दिलस ह्वख
 दित्यमत्य” यिम न चालान ह्युस। यि
 पीड़ा ज्ञानन सिर्फ रहस्यवाँदी नत ह्येन यि
 बयान करनस लायख। तिमन छे “परम

आनंदच वनन गॉमच आसान” त तिहंद्यन दिलन अंदर छु “लोल गत्र गत्रथ करान आसान।” यि एहसास वखनान छु उत्पलदेव वनान— “म्यानि प्रबू ब ज़न गछ चै निशि अँकिस चिहिस ति दूर मे छु कत्रन्य गछान। मे रोज़ हमेशि द्रेंडमान।”

तसंदि रहस्यवादक्य मूल छिन फर्जी त सूफी असरस अंदर युस तस मँरिथ थवन आमुत छु, बँल्कि भट्ट नारायण उत्पलदेवन हॉविथ दित्यमतिस त्रिक बखती हँदिस रूवायतस मंज। बेशक छे स्व शैवबखती शॉयिरन अंदर सारिवय खवत लुकटॉठ त बेयि कौंसि ति सँदि खवत ज़्याद छन कौंशिर सौंचनत्राय मुताँसिर कँरमच।

व्वन्य यिमव अँस्य लँलीश्वरी या ललघद या ख्वस सिरिफ लल नाव ज़ानन यिवान छे, तस कुन। तसंद्यन शारन मंज, यिमन ‘वाख’ वनान छि, छु अनमान त रहस्यात्मक द्वशवनी नँहजन हुंद मिलमिश मूजूद। तसँदि रहस्यवादक्य मूल छिन फर्जी त सूफी असरस अंदर युस तस मँरिथ थवन आमुत छु, बँल्कि भट्ट नारायण उत्पलदेवन हॉविथ दित्यमतिस त्रिक बखती हँदिस रूवायतस मंज। बेशक छे स्व शैवबखती शॉयिरन अंदर सारिवय खवत लुकटॉठ त बेयि कौंसि ति सँदि खवत ज़्याद छन कौंशिर सौंचनत्राय मुताँसिर कँरमच।

ललघद सपज भट्ट नारायण त उत्पलदेवस 500 वँरी पत बतोरि महान

शैव कवयित्री प्रोखुट। यि मानुन छु मुशिकल ज़ि येम्य शैव दर्शनन कँशीरि हँद्यन लूकन हँदिस ज़ेहनस यिथ कँन्य अर कोर, तँम्य क्याह आसि न यीतिस ज़ीठिस वकफस दोरान कांह काव्यकृती पौंद कँरमच। मगर कौंशिरि साहित्यिकिस अथ व्वदबव कालस मंज यि कँछाह असि निश वोत सु छु सिरिफ ज़ रचनायि — “छुम्म संप्रदाय” यिक्य शार यिम 11 हमि सँदियि हँद्य मॉनिथ ह्यकोख, त “महानय प्रकाश” युस 13 हमि सँदियि हुंद छु। यिमन द्वशवन्य मंज छु शैव त तत्रिक पंथन हँद्यन असूलन त अब्यासन मुतलिक लीखिथ। यिमन अंदर छुन त्युथ किंही यथ अँस्य शॉयरी वँनिथ ह्यकव, अमि बावजूद ज़ि यिम छि पदन मंज लेखन आमत्य। बँखती सत्य ति छुन यिमन कांह दूरयुक वाठ ति। ति कँरिथ ति आसि न यि अंदाज़ करुन पज़र निशि दूरनस बराबर ज़ि ललदेदि हँदिस समयस ताम रूज बँखती हंज ज्वय ज़मीनदोज़ क्वलि हँद्य पौंद्य वसान।

ललदेदि हँद्य ‘वाख’ छि हावान ज़ि तसंजि शॉयिरियि हुंदिस रहस्यवादी ओटरूनस मंज छु ज़ानप्रकाशकि छौहुक त बाव—अनुबवकि सन्यरुक मिलमिश। पाल ई. मूर्ति छु तस बखतीबावच या बावना उन्मुख त्रिक वादच बँड बाँनीकार मानान त ठीक छु मानान। तसंद्यन वाखन अंदर छिन अँस्य स्व शिवस छांडान त तस सत्य कुन्य गछन बापथ ब्रछान वुछान। अँती छु तस वथ रावनस प्यठ जेर यिवान मगर सु शिव लबन त कापि रटन खौतर छु तसुंद इराद ति मजबूत गछान लबन

यिवान। उत्पल संदय पौंदय छै स्व दगि
हंज शिदथ बावान त (टॉठिस निशि)
छूयन गछन विजि जंग दनान। तस छु
अद ननान जि सिरिफ अहम् मुकमल
पौंदय दनिथ त्रावन सती वाति स्व
येछिमतिस मकामस। आँखरस म्युल
गछनुक वलसुन छै स्व बिबन त रूपकन
अंदर बावान यिहुंद ख्वंदरेर आशचरस
त्रावान छु —

आयस वते गॅयस न वते,
सेमंज स्वथे लूसुम दवह।
बुछम चंदस हार न अते,
यथ नावतारस दिम क्या बो?

लल ब चायस स्वमन बाग बरस।
बुछुम शिव त शकथ मीलिय त वाह ॥

लल छै पनन्यन वाखन मंज
पननि रहस्यात्मक जिंदगियि हंदय हॉयसाथ
वनान वनान उत्पल त भट्ट नारायण
संदय पौंदय दिव्यात्मा शिव सुंद पानस
निश आसनुक तेज अहसास जाँहिर करान।
यिमन त्रेशवनी हंज कविता छै दिव्य
इच्छायि पान अर्पन करनचि तेज बावनायि
मंज व्वतलान त अथ मंज छै यिहंज
मोलिकता त ज़बर्दस ईमानदारी नैन्य नेरान।
यिहंदयन वारियाहन पदन अंदर छु
हॉरानकुन हिशर यिमन अँस्य “बावना,
सरमँस्ती त पीड़ा, खस रूपकन त बिबन
अंदर बावन आमच छै” तमि किस

बुनियादस प्यठ सेदि स्योद तुलना कॅरिथ
ह्यकव। मसलन, उत्पलस छै रहस्यवादी
गिलन यिन विजि ताकतवर कामनायि
हंज रेह गंडान त सु छु शिवस सत्य कुन
गछन खौतर तस कुन उन्मुख गछान। सु
छु तस आँरुत नाद लायान त म्वछि मंज
चीर रटान :

रोटमख, म्वछि मंज रोटमख,
बुछमख, येक्या छुमख ना रोटमुत।
कोत सना चलख?
(स्तवचिंतामणि)

यी छु ललि मंज ति खस तकरीबन
युथुय बिब व्वतलावान छै —

गटि रोटुम त कॅरमस थफ।

शैव बॅख्ती शाँयिरन मंज छि शिव संदि
स्वतह स्यद गाशरनक्य बिब त रूपक
यसल मेलान। लल येमि गटि हंज कथ
करान छै स्व छै दवख त दादिच
रहस्यात्मक काल गथ खस आँखरस
“अभेदरात्रि” तान्य वात नावान छै।
सिल्विया सिल्वर्न छै वनान जि अथ
“रहस्यात्मक प्रगती” मंज छु ग्वडन्युक
कदम तमाम शक त द्रयुत पानय गालुन
त नाशस करुन युथ दैवस सत्य म्युल
गछि। शैव शब्दावली मंज छि अथ पननि
शिव प्रक्रच हुंद आत्म बोद वनान युस सु
मरहल छु येलि शिव चितनायि वगँय
बेयि किंही न रोजान छु—“सोरुय सु त ब
न कॅह।”

(जाँरी, दोयिमिस अंकस — ‘वाख-2’ हस मंज)

(यमि लेखकिस दोयिमिस त आँखरी हिसस मंज पॅरिव ललदेदि हंजि
मूल प्रेरनायि हंज बेयि आलोचनात्मक वखनय त तसंजि बॅख्ती वयो
फलसफ पत कॅ गिरि मंज वै नव बॅख्ती भाँयरियि हुंद व्यस्तार-सं०)

बांड पॉथर छु प्राचीन कौशुर लूक नाट्य, युस 1947 पत बाजॉबित पॉटय दुबार जिंद करन आव। अथ स्थाई जुवज्यत दिन वॉल्य छि 'बगत' बांड यिम खासकर अनंतनाग जिल कि अँकिनगामि रोजान छि। मोतीलाल क्यमूहन अँन्य पनन्यव कूशिशव सत्य यिम ब्रॉठ कुन, युथ जि यिम गँयि भारतीय लोक नाट्य किस खुल मुकाबलस मंज शॉमिल गछनस युग्य त तयार। क्यमू सॉबन लीछ हाल हालय बांड कलायि प्यठ "बांड नाट्यम" नावच स्यटाह अहम त परनस लायख किताब। येत्यन छु अख म्खसर लेख। यि परन सत्य छु असि ननान जि "बगत" कम ऑस्य त "बॉडिल" क्याह गँयि।

बगत त बांड पॉथर

—मोतीलाल क्यमू

बाँडन छि 'बगत' ति वनान। बगत ऑस्य सॉरिसय शुमॉली हिन्दुस्तानस मंज गिंदनगरी हावान, यिम 'बगवत लीलायि' गिंदान ऑस्य। मगर येलि यिमन सरपरस्ती ऑस रावान यिम ऑस्य खॉलिस तफरिह (मनोरंजन) करन वॉल्य नकल त पॉथर हावान। लुक फनकॉरी छि प्राणि वकत प्यठय सॉनिस मुलकस मंज मंदर सकाफँच (संस्कृतियि) सत्य वाबस्त रूजमच। लिहाजा येलि देवस्थानन प्यठ दिवय ऑस लगान बगत ति ऑस्य लीलायि गिंदन म्ख वातान, बगतन मंज ति ऑस्य कसम आसान। कँह ऑस्य सिरिफ बगवत बजन ग्यवान, कँह गिंदनगरी हावान त कँह ऑस्य बगवत लीलायन सत्य सत्य नकल बेतरि ति हावान। यिथ कन्य ओस लूकन मन रंजनावान यिवान। तिम ऑस्य नकल पॉथरन मंज जनि मरद सन्द्यन रिशतन हंजन लोकचन म्खकचन कथन, सूदखारन, जॉलिमन त मकारन बेतरि हुंद नकल हॉविथ लूकन दिल रंजनावान। बगत तहरीकि (आंदोलनस) रूज न सरपरस्ती हॉसिल लिहाजा द्रायि शुमॉली हिन्दुस्तानस मंज लुक थेटरचि ल्वकचि म्खकचि रिवायँच ननि। कँशीरि मंज रूज यि तँहरीक चलवन्य बाँड जँशन किस रूपस मंज — जोम, हिमाचल, पंजाब, उत्तर प्रदेश अलाकन मंज ति ऑस्य बगत आसान मगर अजकल छि छोकेमत्य। अमि

तहरीकि हुंद छोकनुक अख खास वजह छु ल्यकन त जिनसस (यौन) मुतलक कथन हुंद नोन वरताव। आम लुकन हंदि बापथ योदवय यिम कथ लुतुफ अंदोज आस अमापोज यूत यूत समाज बाशऊर (चेतन) बनान गव इज्जतदार बरगन कर अथ नफरथ त यिथ पौंद्य सपुद सरपरस्ती निशिा महरूम। येलि बिडर, वांदिवलगोम, गोहन त सोफ—शाली यिमन चोन जायन मॉल छु लगान अमि अलाकक्य बांड छि

योदवय बांड कलाकार बासलौहियत (योग्य) त चुक थवन बोल आसि सु गछि ज्ञानुन जि बाँडिल छन खालिस तफरिह करन म्वख करन्य बैल्लिक जौहिद बैनिथ अबादथ त अदाकाँरी हंदि फनुक परस्तार बैनिथ पँज वथ त ज्ञान हॉसिल करिथ दयि वथ गारन खौतर।

योदवय बांड कलाकार बासलौहियत (योग्य) त चुक थवन बोल आसि सु गछि ज्ञानुन जि बाँडिल छन खालिस तफरिह करन म्वख करन्य बैल्लिक जौहिद बैनिथ अबादथ त अदाकाँरी हंदि फनुक परस्तार बैनिथ पँज वथ त ज्ञान हॉसिल करिथ दयि वथ गारन खौतर। अथ सत्य सत्य छु सरपरस्त त बाकी पौथर वुछन बॉल्य तिथ पौंद्य रंजनावन्य युथ “सारिनय बन्दन तोशि खुदाय।”

पौथर लफज

जॅशन अलाव “बांड चोक” रॅलिथ मीलिथ नचान। अकिनगाम, मुहुयपोर, बिडर, बदसगाम, त गौडपोरक्य बाँड त बगत छि ओर वातान। यिथय कॅन्य छि द्रोगमुल, गुलगाम, हतमुल, कारिहोम त कॅहमुतक्य बांड द्रोगमुल शाहवेली सँदिस अस्तानस प्यठ दिवयि प्यठ वातान त जॅशन त नचुन बतौरि अकीदत (श्रदा) पेश करान। यिथय कॅन्य छि बाकी गामन मंज रोजन बॉल्य बाँड फनकार ति पनन्यन पनन्यन नज्दीकक्यन अस्तानन त जियारतन मंज दिवय त मॉल लगनस प्यठ जॅशन करान। लिहाजा योदवय बगत नॉव्य यिम वनन त ज्ञानन यिन रुतुय छु। बगत छु दरअसल संस्कृत ज़बान्य हुंद “भक्त” लफज — दयि सुंद भक्त या ईशर बखत छु अमूमन जैवि प्यठ यिवान हयन। लिहाजा बगत गव सु युस दयि सुंद आँबिद (पूजक) आसि, अथ लफजस ह्यकन जौहिद, परस्तार या पूर तॉलिब ति माने आँसिथ, लिहाजा

छु दरअसल वाराह माने थवान। यि लफज छु काँशिरि ज़बान्य मंज नाटक या ड्रामा बदल ति इस्तेमाल सपदान। येलि शुय दारि दजन, गुडिया या dolls गिंदान छि त महाराज महारेनि छि खौंदर करान, यिति छु अख पौथर यिवान मानन। दारिदजि पौथर। अपुजुय मपजुय खौंदर। खॅलिस make believe शुय ग्युन्दना, ज़िंदगी हुंद नकल। चूकि बाँड जॅशन त बांड पौथर द्रशवय छि हू बहू यकसान इसतलाह (पारिबाशिक शब्द) त बाजे छि ब्रम ति पौंद करान। जॅशन आँस्यतन या पौथर, मोसीकी (संगीत) छे ज़ोरेशोर सान दोशवय मंज। दरअसल आँस्य ब्रौह कालि कुनि दिवयि या मॉलस प्यठ अकि खौत ज़्याद बांड पौथर छावान। अवय ओस अथ जॅशन यिवान वनन बैयि ओस मोसीकी, नचुन, नकल त अदाकाँरी (अबिनय) हुंद रल मिल फन तयस प्यठ हावन यिवान त लुख त सरपरस्त आँसिस “जॅशन” वनान। योदवय बाँडिल बाँड

अदाकाँरी, नकल त पॉथरन वोन दिमव त अम्युक रूप त हयत बदि कडव अँस्य हयकव अथ मोसीकी अलग कँडिथ त पॉथर त गिंदनगँरी हँदिस रूपस खॉलिस “पॉथर” वनिथ। पॉथरक्य जुजु (तत्व) मुशखस कँरिथ ह्यकव अम्युक form वखनॉविथ। प्रथ नाटकस मंजु छे कांह नत कांह कथ अकि खास अंदाज वूनिथ आसान। केंचन नाटकन मंजु फँनी आयि स्यठा खूबी सान त कचन मंजु अडल्येक्य आयि डेज या ल्वतिपायि।

मगर बांड पॉथरन मंजु छेन कथ या प्लाट किहीं ति आसान, तिक्याजि यिमन पॉथरन छे न कथ या प्लाट अहम बल्कि छु अति नकल करुन या काँसि शाखस सुंद कांह

यि छु पँज्य पॉथर लूकन हँदि खॉतर लूकन मंजु, लूकन हँदयव फनकारव दस्य, लुक पॉथर यथ मंजु गिंदनगँरी अहम छि, स्वति खॉलिस अकुय नज़रियि त मकसद नज़रि तल थॉविथ जि असुन व्वपदावुन।

मजाहका खेज (हास्यास्पद) पहलू उबारुन या हज़ल करुन याने caricature पेश करुन। मगर कँह पॉथर छि अमि ब्रॉह ति द्रामत्य, यिमन मंजु मसखँरी हंजु मिल मिश सान ति क्रीड्य आयि खुदा शिनासी (ईश्वर ज्ञान) हंजु वति कुन इशार करन आमुत छु। मसलन ग्वसॉन्य पॉथर। हालांकि केंचन जेदीद नाटकन मंजु ति छुन बाजे plot अहमियत थावान येति वातनाव्यर या फनकाँरी या गिंदनगरी प्यठ छु जोर—मगर आलमक्यन मशहूर नाटकन त थियेटरन मंजु छख प्लाटस अहमियत दिचमच।

असुन व्वपदावुन छु बांड पॉथरन हुंद मुदा त मकसद। असुन छु अहम रस, युस यि सिनिफ (विदा = प्रकार) छु पननि आयि लूकन मन रंजनाँविथ व्वपदावान।

यूताह गादुल तजरुबकार त काँबिल गिंदनगोर आसि त्यूताह असनावि सु। लिहाजा येलि ति पॉथरच कथ करव असि छे देमागस मंजु यि कथ थावन्य जि यि आसि सु नाटुक यथ मंजु न ट्रेजडी या दुखांत या यूरपी स्थायलच नाटककाँरी आसि। योदवय दवखच बावथ ति आसि स्वति आसि तमि अंदाज जि असुन व्वपदावि। पॉथरन मंजु छन कुनि ति तवॉरीखी या नीम तवॉरीखी वाकच कांह ति पेश कश नज़रि गछान।

पॉथर छु अमि आयि महदूद—यि रूप छु मजाहिया त कामिक वरतावान। अथ रूपस मंजु छि मुत्कक्यन बेशतर ड्रामा रूपन हँदय पॉथर तिम बाकी जुजु यिम अथ अख बाशान बामुकाम

(स्थाई) त ऑलीशान कसमुक रंग रूप बखशान छि। बहोदरी, बलवाँनी, हॉबतनाक, हॉरॉनी, शहवानी या आशिकान दरदनाक जोशील, होसल मंदी, वॉनॉकी नफरत—अगेज त हारथ अगेज बेतरि जज़बन हंजु नुमायंदगी ति छुन यि पॉथर रूप करान। यि छु अँकी जज़बन जज़ब कोरमुत सु गव “हास्य” याने असुन।

असनुक जज़ब छु व्रन कस्मन हुंद। जिसमुक, पोशाकुक त लफज़न (आवाज़) हुंद। बांड पॉथर छु यिमनय व्रन जज़बन प्यठ दँरिथ। अमि ब्रॉह न किंही। अथ लुक पॉथरस मंजु छुन कांह स्यट या मंज़रकशी। या कुनि ति परदस प्यठ कांह मंज़र हॉविथ पस मंज़रस मंजु थावन हावन यिवान। अथ गिंदनगँर्य रूपस मंजु यि कँह

छु सपदान ति छु लूकन ब्रोंह कनि सपदान।
 योदवय अख मसखर अकि रूप या किरदार
 (चरित्र) मंज नीरिथ बैयिस किरदार सुंद
 रूप यखत्यार करि सु करि तम्युक प्शराख
 बेतरि लूकन मंजय लॉगिथ तिमन ब्रोंह
 कनि पेश। नत यिम पलव प्शराख लॉगिथ
 आसनस तँथ्य मंज करि ब्याख किरदार ति
 पेश। लिहाजा छुन मेक अप कुठ या
 पोशाख बदलावनच कांह अलग जाय

मुकर।

यि छु पँज्य पाँट्य लूकन हंदि
 खाँतर लूकन मंज, लूकन हंद्यव फनकारव
 दस्य, लुक पाँथर यथ मंज गिंदनगँरी
 अहम छि, स्वति खाँलिस अकुय नज़रियि
 त मकसद नज़रि तल थॉविथ जि असुन
 वोपदावुन। अवय छे अथ मंज हंद बैदिश।
 (लेखक सजि “बांडनादयम” किताबि मंज)

खास लेखकन हंदि खाँतर

‘वाख’ छु कॉशिर्यन किताबन मुतलिक खबर अतर दिथ
 तिमन प्रचारस मंज मदद करन खाँतर लेखकन हंजिन किताबन
 हुंद इश्तिहार न्यसफ रेटस प्यठ छापनस तयार। लेखक
 सूजिन असि :—

- 1) पनन्यन किताबन हुंद लिस्ट या
- 2) किताबन हुंद म्वखसर परिचय या
- 3) किताबन प्यठ मॉहिरन हंज राय त
- 4) किताबन हंज यि तफसील

i) मौजू/विशय

ii) कुल सफन हुंद तेदाद

iii) साइज

iv) म्वल

v) मेलनुक पय पताह

5) इश्तिहारुक पंसदीद साइज (1/4, 1/2, पूर सफ)

6) न्यसफ रेटुक पाँस मनीआर्डर/चक + 40रु/बैंक ड्राफ्ट

दँस्य, यथ पतहस प्यठ : वाख, एआईकेएस, नई दिल्ली।

कॅशीर न्यबर कॅशिरि जबॉन्य हुंद लोग लोन छु पॅत्यम्यन पंचाहन वॅरियन कुनि नत कुनि रॅग्य दिलि हजि कॅशिरि समितियि हदिस मैग्जीन 'कॉशुर समाचार' रस सत्य गडन आमुत। अॅम्य मैग्जीनन क्याह कोर, अमिकि कॅशिरि बाग्युक क्याह रोल छु यि जबान रॅछरावनस त अथ तरकी दिनस, अथ प्यट हेकि अम्युक एडिटर शंभुनाथ भट्ट 'हलीम' सॉब बेहतरीन राय दिथ। तिमन सूज असि अख सवालनाम येम्युक जवाब तिहदिस व्यक्तित्वस त कारनामन प्यट ति गाश त्रावान छु।

जवाब लेखन ग्रौठ त सवालनामस मुतलिक ओस हॅलीम सॉबन ग्वड यि लीखिथ सूजमुत। यि छि यिहंज पनन्यन जवाबन हंज अख ग्वड साम त जवाब दिनुक यिहुंद एटिट्यूड हावान :-

सवालनाम छु मानि सॉव्य त अहम। जवाब छा सही किन न, ब हाक न तथ मुतलक कॅह वॅनिथ, अलबत यि मे वोनमुत छु ति छु म्यानि जिंदगी हुंद अनबव। व्ययि येमि आशि त बकोलि तुहदि येम्य सोपनन ब अजताम चलवुन थोवमुत छुस, सवालन हुंद जवाब छु तमी आयि। व्दॉरस्य मनक्य लुख (prophets of doom) मा गछन न अथ रायि सत्य मुतफिक, मगर म्योन ज्यहन छु कॉयिल जि ललि हुंद दोप - 'असी ऑरस्य' छु न न्यर-अर्थ।

अठिम त नॅविम सवाल छु श्रुक्यदार सवाल। मे जोन मुनॉसिब जि यिमन हद्य मूल गछन तछन यिन्य तिक्याजि कुस ब्यॉल्य फोल नवि त कुस रावि यि वनुन छु मुश्किल, मगर प्रथ ब्यॉल्य फॉलिस मंज छे फबनच त फॉफलनच सलॉहियत। कथ म्यूल साजगार माहोल त कौरुन जहार - यि तय गछुन छु वक्तस तॉबीन।

नॅविमि सवालन द्युत मे हना ज्यूठ द्रस। अथ ओसुम पननिस ज्ञातस सत्य वाट। शॉयिर संदि खॉतर छु यि तय करुन क्रूठ जि तस कुस शार छु टोट त कुस अटोट या कम टोट; मगर दुनियादॉरी ति छे जरूरी - अव मूजूब छे अथ ति शेर घॉर करन्य प्यवान। जामुत द्वद छु पेश - मैदितोन द्यव नेर्यस थनि प्यूता। बनान छु सोल्य मा आसि क्रॉम्य द्वदय - गुरसय सॅही, कौसि नत कौसि द्वदस लदस येयि शेहतथ।

प्रश्न 1:- त्वहि कूत काल गव व्वन्य कॅशिरि समाचारुक कॅशुर बोग एडिट करान त अज हेकिव तोहय वॅनिथ जि युस सोपुन त्वहि ग्वडनिकि दोह अथ मैग्जीनस त कॅशिरिस परनवॉलिस मुतलिक बुछमुत ओस सु आव बामल?

जवाब :- 'कॅशिरि समाचारुक कॅशुर बोग एडिट करान गयि मे व्वन्य लगबग पंचाह वॅरिय। समाचारच एडिटरी ऑस न म्यानि सोपनुक ग्वडन्युक दोह, अमि ब्रौह ओस

सन पंचाहकिस दहिलिस मंज मे केंचन काँशिरेन अदब दोस्त बायन सत्य दिलि मंज 'कश्मीरी बज्मि अदब' नावचि अकि तंजीमि हुंद कन द्युतमुत, येमिचि सरपरस्ती तल 'पंपोश' नावुक अख दुरेतवार मैग्जीन शायी करन आव। अथ मंज ओस हिंदी त उर्दूहस सत्य काँशुर 'द्वन अछरवेत्रन—देवनागरी त नस्तॉलीखस' मंज छपान। यि मैग्जीन ओस बातस्वीर त यि कोर गरि क्यो परि सारिवय पंसद। यि 'पंपोश' ओस छरा अदबी मैग्जीन। अथ ओस न कुनि पाँदय ति वक्ती सियासतस सत्य कांह वास्त। सँही मानेहस मंज ओस यि सेक्यूलर। यि चलयव द्वन वॅरियन। यि ओस क्वंगपोशुक हमकाल रिसाल। चूकि अथ तंजीमि सत्य वाबस्त बेशतर कारकुन ऑस्य कशीरि हंजि तरक्की पंसद अदबी तहरीकि सत्य शॉमिल रुद्यमत्य, लिहाजा आयि न तिहिन्दस सौचस मंज कांह खास फरख।

वक्ती हालातव त बैयि केंचव वजूहातव मूजूब न चलयोव यि मैग्जीन जाद कालस त न स अदबी तंजीम, हालांकि राजदानि मंज आयि तमिचि सरपरस्ती तल ज़ बॅड्य यादगॉरी जलस मुनज़्जम करन -(1) योमि ललीश्वरी (ललद्यदि हुंद दोह) त (2) योमि महजूर (महजूर सुंद दोह)। यिमव तकरीबव कॅर दिलि मंज अख जुवदार हलचल पाँद।

केंचि कॉल्य

मगर अथ सत्य वाबस्त लोहलगरस मंज लॅग्य, तिमन मंज यहसास जि कॅशीरि समॉजी तकाज़ पूर वसील आसुन। यिथ ज़्याद ठीक। कांह

'पंपोश' ओस छरा अदबी मैग्जीन। अथ ओस न कुनि पाँदय ति वक्ती सियासतस सत्य कांह वास्त। सँही मानेहस मंज ओस यि सेक्यूलर। यि चलयव द्वन वॅरियन। यि ओस क्वंगपोशुक हमकाल रिसाल।

गयि यि सरगरमी ठंड कारकुन येलि पननिस द्रह—द्यन गुज़ारनि गन्यव केंचन अंदर यि द्रामत्यन लूकन हंद्य सपदनुक ति गोछ कांह पाँदय वनुन गछि काँशुर हरगाह व्वपरॉजी

मंज ब्यमार प्यव तस गोछ अथ रोट बनुन। जैन मरनकि तकलीफ विजि गोछ तस ब्याख दसकश युन। अँम्य जज़्बन द्युत कश्मीरी सहायक समिति ज़नम।

कश्मीरी बज्मे अदबकेन कारकुनन म्यूल स्वतः स्यद ब्याख प्लेटफार्म। तकरीबन सॉरी तिम कारकुन सपद्य अथ सत्य शॉमिल, यिम बज्मि मंज सरगर्म ऑस्य। चूकि अमि जमाँच हंज कारगुजॉरी, प्रोग्राम त मुदा—मकसद ओस सत्य बाजन ताम वातनावुन, अमी आव काँशुर समाचार वजूदस मंज। ग्वड—ग्वड आयि सिरिफ अख न्यूज लेटर छापन योस अंग्रीज़ियस मंज कडन आयि। मगर जल्द बास्यव लूकन यि कारगुजॉरी गॅछ काँशिरिस मंज ति आसन्य। तय सपुद, जि अम्युक काँशुर बोग ति गछि छपुन। लॉजिमी तोर रूज काँशिर्यन हंज मंग जि काँशिरिस हिसस मंज गछि हतुलमकदूर काँशिरि अदबुक, तमदनुक रीचन—रेवायचन हुंद, इतिहासुक त मॉल्यमीरास बेत्रि मोजूहन हुंद मवाद छपुन।

योहय सोपुन हेथ आस ब अँमिकिस इदारती सरंजामस मंजु। यि सोँच ओस न मे कुनिस जँन्य सुंद, अथ ओँस्य म्योँन्य तिम सॉरी सत्य बाँज्य शॉमिल यिम बजिम अदबस मंजु सॉन्य नख—फेक्य ओँस्य। नाव गँजराव न ब, ति क्याजि वशफन मा गछि काँसि सत्य नाइन्सॉफी।

सोपुन बामल यिनस मुतलिक सवालुक दोयिम हिस छु दु पूर प्रश्न— अख तकरीबन न्यसफ सदी हँदिस वक्तस मुतलिक त दोयिम यिन वॉलिस समयस मुतलिक। 'काँशुर समाचार' छु वॉहिद मैग्जीन युस पाँच सत सास कापियि छपान त ग्राकन ताम वातान छु। यि छु सही जि अथ मंजु छु अंग्रीज्य, हिन्दी त बेयि तिथ केँह कालम ति छपान, यिमन हंजु मखसूस ग्राँकिल छे, ति ओँसिथ ति हेकि न कहँय यि वनिथ जि काँशिरिस बाँगिस क्या छे न मकबूलियत रूजमच। अँमिक्य खास नम्बर ललद्यद, मास्टरजी, नेहरू, स्टेज—ड्रामा, संत—ओलिया, बापू बेतरि विशेषांक छि गवाह जि परनवाल्यव कूता लोल बोर यिमन खास शुमारन। यिमन अन्दर ओस काँशुर मिजाज हाँवी रोज़ान त परनवाल्यव कोर यिमन त्वलमत लाय। काँशिरि बाग्युक तुहँजन 'चिदयन' हुंद कालम छु अम्युक सबूत।

अँमी अवाँमी तकाज़न द्युत मे बास जि म्योन सोपुन छु न दुहल्य खाब। येतिनस कर ब पनन्य अख मिसाल पेश—ब छुस तॉलिब अलिमी हँदिस दोरस मंजु पांचन वरियन लोहुर तति—पंजॉब्य त काँशुर बूल। तिक्क्याजि तथ साज़गार। तथ बर काँशिरेन गरि द्रामतिस वरियि, मगर शुकुर बुनि काँशुर बोलान, काँशिरेन हंजु व्वथ रीच—रेवाज पालन्य, दार्मिक तहरीक किताब काँचा

'काँशुर समाचार' छु वॉहिद मैग्जीन युस पाँच सत सास कापियि छपान त ग्राकन ताम वातान छु। यि छु सही जि अथ मंजु छु अंग्रीज्य, हिन्दी त बेयि तिथ केँह कालम ति छपान, यिमन हंजु मखसूस ग्राँकिल छे, ति ओँसिथ ति हेकि न कहँय यि वनिथ जि काँशिरिस बाँगिस क्या छे न मकबूलियत रूजमच।

रूदमुत। मे ह्योछ गोम यि दँपिजिति ओँद—पोख म्यूलुम न अक्स गव व्वन्य ताज तकरीबन दून हथ दयस कुन, तिम छि लेखान, परान। सबूत बेठ, मैग्जीन, नवि अदबी—समाँजी चलावनि। काँशिरि छपेयि—ति छु न

खँटिथ। आश्चर यि जि तिमन हंजु बिक्री ति रूज न केँह कम। (अथ मंजु न छु मवादुक मेयार त न अछरवोतुर ज़ेरि बहस)।

युथ माहोल तयार करनस मंजु रूज काँशिरि समाचारच बूमिका वार्याह मददगार। अँजिचि लटि गँयि न सँ वनन, खस म्गलन, पठानन या अमि ब्रौह कँशीरि द्रामत्यन बटन खासतोर गँयि। दपान विष्णु दिगम्बर पलुस्करस (यिम मशहूर संगीतकार ओँस्य) प्रछोव अकि लटि अखबार वाल्यव, “चे काँत्या तानसेन कँरिथ पननि संगीत सादनायि सत्य तयार। जवाब ओस तानसेन न सही, कानसेन त कँरिम पौद।” याने

शास्त्री संगीतच स्वद—ब्द रँछ लुकव। कौशिरि समाचारुक रोल ति रूद कौशुर कँशीरि न्यबर जिन्द थवनस मंज तिथय पौंद्य शूबिदार।

सवालकि दोयिमि हिसुक बाकय जवाब यियि बेयन सवालन हँदिस जवाबस मंज, तिक्याजि तम्युक वास्त छु यिनवाँलिस पगाहस सत्य।

प्रश्न 2 : कौशुर परनवाँल्य संज प्रत्याशा क्या छे आसान खस न बहँसियति एडिटर तोह्य पूर करिथ ह्यकान छिव?

उत्तर : कँशीरि न्यबर यिम लुख द्रामत्य छि, तिमन छु माजि कँशीरि हंजि द्रहदिशचि जिन्दगी हुंद छरेर (अभाव) स्पठा मँहसूस गछान। रावन त्योल छु अख शब्द युस तिमन बुबोदुर तुलान छु। तम्युक इजहार छु ज्येवि सत्य करन यिवान। सँय येलि रावि, कृता द्रख गछि। ज्येवि सत्य हैकि मँहन्युव व्वन्द—बावथ करिथ। अवय छु पननि माजि ज्येवि सु बजर युस न बेयि कुनि ति कथि या चीजस छु।

तवाँरीख कयन ब्योन—ब्योन दोरन मंज यिमव द्रलाबब कौशुर वतन व्यलॉय कोर, तिमन मंज छे असि अमी अभावच चैनवन मेलान। वक्तन कर न तिमन सत्य यावरी तिम हैकय न कौशुर रँछरॉविथ।

मगर अँजिचि लटि येलि सन 1947 किस गिर्दाबस दोरान कौशिर्यव गर त्रॉव्य तमि सात ति त येलि 1990 ई. मंज तिम अफरातफरी त आतंकवाद म्वख गर—बार त्रावनस मजबूर करन आयि, तमि विजि ति कर तिमव अमदन कूशिश जि तिम गछन न वॉरान जहातक्य हॉरान काव बनन्य। यि जज्ब गव तेजान त तिमव कर ज़बान, अदब लुक कथ, लीलायि, ग्यवन बाँथ, रीच—रैवाज, बेत्रि बरकरार थवनच कूशिश। कौशिरि समाचारकिस इदारियाहस रूद यि ज़ेहनस मंज। हस्बि मकदूर आयि यि ज़रूरथ पूर करन। मगर येमि शिदत अमि अभावकि पूर करनच मंग ऑस, सँ हैच न वसीलन हंजि व्यछयि मूजब पूर गँछिथ। तकाज़ छु बार, वसील छि महदूद, वक्तच दव छे वाव ख्वत ति तेज— यि आवलुन छु न कौशिरिस एडिटरस पनन्य अरमान त परनवालेन हंज प्रत्याशा पूर करन दिवान।

प्रश्न 3 : तोह्य छिव बहँसियति एडिटर 'प्रो एक्टिव' किन तुहुंद परनवोल छु?

उत्तर : अँजिकिस वक्तस मंज युस न प्रो एक्टिव आसि, तस छु न एडीटरी हुंद या बेदार परनवाँल्य सुंद दावा करनुक कांह हखय हॉसिल। लेहाजा ह्यकव न यि वँनिथ जि प्रो एक्टिव कुस छु न। परनवाँलिस छु नोव दुनिया ब्रॉठ कनि— युस स्पठा ब्रॉह द्रामुत छु— ज़ाँहिर छु जि तसंघ तकाज़ आसन तमी आयिक्य। मगर एडिटर बिचोर छु प्रो एक्टिव आसन बावजूद वार्याहव ज़ोलानव बंद रोटमुत— ग्वडय गॅयस व्यछय, (सादनाबाव), तोपत गॉस ब्यसोम परनवालेन हंज सँन्य—व्वगँन्य फर्मायिश। त्रैयिम गॅयस ज़बाँन्य हंज तंगदामनी, तूरिम गोस समोजी इर्तिकाहुक स्वथुर। प्रोएक्टिव आसन

बावजूद छु सु कॉज़स मंज़, करि क्याह! परनवोल ति वुफिहे अर्शस प्यठ, मगर पखव वरॉय वाति कोत। यि शिकंजि छु दोशवन्य हदस मंज़ थाँविथ।

प्रश्न 4 : त्वहि छा बासान जि कॉशुर परनवोल छु वुनि 'त्वबर लोलो' हसय दाद दिवान किन तस गछि नव्यन साहित्यिक न्हजन हंज़ ज़ानकाँरी मुहया करन यिन्य?

उत्तर : अगर कॉशुर परनवोल कॉशिर्युक प्रायमरी, मिडल, हाई त कालेज या यूनिवर्सिटी हंघ दर्जि पास करिथ अदबी, समॉजी, सियाँसी, सकाफती या सायंसी मवाद परान आसि हे, तेलि ओस यि वनुन सही जि सु छुन व्वन्य त्वबर लोलोहस दाद दिनस लायख। तस गछि नव्यन अदबी न्हजन हुंद मसाल वातनावन युन।

कॅशिरि ज़बॉन्य हुंद त अदबुक तवॉरीखी त इतिर्काँयी पोतमंज़र छु त्वहि व्योद । यि ज़बान कथ कसम पुरसी हंदिस हालस मंज़ आयि थवन, यि कथ छे न कॅह खँटिथ। अथ सत्य

आव करन, यि जानि हालातन मंज़ युस दर्जि छु, सु छु अकि पास पंगथ छे वुनि त्वबर लाय करान। ति नय बॅहलिपायि शाँयिर या पनन्यन परनवाल्यन (alien), अम्युक सत्य ति लगान जि बेशक पनुन आँरक मंज़ पेश करनच मगर परान कूत छि तुलितव ठान।

चूँकि कॉशिरें हुंद बोड तेदाद आव छँकरावन। बेयन जायन वाँतिथ गयि तिमव मंज़ बेशतर अँकिस अँकिस जायि जमा। तति रूद तिमन पानवाँन्य कॉशुर वरतावनुक रोश। अथ न्हजि लागि वार्याह वक्त स्वतनस। ख्वशी हंज़ कथ छे जि रेवायती कीर्तन, बजन मंडली, पूजा-पाठ, रस्म- रेवाज, व्वछब-बॅङ्य दोह यिमन सारिनय मोकन प्यठ छु कॉशुर वर्तावन यिवान। यि त्राय थवि अथ ज़बॉन्य

कुस वोरमाजि तोन दुनिया। यिथ्यन अमिचि तरकी प्रोवमुत त्यूत पस्त जि वार्याह लोलो हसय त्वलमत आसि हे, साँन्य अदीब आसहन न निश वुनि ति व्वपर अनमान छु येमि कथि कॉशुर लिखॉय्य छु किताबि हंज़ि शकलि जवानजॉहिली करान, लूख- तथ कथि मत

मगर अदबचन यिमन न्हजन सान्यव अदीबव थफ लॉयमच छे, सँ छे हावान जि दुनियाचि इतिहाँयी तरक्कीपसंद तहरीकि सत्य छि अँस्य ति पिलव करान। नँय कथ छे जि ताँलीम यूत यूत तरकी करि त्यूत त्यूत बडि सानि नवि पुयि ति नव्यन न्हजन क्वम करनुक रगबत। तथ सत्य छु अलबत यि शर्त लॉजिमी जि नव्यन पडीनन सत्य सत्य गछि काशिर्युक मेयार ति तमी अनमान थदुन।

येतिनस छु यि व्यछनावुन ज़रूरी जि सोन कॉशुर अदब खासकरिथ क्लासीकी अदब छु न त्वबर लोलो। पननि वक्त छु सान्यव पायि बडैव त कदावार ग्वनमातव थदि दर्जुक अदबी सरमायि असि मीरास कनि पथ कुन प्रोवमुत। सु छु न सिरिफ सानि बापथ फखरस लायख, बल्कि सु हैकि दुनियाकिस क्लासीकी अदबस लरिलोर ति

थावन यिथ। अँस्य हैकव ति, त कँह रिसर्च करन वॉल्य छि करान ति, तिमन अदबी शाहकारन त शाहपारन हंज तौवील, तफसीर, तशरीह त वखनयि निशि वुछिथ जि बेशुमार इसार किथ कँन्य छि नँन्य गछान।

मोजू छु जेठान, तवय वन युतुय जि अवामकि सोथिरुक ति गछि खयाल थवन युन— त नव्यन नँहजन ति गछि हिसाब हिसाब ग्वड बरन युन। पँथर मँशरावुन त अर्शस पिलव करुन करि न मकसद पूर। अवलस मंज करि 'काव टावय टावय'; मगर एम.एहस मंज 'हरगाह तिय करन यियि तेलि व्वथि टाव टावय।

प्रश्न 5 : छँकरन आमत्यन कौशिर्यन अन्दर कौशिर ज़बान जिन्द रोजनकय आसार छा?

उत्तर : कौशिर ज़बान मरि न जाह— अथ छे पनन्य बुतराथ त पनुन बितुर। योताम छँकरन आमत्यन कौशिरेन हुंद तोलुक छु, मे छु जाँती खयाल जि कौशिर ज़बान गछि न जाह कुलियतन खतम। यि छु पँज्य पौट्य अख बोड दावा; मगर मे छु यकीन जि येमि हिसाब वतनव्यलॉय कौशिरेन बेयव ज़बान्यव मुकाबल पननि ज़बॉन्य हंज कल गनेयि, सँ दियि न तिमन अमि निशि बिल्कुल अनजान रोजनच मोहलथ। चूकि कौशिरेन हुंद बोड तेदाद आव छँकरावन। बेयन जायन वाँतिथ गयि तिमव मंज बेशतर अँकिस अँकिस जायि जमा। तति रूद तिमन पानवाँन्य कौशुर वरतावनुक रोश। अथ नँहजि लागि वार्याह वक्त स्वतनस। ख्वशी हंज कथ छे जि रेवायती कीर्तन, बजन मंडली, पूजा—पाठ, रस्म—रेवाज, व्वछब—बँड्य दोह यिमन सारिनय मोकन प्यठ छु कौशुर वर्तावन यिवान। यि त्राय थवि अथ ज़बॉन्य जिन्द।

पोज छु कौशुर चाटहाल शुर छु न स्कूलस मंज बाकाँयद यि ज़बान परान; मगर गरन मंज छि लगबग सॉरी बाँच कौशुर बोलान। कँह फॉशन परस्त नफर छि ज़रूर कौशिरिस दर दर करान, मगर बरादरी हँदि असर छि तिम अमि निशि हिरास करान। बेयि येलि कुनि समचारस मंज कौशिर्युक वर्ताव वुछान छि, तिमन ति छु मथ गछान जि कौशुर बोलुन गछि जान।

तिम 'दोह गयि येलि न अथ ज़ेवि कांह माज़ानय ओस। व्वन्य छु गरन मंज ति अम्युक रेवाज, वेरायटी शोहन मंज ति अम्युक वर्ताव। कौशिरेन रिसालन त मैगजीनन मंज ति अम्युक दर्शन मेलान। प्यठ छु बेयन ज़बानदानन हंजि मानमाँन्य मूजब मथ गछान जि अँस्य क्याजि वर्तावव न पनन्य ज़बान। युस सोन नवजवान आलमी मुकाबलस मंज नेबर गछान छु, तति छु तँमिस यहसास गनान जि सारिनय छु पननिस मॉल्य—मीरासस प्यठ नाज़। ब क्याजि अमि निशि म्वखास। यि एहसासकमतरी ति दियि न तस पननि नँहजि निशि बुध्यफ्युर गछन।

अँध्य जटजोशस मंज अगर छँकरन आमत्यन कौशिरेन तौलीमि ज़ोरियि नख—पख वाहरावनच कल गनेयि, यकीनन दिन तिम कौशिरिस व्वदबव। यि

आशीर्वाद हेतु छुस ब येमि कथि हुंद काँयिल जि काँशिर ज़बान त अदब रोज़ि ता अब्द काँयिम। कशीरि अंदर ति त न्यबर ति।

प्रश्न 6 : अकि तरफ छे सान्यन नव्यन पुयन अंदर काँशिरिस कुन बेरुखी त बैयि पास छि साँन्य ज़िदय चुक्यदर यि ज़बान बचावनस बांद बांद करान। यि विरोदाबास कति त क्युथ छु?

उत्तर : नवि पुयि छे न काँशिरिस कुन बेरुखी अव मूजब जि तथ छे यि ज़बान खरान। बल्कि अव किन्य जि तस छु न औंद—पोख साज़गार। स्कूल गव तति, बाज़र द्राव तति, कुनि मॉलस—व्वत्सवस मंज़ गव तति छु तस बदलय माहोल मेलान त सु छु तमिकुय औंदी बनान। अगर साँन्य इजतिमाह, समनबल, सबा समितियि, चाटहाल, दोस्त—यार, गर—बार, खौही करिथ काँशुर वर्तावन, ताँजुब छु न जि सानि नवि पुयि बडि अम्युक मॉल। अथ मंज़ छु चुक्यदरन ज़रूर अहम रोल अदा करुन। सँहल—अंगौरी सत्य गछि आमच क्वकर पँत्य।

यि छु न त्युथ विरोदाबास यथ न चारय कांह वनि। गढ़वॉल्य, नयपॉल्य, ब्योन—ब्योन बोलि

बरादेरियन हंज़ जमाँच नज़र अंदाज़ करान। फॉशन परस्त लुख छि दिवान, मगर तिम छि येती योत न कशीरि या अंग्रीज़ियस लॉय। त्रायि सत्य। पननि म्यॉन्य शुय ति

युस सोन नवजवान आलमी मुकाबलस मंज़ नेबर गछान छु, तति छु तँमिस यहसास गनान जि सारिनय छु पननिस मॉल्य—मीरासस प्यठ नाज़। ब क्याजि अमि निशि म्वखास। यि एहसासकमतरी ति दियि न तस पननि नँहजि निशि बुध्यप्पुर गछन।

बोलन वाजन्यन छे न पनुन बोल—बोश हाँ, आसनवॉल्य अथ नँहजि सग अकलियतस मंज़। मंज़ ति छि तिम उर्दू मगर अवाम छु न अथ तजरुबच कथ वनोव। पलेयि—बड़ेयि येती,

काँशुर अब्यास रूदुख स्यठा कम। मगर व्वन्य छे तिमन काँशिरिच स्यठा प्रीती। फोनस प्यठ, पानवॉन्य या येलि तिमन मे सत्य पनन्य कथ करन्य आसि, फोरन छि वनान—पाप, काँशिर्य पॉदय वँनिव।

अलबत अथ जिमनस मंज़ छे काँशिरि किस चुक्यदरस मंदछन या हिरास करन वरॉय अख इयूटी पूर करन्य— तस पेयि कर्मयूगी बँनिथ काँशुर वर्तावन त अम्युक प्रचार करुन। अंग्रीज़्य छे आलमगीर ज़बान; मगर वुनि छु अख मखसूस तबक अम्युक प्रचार करनस प्यठ तायनाथ।

दोयिम कथ छे काँशिर ज़बॉन्य हंज़ कारबाँरी अफाँदियत। अगर यि ज़बान सरकाँय या व्यवहाँय येतिबार द्वदिज गाव बनि, यकीनन हुरि अथ मर्तब। अमि बापथ पेयि कँशीरि मंज़ ति त न्यबर द्रामत्यन ति— सारिनय काँशिरेन कूशिश करन्य। कुनि ति कामयाबी खौत्र योदवय न अथ—ख्वर वर्तावन यिन, माटस ताम किथ पॉदय हैकि

कांह बोंतिथ।

अगर नावि नम रटनबोल सत्य आसि, सँ लगि ज़रूर बाल; मगर यिरवन्त्य नाव कूत ति रूजितन पानि प्यँदय पकान, अंजाम तम्युक छु फटुन।

प्रश्न 7 : 'कॉशुर समाचारस' कॉशुर बोग लॉगिथ थवुन छा पज़ी जातीय मंगि हुंद नतीजि किन संस्थागत खानपूरी? तुहुंद तजरुब क्याह छु वनान? जाती क्याह छे यछान?

उत्तर : ग्वड 'पंपोशस' मंज त पत 'कॉशुर समाचारस' मंज कॉशुर बोग छे हमेशि कॉशिरि बरादरी हंज मंग रूजमच। ति नय आसिहे, कॉशिर्यव अंग्रीज़्यदानव आसिहे खबर कर अथ बोंगिस पठ वोटमुत। म्योन तजरुब छु कॉशिरि समाचारुक आंखरी हिस 'तुहुंज चिठि'। यिम छे येमि कथि हुंद सबूथ जि परनवॉल्य छि अम्युक ज़रूरथ महसूस करान। भारतस मंजय योत न, मुल्क न्यबर ति। यिम सॉन्य सत्य बॉज न्यबर गँयि, वापस यिथ बनेयि तिम मैगजीनक्य ज़्याद गिर्वीद— शायद यि बुछिथ जि न्यंबर छि कॉशिर्य अथ ज़्याद लोल बरान। मुमकिन छु अम्युक अख वजह आसि नास्टलजिया (कॅशीरि हुंद त कॉशिर्युक फेरुन ति), यि कॅह वजह छु, छु यि अख पज़र।

अगर यि संस्थागत खानपूरी हुंद मामल आसि हे, अथ आसि हे पनन्यव चुक्यदरव करताम टा—टा कोरमुत। तिम ज्ञानहन अमि निशि थफ व्वथन्य गनीमत। समिति हंघन पेशिवर कारकुनन हंजि बेरुखी मूजूब प्यव मे वार्याहि लटि तिमन वनुन जि अगर 'कॉशुर बोग' मदि फज़ूल छु तेलि क्याजि न यि बन्दय करन यिवान। मगर अजताम ह्योक न कासि युथ कदम तुलनुक जुरथ करिथ— नॅन्य कथ छे जि अथ छु जाती हुंद डोख पत।

प्रश्न 8 : पॅत्यम्यन देंहन पंदाहन वॅरियन बुछिवोना त्वहि कांह त्युथ नोव टेलेँटाह जि व्वठ आसिव कॅडमच?

उत्तर : शॉयरी हंजि सिम्फि मंज गयोव अख व्वथवुन शॉयर "पांचाल पंडिथ" नज़रि। सु बन्योव आडिट सर्विसि मंज बोड अफसर त वार्याह काल प्यठ लोग न पयी जि तॅम्य त्रोवा यि शौगुल किन न। वयसे रूद तिमनय लिखार्यन हुंद दखल ज़्याद यिम कॅशीरि मंज मायग्रेशनि ब्रोंह प्यठय लेखनस सत्य जुडिथ आँस्य। त्रिलोकी नाथ धर 'कुन्दन' रूद बराबर लेखान— नज़म ति त नसर ति; मगर व्वन्य छु अक्सर अंग्रीज़ियस सत्य आवुर। कॅशीरि हंघ नॉमी हस्ताक्षर छि सर्वश्री अर्जुन देव मजबूर, मखन लाल बेकस, पृथ्वी नाथ सॉयिल, पृथ्वी नाथ मधुप, प्यारे हताश, प्रो. हरी कृष्ण कौल, हृदय कौल भारती, मोती लाल नाज़, बालकृष्ण सन्यासी, जॅम्युक ग्रुप छुव नज़रि तलय— सर्वश्री मोहनलाल आश, मखनलाल कंवल, खदि डॉ. शांत, मोती लाल क्यमू— नाव गँजरनस लगि चेर ति त ब्येयि ज़ेठि ज़वाब। अलबत श्रीमती बिमला रैणा त

सुनीता रैणा हिव्य टेलंट ह्यकख न मॅशराविथ। यिमव थॅव असि सारिनय हंज तार बुलंद।
 ब्रजनाथ 'बेताब', रविन्द्र 'रवि', अशोक सराफ 'घायल', राधे नाथ मसरत, ओंकार नाथ
 शबनम, तेज रावल, प्यारे भान, त ब्येयि
 वार्याह नवजवान शॉयिर अलबत अथ जिमनस मंजु छे छि तिम ग्वनमाथ
 यिमन निश वार्याह केह काँशिरि किस चुक्यदरस मंदछन हासिल यिनच व्वमेद
 छे। साकी स्वर्गवासी या हिरास करन वरॉय अख इयूटी सुंद न्यचुव विजय छु
 पननिस पायि बॅडिस पूर करन्य— तस पेयि कर्मयूगी बब सुंद शूबिदार अदबी
 वॉरिसदर सानी बॅनिथ काँशुर वतवुन त अम्युक कारवानुक अखा
 फवलवुन गुल। बेयि प्रचार करुन। अंग्रीज़य छे ति छि वार्याह नाव
 मिसाले सर्वश्री रतन आलमगीर ज़बान; मगर वुनि छु लाल जवहर (क्षीर
 भवानी टाइम्सकय अख मखसूस तबक अम्युक प्रचार एडिटर) प्रेम नाथ शाद,
 डॉ. ओमकार कौल, डॉ. रूपकृष्ण भट, डॉ.

सोमनाथ रैणा। डॉ. अमर मालमूही हिव्य नक्काद छि सॉन्य सॉथी। यिमन सत्य सत्य
 छु बोड कारवां काँशिरिस ग्वड बरान। यिमव मंजु कोर बेशतर अदीबव जलायवतनी
 हद्यन द्वहन अंदरय पनुन पनुन कलाम ति छापनावनस कुन। यि ग्रंद छे स्यठा बॅड।
 मज़मूनच तवालत छु ठोर। नसर निगारन मंजु आयि सर्वश्री वीरेन्द्र पटवारी, विजय माम,
 कमल हाक, पनुन तोबरुक हेथ। नॅव पुय छे सोरि सामान माँदानस मंजु वॅछमच। दय
 कॅरिन सारिनय ज़ोरि कलम त ह्यमथ अता!

प्रश्न 9: पनन्य केह रत्य शार (नज़्मन/गज़लन हंघ) लीखितव, यिम
 लीखिथ परिथ त्वहि बहँसियति शॉयिर तसलाह आव।

उत्तर : अख बरमँहल चुमिसरॉय छे पेश :-

1. ज़मानक्य फेर वुछ वुछ गोम तसला,
 अंदान इयूंतुम न अज़ताम कांह ति मसला।
 फकत दमदोरिया, मनहम त नखवथ,
 सॅनिथ बास्योम च़कि हर कांह बेतसला॥
2. ज़गथ बदल्योव यामथ र्वय च़े बदलुथ,
 नोबुय उन्वान प्यव द्युन गुलसितानस।
 वनेय न्यश्ब्वद यँबज़्वल नार वुज़मल,
 ज़मीन लॅज आसमानस मूदियानस॥

सियाहसर मॉनिमच़ ऑसख च़ बेबस,
 दपान ऑस्य थॉवमच़ प्यतरन्य दयन खार।
 मगर सरकश वॅनिथ येलि ब्रोंठ द्रायख,
 सपज़ मदीनगी नॉदिम शरमसार॥

3. लोल मचरच अख गिलन,
लोल शोकच फ्रच तन।
लोल वुजान बॉनिजन,
लोल अख अबदी अज़न॥
4. ग्वडय प्यठ गछि न लेखनच त्राय बदलन्य,
तवय सूचिथ सॅरिथ अँस्य हरुफ शेरान।
यॅमिस ग्वडन्युक हरुफ करि हे न सर खम,
तॅमिस दरमांद गछनुक ज़ांह न कांह गम।
5. ललद्येदि येति पारद्य पान व्यंगलोव,
नुंद बब न्यव श्रुक्यव सुय प्रज़लोव।
रूवपि येति छूवपि हुंद मन्तर वुज़नोव,
सुय दयि गर मंदछावुन यछ मा!
तवय ब्रमान छुम जुव गर गछहा!!

गज़लन हंघ बंद :-

ओकदोह प्यठय मुदयि रॅटम जून पुनिम ताम।
अरमान रूदुम डेंशि ना अनहार लोलरे॥

लॅज अँशिस ददराय रातस शबनमस।
सुब थोवुन पेशकश म्वख्तुक हलम॥

गुल रोयि प्येद्य वॅसिथ सुय अँश-कतर म्वख्त साँपुन।
येम्य शोक सान कचनोव दामान चोन लोलो॥

गुस्ताख शोख पॉलिथ सॉयिल अगर बन्योव कांह।
तॅम्य वोल् मूल-तोलय पयमान चोन लोलो॥

असवुन दहान डींशिथ बास्योम मेहरबान छुम।
दर असल ओस ओनमुत वॅज्दस पनन्य शबाबन॥

बुछिव काँचाह अजब लोलच कहॉनी।
दिलुक राबुन दपान गव लोल प्राबुन॥

मोहबतस खॉरख त खॉरख हान क्याह?
हुस्न किस ज़र्रस बनावान आफताब॥

यि दुबराय पावान चेतस सात सातय।
छु कुस ताम, कति ताम क्याह ताम हमनाम॥

कर हँटिस चनि रख त बातख तोत 'हलीम'।
यथ वनान दिल बॉल्य वज्दानुक मुकाम॥


असान इयूठमख याम जोनुम छु प्योमुत।
गुजरवान कति ताम अड नेंदरि रातस॥

ल्यूखमुत ह्येकि कांह पॅरिथ योद अछर तगनस परन्य।
त्रायि येलि अछरय डलन कलमदानस क्याह खता॥

वार वोनमस 'हलीम' ख्वश थावुन।
बूजुना? पानन्यार राब्यस ना?

च ति अख रोज़ि रोशन मे ति इयूठ गाश फवलबुन।
च पोकुख त वथ समेयिय, ब चम्योस लॅग्य मे तॉरी॥

जानि तंदरुस गछ चै बॉवथ सीर कथ।
यथ ब्यस्वख शाहरस अंदर प्रथ कांह स्नाब॥



पेंतिमि देंहिलिचि शॉयरिणि हंज अख फेरहाव खसूसियथ छे जि
शॉयरिन छु केंह नत केंह रावनुक दोद जेर तुलान। यि दोद छु गरा
जबर्दस फेरनकिस सूरतस मंज प्रकट गछान, गरा मोयूसी मंज जि व्यं
कति यियि सु शिहुल मूसिम बेयि। बाजे छे शायरस सासबघन वेंर्यन
हंज कौशिर र्यवायथ त कौशिर जाथ बुतराथ तसला दिवान बासान।
शायिर बुजुर्ग पीरि हुंद आँस्यतन या नवजवान।

गजल

शीन ओस गलान, वाव डलान, बाग फवलान आँस्य,
हे सोंत! गवौही दिजि, अँस्य कँल्य ति ग्यवान आँस्य।

ख्योव गाशि पनुन माज त चौव गचर पनुन खून,
पोज हाय सु कांह लमह जि अँश फेर्य ति असान आँस्य।

दफ गाँब गंनीम आव ओबुर, रूद, हवा, डोठ,
तापूर्य जचन पोशि वँथर तुलयि¹ गिंदान आँस्य।

रहमान राही

पोंपर त पुनिम्य गाशि दिवान बबरि लंजन मीदय,
बावल्य त सियाह सडकि छजल बोनि पुटान आँस्य।

फालव त वँथी रूद्य, तिम आलव त वती मूद्य,
तहकीक करन वॉल्य तवौरीख ल्यखान आँस्य।

स्वय स्वरम चेशिम्य बूल्य त सुय सर्व कदल मोज,
मस नेंदरि मे दोद खाब त बौंदूक वजान आँस्य।

पथ रूद न बाम ओर त न दवाजि न दार्यय,
नवजाव कछस मून्य चितर हाल वनान आँस्य।

अस्तान बें देंश गंडन वर्य द्रास जि कमताम,
अल्कार त मल्कार अजब आयि परान आँस्य।

1. तुलयि गिंदुन = शुरिस अथन प्यठ व्वदनि रेंटिछ छी छी गिंदुन।

गज़ल

मखनलाल कंवल

पख साँ त अख अँकिस च़लव
 व्वल साँ त नयि नये रलव।
 समयिकि च़क डोल ब्रमांड
 समयिकि शाप कोत च़लव?
 खाब हलम त प्यव दँजिथ
 रूद न कुनि मुर, न पीत पलव।
 नय छि तिम गुल्य न पोशि पँद्य
 खूनि जिगर कत्यन जरव।
 शोर वोवुखा समन बलस
 वनत पगाह कत्यन समव?
 छवख त सदम करम तसंद्य
 ताज़ ब ताज़ नव ब नव।
 गँय त स्वन साँव्य जज ति ज़ैर्य
 वनत गुदरुन कँमिस वनव?
 जुत छु करुन नबस अगर
 तल पतालस कोतू वसव?
 म्यानि वराँय ति फेरि द्रह
 म्यानि वराँय ति शोलि रव।
 छा स्व कांह मँच येमिस वनव
 नार वेथे पकी तरव।
 येलि न अँशक फोरुय दिलन
 क्या साँ 'कंवलन्य' गज़ल परव?



तमि मेचि वोननम

पख.....

त्राव कदम

म्याॅनिस वछस प्यठ

लगयि बलायि

वौंदमयि जुव

हंह.....

मस छॅत्योमुत

इयकस गेनि

त आॅनक अॅछन

—

व्वल बेह

बेह पथर

बुथिस गंडय मुदय

त पर चानि किताबि हॅदय

कॅह वरक.....

—

हता चार्या

बॅ हा छसय मॉज

चे हा छुय मे जूनम द्युतमुत

थन प्योख

त म्यानी क्वछि अंदर

मुचराव्यथ अॅछ

बबि द्योॅड आपुरमय

त ह्योछुथ चह द्युन

—

मेय सोवुख त मेय वुजनोवुख

नेंदरि मंज ओसुख फ्रसतन गिंदान

त ब आॅसंसय

म्वनि त मीदय करान

प्रेमनाथ शाद

—
वुछू...

तला तुलुम म्वछि मंज
मशिक हयम
वुछ किथ कॅन्य दियी
ममतायि हुंद बास

—
च गोहम ना छूयन
च लोगुख ना सॅहरॉव्य सफरस
लतन हुंद माज लार्योय ना वतन
सॉरय छम खबर
यिन दपख
ब मा ओसस स्वखस मंज
वुछान छुखना
म्योन दागल व्वोजूद
छ्वकल त रतसॅर्य तन

—
वनय क्या
वुशुन वुशुन रथ
कोताह प्योम नॅगलावुन
त श्रीपरावुन
दॅद्यमत्य च्यंतायि चकल
खॅन्यमत्य कबरिवार
छिम ना नॅन्य त टाकार
यतीमन त सियाहसरन हंद्य
व्यदाख बोजान बोजान
हा छिम कन फॅद्यमत्य

—
खबर छम
च नेरख बेयि
त ब रोज येती
क्रेशान त वुठ फेशान
त चानि पोत छा़यि
मुदय गॅडिथ
वुछान.....

गज़ल

मोती लाल 'मसरूफ'

राँव तरावथ सोंतुक कथ सब्ज़ार दपव
लोब न ज़ंहय असि सबज़ वनुक आकार दपव।
तेह मूरेमच शोक कुल्यन छँदरेमच कल
लबन यिवान छुन त्युथ कांह आसार दपव।
ख्वर मूरिथ येथ्य कथि स्व. बाज़र द्रायि छँपिथ
लोचि गँडिथ क्या वावस दिख पँल्ययार दपव।
लोग न ज़ंहय हो सॉनिस शहरस व्वरस ति कांह
या गव सहरस छायुत फोल अनहार दपव।
कल कर पननी रावी कथि हुंद मॉर्यमंद्युत
तँम्य कथ वरकस लीखिथ थोव एतिबार दपव।
शॉबनँम्य छायव, म्वलवान रोवुम अख अख खाब
त्युथ मा सॉ 'मसरूफ', ल्योखुम कांह शार दपव।

गज़ल

सुनीता रैना

आलवस द्युत आलवा त्वति पॉदय ज़न
लोल हँत्य गँयि नाद नादन थोव कन।
क्रानि म्याने लानि लीखिथ म्युल वुछुम
अथ पँरिथ चोनुय मे डजि ज़न ब्यूठ मन।
बावनस किच ऑस लफज़न हंज कॅमी
थँव्य दिलस खँन्य खँन्य मे चॉनी तिम स्वखन।
कचि रँटिम शोकन वुतिश यामथ लँजम
खोफ रूठुम यिन मे कौँछिथ स्वख ग्वबन।
आलमक्य स्वख छॉव्य छँबि गँयि वाँस अख
कूठ वखता वोत गँयि लरज़िश वुठन।
मचरकुय अहसास दिथ येलि गव कुन्यर
यार चॉनी नाद गँय म्यान्यन कनन।

गजल आस्यतन या नजम, वचुन आस्यतन या लीला, शायरी थन
प्यनस छु कांह नत कांह वुतुश, कांह जीर, कांह प्रेरना जरूर आसान।
बाजे छु शायिर पान पनुन परनवोल बैनिथ यि प्रेरना व्यछनावान। तस
छु बासान कवितायि हंद्यन बावनायन मुतलक वन ब केंह। सु करि न
व्याख्या, मगर केंचन अहम कथन कुन करि इशार। मरगूब छु कदावर
काँशुर शायिर। यथ मखसूस गजलस मुतलक छु सु केंह वनुन
यछान।

व्वंद वॉराग

डॉ. मरगूब बानिहाली

अकि राँच तुल मे अँम्य खयालन चेर ताम वॉराग जि शेहजार त मुसजार
खाँतर सारिसय आलमस मंज मशहूर सोन टोठ वतन कमन बड्यन ग्वनहन हदिस
शहमतस मंज हु वलन आमुत। हत वाद वरियन स्वखच, अमनच त अँलिमच यि
थक प्यँड कँशीर कमव जिनव त क्वजिनव दिच पनन्यन त्वकदयन त्वकदयन
मफादन छेपि। बहँसियति अख हसास काँशुर वोतुस ब यी सोंचान सोंचान तखलीकी
अमलि हंजि क्वछि मंज त हैतिन येमि गजलि हदय शार पोतुस पथ बेसाख्त पौदय
थन पेन्य। म्यानि शेर पौर सत्य आयस फकथ अकि बजायि त्रै मतल या त्रै ग्वड शार
हिस। बाकय ओस म्यान्यन तमि वक्तक्यन जज्बातन हंजि ग्रेकि हुदुय बेसाख्त
इजहार। गोया ग्वडनिक्यव दूवयव शारव पत यिथ पौदय :-

लँजिम कमि जरव साजस जीर वन क्या
छु तस अजि नजरि कुस ताँसीर वन क्या?
बुमन गुम सँर्य छि तस कम सीर वन क्या
दुमिसरी छुस इयकस तहरीर वन क्या?
बनोवुस पनन्यवय दिलगीर वन क्या
बरोसन लँग्य मे कम कम तीर वन क्या?
कोडुस वय क्याजि बाजर बोलि बायव
कोरुस वय क्याजि दालव गीर वन क्या?
गछान प्रथ फितन कव मनसूब मेय कुन
यछान प्रथ पुय मे कम जंजीर वन क्या?

छु स्वयि व्वपजाव कव मेय बबरि डोर्यन
छे च्वयि मेय क्याजि आलमगीर वन क्या?
मे कतिनस कोचि फयुर कोर लॉन्य चूरन
मे वतहावुक व्यौदुम कुस पीर वन क्या?
रनेमत्य जाम बति वलना अयाजो।
कनान गॉरत छि कम वलवीर वन क्या?
रतस कुनि युथ स्त्रजर छा होलि गिंदनस
वतन म्योन अज कमन जाँगीर वन क्या?
छे “मरगूबस” अमि हेह ज्यव कलेमच
व्वपर छा तिम, यिमन तखसीर, वन क्या?

यथ कालमस मंज छि तिमन कौशिर्यन लेखन वाल्यन हंज रचनायि
तर्जमस मंज पेश, यिमव माजि जेवि बदल या अथ सत्य सती बेयन-बदल
जबानन प्यठ ओबूर प्रौविथ त लीखिथ परन वाल्यन हुंद तवजू पानस
कुन न्यूमुत छु। डॉ. चौधरी संज ज कविता-संग्रह छि छपेमत्य त
यिमव छु मुल्कस मंज अंगरीज्य लेखन वाल्यन मंज नाव प्रोवमुत। यथ
अंकस मंज छे यिहंज त्रे कवितायि पेश।

1- असि छु वुछ

कुन्दन लाल चौधरी

बगवान,
ब हसौ कोरहसय तिमव जलायि वतन
म्योन सोरुय कोम हसौ कोरुख जलायि वतन
बगवान,
चे निशि ति न्यूहस छूयन कॅरिथ त कोडहस
फौकिथ छुनुहस
जलायि वतनियि हंदि सान्यहस अंदर

व्वन्य छि जुव लिथवान,
खान बदोशन हंद्य पौंद्यन सारान बोर
जंगान छि कन्यल जौमीनस सत्यन—
वौरानजातन अंदर
जखान छि रूद व्रटन अंदर—
येलि डौठ तालि'असि जौंद्य छु करान
येलि गरदि तुफान हू हू छु प्रज्ञान
वंद रौचन अँडिजन कन्न्य छु गछान
प्रेशमस मंज आँरख दिगनि वसान—
पानस सौरिस लारान छु मुशख
सरप ख्वडन मंज
बिच वाजन अंदर....

चपल हून्य छि असी व्वथान जेफि
जिन गाँट शिकार बापथ असी आँटरान
रस रस असि छि कडान जुव
जोरि गंडान त नचान—
रेयि ज़लर त मेहय।

बगवान

जुव छि रेंटिथ अँस्य म्वछि मंज तोति
क्याहतान्य छे सथ, क्याहतान्य छु बेचिथ अंदर रछ प्युंत
सथ छे जि च छुख असि अंदर—

कति ताम मूजूद

चानि सतुक मीरास छु तुलमुत पानस सत्य—

त औनमुत योर

मुरच चानि, निशान चॉन्य, गाह चान्य
बेयि छु सत्य असि वुछ जि बेयि थुरहोन
बेयि सु रोवमुत स्वर्गदार, सु पनुन वतन
येति छिना तवय अँस्य अवतारन हंद्य द्यान गरान
दीवी दार करान छिख बेयि खड़ा—

जिष्ठा, ज़ाला, रॉगिन्या त हॉरी हंद्य

ललि हंद्य, र्वफि हंद्य

सर्वव्यापक शवनाथन्य

नँव्य नँव्य अस्थापन!

2- यारन वोननम

वादियि प्यठ छु यार समखनि आमुत

वोनन

तति हसॉ लुख मरनस केशान

ति क्याजि मरनस छु फॉयिदय फॉयिद

युस फसान छु क्रॉसफायरस या

जुव छु दिवान हिरासतस मंज

‘मुजॉहिदय’ कोन छननस मॉरिथ

रकमन हंद्य रकमन छु सु पथकुन त्रावान,

नकद र्वपयि लछ, आँशनावस नोकरी

म्वंडि प्यनशन

त यिम यँतीम गछनस

तिमन गुज़ार बापथ खरच

तौताम योताम तिम बडन।

यारन वोननम

पुलसवालयन हंदिस मरनस छु म्वल ज़्यादय हर्योमुत

व्वन्य छिख लछि बदल पांच लछ मेलान

बोनस गोख अमि अलाव;

तिक्याज़ि यि रकम छु मरकज़ वछि वॉलिंजि दिवान

बतोरि राहत।

बोड मफाद छु अज़कल मोतस सत्य वॉबिस्त

वादियि मंज़

मे निश छूयन गॉमतिस

मे रॉव्यमतिस म्यॉनिस स्वर्गस अंदर

यारन वोननम।

3- गरब ग्रैह

(केंद्री मंदर)

अद फुटरावनम अंग अंग

वेह लद कटर जोनूनी

अद करनम लछिबंद्य टुकर

प्रथ टुकरस मंज़ व्वतलि

म्योन आकार नोव

त ब व्वतल सॉलिम बॅनिथ दुबार

कुनि कोह, कुनि क्वलि हंदि चकि प्यठ

ज़ांह खदवय

कनि फोल या कावशुप च तुलख

तुलख अगर मन पोछ थॉविथ

थवहन पटरस प्यठ शीरिथ

सुय छुय तिरथ

गरब ग्रैह = गर्भगृह, केंद्रीय मंदिर = येति मंदरुक ज्युठ दिवता विराजमान आसि, येति तसंज मुरती थावन आसि आमच।

त प्रथ तिरथस मंजु बय व्वतलय साकार
 ति क्याजि ब ह्युस चकि ति
 यथ अगवा न कॅरिथ हैकि कांह
 बुथ यथ कांह नहनावि न जांह
 मुकमल हैक्यम न गॉलिथ कांह
 ऑस्यतन तिम मजहॅबी जौनूनी
 बुतशिकन,
 ऑस्यतनख नरि जेछि दूरताम वातान
 मगर न जांह तिम वातन
 म्याॅनिस मनकिस अँदरूनस ताम
 क्याह हैकि ऑसिथ ज़्याद सुरक्षित मन ख्वत
 यि ह्यु अँकिस पॅजिस अनुराॅगी सँदि मंदरुक
 केन्द्री मंदर
 गरब ग्रेह।
 कत्य वंद गुजरेयि तन, येलि
 बेदरद पॉट्यन
 ह्युन्येथम ग्वड ह्युर्य च्येय
 व्वन्य ह्युस प्योमुत ऊर्य जलायि वतनी मंजु
 छांडान छांडान वोतुख मे समखनि
 अथन अंदर अथ ह्युहम रटान व्वन्य
 चीर ह्युहम नालमॅत्य करान
 ब्रछान ज़न ह्युख
 सीर दिलक्य सॉरी वनहॉम
 पॅतिम्यन सतन वॅरियन युस जौनून गॉडनय
 तथ प्यठ करहॉख व्वंद मुचरिथ कथ
 पननिस त म्याॅनिस मुसीबतस प्यठ वदुनाह करहॉख
 बोजान ह्युसय सोरुय, पोज़ कुमलान ह्युस न
 यिर ह्युस न गछान।
 मगर अकि चिहि पतय।
 कसम मे ओसुम कोरमुत युस—
 येति योर ह्युन कर चै निश हमेशि पान
 फुटान ह्यु सु कसम वुछान वुछान
 पानस ताम ह्युम न रोज़ानय, येलि चॉन्य अँदर्य टॉय
 वुछान ह्युस
 यिहंज खामोश ज़बान परान ह्युस
 अफसूसच, पशतावच, प्रायाच्यथच चॉन्य ज़बान

म्याँन्य ह्वप छे छेलि छेलि गछान
 अँस्य छि अख अँकिस नरि आलवान
 जून काँसि फवख हुत त असि लँज नालमँतिस मंज समाद
 थव साँ वोनुथय व्वन्य यि वननि आयोख
 चे जन अकी व्वटि तौरथ लांफ अपारि यपोर
 सथ वँरी खँलिस सँनिस नारस
 वुफ तुलिथ च वोनुख तोत
 येति म्याँन्य दिलन सोरुय मँशरोवमुत
 कोरमुत माफ छु सारुय
 आ, च नय ओसुख सु येम्य छुर्य वाँजनम
 सु ओस मजहबा नोवुय हिंसायि हुंद, तशदुदुक
 नफरत प्यठ, असहनशीलतायि प्यठ व्वपदयोमुत
 मगर सु ह्योक न चोन ईमान बदलॉविथ
 तिथय पॉदय यिथ कँन्य
 चोन तशदुद नाकाम गयोव
 म्योन ईमान बदलावनस
 तेलि।

जबान छे साँन्य प्रजनथ

शूर्यन क्यो बड्यन काँशुर हैछनावन खाँतर मेहनत सान बनावन
 आमच ज अहम किताब
 यिम प्रथ काँशिरिस गरस मंज आसनि गछन

1) काँशुर प्राइमर : म्वल 80 रु.

2) काँशुर रीडर : म्वल 80 रु.

(द्वशवन्य हुंद स्यट : 150 रु. डाक खर्च वराँय)

(यिम द्वशवय किताब बनावि केंद्री सरकारन मुल्कक्यन थदि पायिक्यन
 व्यदवानन हंदि दँस्य केंचन वँकशापन अंदर स्यठाह मेहनत सान।
 यिमन मंज छे एच.आर.डी. मिनिस्ट्री हंज मंजूर करन आमच देवनागरी
 लिपी इस्तेमाल करन आमच, खस स्यठाह सँहल त कार आमद छे।)

मेलनुक पताह : सेक्रेट्री 'संप्रति',

केपीसभा, अंबफला, जम्मू।



हरिकृष्णन्य कहानी छे जिंदगियि हुंद स्योद त सॅहॅल तस्वीर पेश करान। अथ मंज छे कुडरि हकीकॅच दोहदिसिचि ज़बॉन्य मंज तुलन यिवान त वार वार परन वॉलिस आवरावान। यथ कहानियि मंज बुछि व तोह्य अँकिस बचि सुंद मनोविज्ञान किथ छु व्यछनावन आमुत।

—हरिकृष्ण कौल

मुन ओस मासन हुंदय येलि तस मॉज म्वयि। त बुनि ओस वॅरी गछनय येलि तसंद्य मॉल्य नोव नेथर कोर। मुननि अँमिस नवि माजि ज़ायि च्वन वॅरियन मंज पोतुस पथ चोर नेचिव्य। मुन आसिहे सत वुहरुय येलि तॅम्य संदय मॉल्य मकान बदलोव त गव नँविस मॅहलस मंज रोज़नि। तँती कोर तॅम्य अँकिस सकूलस मंज मुनुन नाव दरज। मगर मुनस लोग न गवडनिकि दवह प्यठय दिल सिर्फ अमि किन्य जि सु ओस दहि बजि प्यठ च्वन बजन ताम पनन्यन तिमन ल्वकदयन बायन निशि छूयन गछान, यिमन मंज तस जुव ओस। सकूल नेरन विजि ओस तसुंद मोल तस कॅछाह मॅछाह ख्यन खॉतर चूरि कॅह पाँस ति दिवान मगर सु ओस न तिम पाँस पानस प्यठ खरच करान; बॅलिकि सकूल प्यठ गर यिन विजि ओस तिमन पाँसन ल्वकदयन बायन हँदि खॉतर मिशरी मकाँय, तोलमुत कर, बांट मिठाँय, टिकवावजि या पक्क बाल अनान। गर वाँतिथ ओस यिम साँरी चीज़ तिमन दिवान। सु ओस विजि विजि ल्वकदयन बायन बुथ छलान, पलव बदलावान, बत आपरावान, क्वछि मंज ललनावान त अटस या नखस खॉरिथ सवाँय दिवान।

अकि द्वह ऑस्य तॅम्य द्वशवय बाँय दून नखन खॉर्यमत्य जि बॅडिस अँकिस फोश क्याहताम ल्वकदय संज। तॅम्य द्युत तस दक त सु आव पथर लायिन इयकस चायस तौतल कॅन्य येमि सत्य रत छूल्य आस। तसंज वदन क़ख बूज़िथ आयि तैहँज

मॉज दोरान दोरान तिमन निश। ल्वकटिस
नेचिव्य सुंद यि हाल बुछिथ रूद न तस
पानस ताम। अथव लतव त लोर्यव सत्य
शलख कॅरिथ कोर तॅम्य मुनस हालि बंद।
पत कोरुन कमरस मंज बंद। न दिचनस
चाय न बत। रॉच पॅहरन येलि मुनुन मोल
कामि प्यठ वापस आव तॅम्य छोड मुन।
जनानि वोनस अपुजुय जि तस खोत सकूल
यिवान यिवानय तफ त तवय छु अपॉरिमिस
कमरस मंज शॉगिथ। सु गव दवान दवान
मुनस निश। मुनस ऑस्य वदन सत्य
गित्य गछान। मॉल्य लोगनस इयकस
अथ। सु ओस पॅज्प पॉट्य तप सत्य
दजान।

त्रेयि दोह्य वोथ मुनस तफ त
चूरिमि द्रह गव सु बैयि सकूल। चोरि
बजि छुटी गछन विजि बुछ तॅम्य पननिस
पारस बिटस तसुंद माम सकूल किस
दरवाजस तल प्रारान। मुन संदिस मॉल्य
सुंद नाव त पय पताह बूजिथ होव बिटन्य
मामन मुनस सत्य ति पानन्यार त अँकिस
म्वंजि गॅरिस निश ख्याँविन द्रशवय यार
म्वंजि गूल्य। बिट गव मामस सत्य
मातामाल त मुन आव कुनुय जौन गर।
गर वॉतिथ लोग मुन सोंचनि जि तसुंद
माम ति छु मँज्य मँज्य योर यिवान मगर
सु क्याजि तसंधन ल्वकट्यन बायिनय
पानस सत्य मातामाल निवान। अथ कथि
ति द्राव दोयिमि द्रह पत, शल, येलि
रिसस मंज बिटन तस नॅवय कथा बॅन्य।

“ब वनय अख कथ येम्पुक न
चे पय छुय।”

“क्वस कथ?” मुनन पुछनस।

“चॉन्य मॉज छन चॉन्य मॉज।”

“अद छा स्व चॉन्य मॉज?”

“स्व छे चान्यन ल्वकट्यन बायन
हंज मॉज।”

“तिहंज ति छे मॉज त म्याँन्य
ति छे।”

“न। चॉन्य असली मॉज छे
मूमच। तसंदि मरन पत छु चॉन्य मॉल्य
नोव खांदर कोरमुत। तसंजि दोयिमि जनानि
छि चॉन्य ल्वकट्य बाँय ज़ामत्य।”

“च कॅम्य वोनुय?” मुनस फूर्य
मुशिकलन यिम त्रे लफज।

“पननि मामनि खस चानि असली
माजि जानिहे। अखनुय होव तमि मे चानि
माजि हुंद फोटू ति।”

बिटन्य यि कथ बूजिथ जून गव
मुन रूजिथ। मगर अमि सात बजव गंत
त द्रशवय यार दोरेयि कलासस कुन।

अमि द्रह पतय गव मुनस खबर
क्याह। सु ओस वुनि ति ल्वकट्यन बायन
लोल बरान, तिमन सत्य गिंदान। अटस
त नखस खॉरिथ तिमन सर्वॉर्य दिवान।
मगर हंग मंग ओस तस क्याहताम याद
प्यवान त सु ओस खबर कमन ग्वतन
गछान। तसंज नॅव मॉज ऑस मँज्य मँज्य
मोमूली कथन हुंद हिथ रॅटिथ तस डांटान
त लायान, मगर सु ओस पनन्यन वुठन
चॅप्य ह्यथ सोरुय कॅह अँदरी बरदाश
करान। मोल ति हरगाह कॅह प्रिछिहेस, सु
ओस न तस ति कॅह जवाब दिवान।

अकि द्रह न्युव बिटन मुन तसंधन
गरिक्यन प्रछन वरॉयी पानस सत्य पनुन
मातामाल। तोर वातान वातानय गव मुन
बिटस अगादि जि मे हाव सु फोटू यथ
मंज तसंजि मामनि सत्य तसंजे वॉसि

बेयि शे सथ ज़नान ति आस।

“यिम्न मंज क्वस छे म्यॉन्य मॉज?”

बिट गव परेशान। तस ओस न याद जि देंछिनि तरफच त्रैयिम ज़ानान छा मुनन्य मॉज किन ज़ूरिम ज़ैन्य।

“वनान कोना छुख क्वस छे म्यॉन्य मॉज?” मुनन पुछुस बेयि।

“येक्याह यि छे चॉन्य मॉज।”

बिटन होवनस देंछिनि तरफच त्रैयिमि ज़नि कुन। मुन लोग मुदय गँडिथ तस ज़नि कुन वुछिनि। अमी सात कोर बिटस मामनि आलव। युथुय सु अत्यथ डोल, मुनन कोड ल्वति अलबम मंज फोटू त थोवुन पननिस बैगस मंज ज़ूरि

त गर वॉतिथ कोड तैम्य बैग मंज सु फोटू। कैची वॉयिथ कोडुन अमि बडि फोटव मंज पननि माजि हुंद फोटू अलग त कैची सत्य कर्पन बाकय हिसस तिलम त तिम सार्यय तिलम दिचन दारि किन्य दारिथ।

मुनन्य नैव मॉज ऑस पजी मुननि खॉतर परेशान गॉमच। अँदर्य अँदर्य ऑसिस कम कम उलट खयाल व्वथान। खबर क्याजि गोस यूत चेर? खबर कोत आसि गोमुत? खबर वारय छा? वति पकान पकान मा गव कुनि गाडि तल! व्वन्य येलि तमि मुन गरसय मंज बिहिथ वुछ, तमि थोव न तैमिस किंही बकाया। चपातव सत्य वॉल्यनस गॅल्य। चुमचव सत्य वुठनस

माज, लतव सत्य फुटराविनस अँडिजि। शामस येलि मोल आस, तस अथि करनोवनस बेयि शलख। बत ति कोरहस बंद मगर मुनस गव न अलगज़ार ति त युथुय सॉरी शौग्य, तैम्य कोड माजि हुंद फोटू त थोवुन बुथ्य लबि सत्य। पत रोदुन सीनस प्यठ त व्वछि होत ऑसिथ ति आयि तस शिहिज त मीठ नेंदर।

मुन ओस व्वन्य गरि किहो सकूल, द्रहस मंज द्रयि फिरि माजि हँदिस

यि बूजिथ दर्यव न मुन तति। गर वॉतिथ दितुन फोटू छवट डेरस प्यठ दारिथ। ल्वकट्य बाँय आयस नाल मँतिस। तिमन दितुन दक। माजि प्रछुनस च क्याजि आख सकूल प्यठ सुली? तस ख्योन बुथ। तमि लॉयनस चपाथ। मुनन ह्योतनस अथस चोप,

फोटुवस बुथ वुछान। मँज्य ओसुस बासान जि फोटुवस गछि युन्य वुठन हरकथ त तसंज मॉज प्रछि तस जि चे मा छय व्वन्य कुनि जायि दग? येत्यथ स्वय छॉवहय, तथ मा छुय वुनि ति ततुर

व्वथान? व्वछि सत्य मा छय वॉलिंज कूरान?

कँह द्रह गँयि। अकि द्रह सकूलस मंज प्रेरि पत लँडकन नसीहथ करान वोन ह्यड मास्टरन जि तिम यि कँह बोज़ान आसन, तथ प्यठ लगि न तिमन बँल्य पछ करन्य। तिमन पजि ग्वड सर करुन जि स्व कथ छा पँज किन अपुज। अँकिस बेयिस प्रछुन। पान ति सौंचुन। त अगर बासि जि यि बूज ति छु पोज, तेली पजि तथ प्यठ पछ करन्य, नत न कँह।

ह्यड मास्टर सज्ज यि नँसीहथ बोज़ान बोज़ानय बास्यव मुनस जि तैम्य ति मा छे शायद गलती कँरमच। यि बिटन वोननस तथ प्यठ कँरन बँल्य पछ।

सु रूद दोहस बेकरार। रातस आयस न
अँकिस ब्रजिस ति नैदर। दोयमि द्रह सकूल
गछन बदल गव सु तथ प्रॉनिस मँहलस
मंज येति तिम ब्रोंठ रोजान ओस्य। केंछाह
खोचान खोचान त केंछाह मंदछान मंदछान
चाव सु अँकिस हमसायि गरस मंज येति
तमि सातन गरच बुड यस द्यद ओस्य
वनान त बेयि तसंज न्वशाय यॉच ओस।
देदि परजिनोव मुन मगर तसंजि माजि हुंद
फोटू प्रजिनोवुन न केंह। तमि कोर न्वशि
आलव। न्वशि वोन पूर यँकीन सान जि
यस जनानि हुंद यि फोटू छु स्व छन
मुनन्य मॉज। यि बूजिथ दर्यव न मुन
तति। गर वाँतिथ दितुन फोटू छवट डेरस
प्यठ दोरिथ। ल्वकट्य बाँय आयस नाल
मँतिस। तिमन दितुन दक। माजि प्रछुनस
च क्याजि आख सकूल प्यठ सुली? तस
ख्योन बुथ। तमि लॉयनस चपाथ। मुनन
हयोतनस अथस चोप, पत तुजन कुनी
टख त चोल गर त रॉच पँहरन ताम रूद
सडकन कोचन मंज आवार हून्य संदय
पॉट्य ओर योर करान।

द्रह ख्वत द्रह हयोतुन मुन
ज्यादय बदतँमीज, बदमिजाज त खूंखार
बनुन। अकि द्रह येलि गरिक्य सॉरी बाँच
यिकवट शामुक बत ख्यवान ओस्य, मुनस
खोत कथ ताम प्यठ जहल। तँम्य ठोस
पनुन बत बान। मॉल्य ति वुछनस न काँह
ल्यहाज। यूत हयोकुन त्यूत लोयनस त
लिथ नावान छनुन गरि न्यबर कँडिथ।
दरवाज कोरुन बंद त अँदर्य किन्य थँवनस
हाँकल। मुन खोत अमि सत्य ज्यादय
खॉरनि। सु वोथ थोद, बंद दरवाजस लॉयन
थ्वख। पत कोरुनस पिशाब त पत चोल।

वारयाहस कालस, वारयाहन
जायन आवार गरदी कँरिथ, येलि सु
अडरातन वापस आव, तस ओस शगरथ
हम्योमुत। मगर गरस नख वाँतिथ ज़न
लँजिस तथ बेयि ग्रख। सत्य प्योस सोरुय
याद। गरिक्य दारि बर फुटरावन बापथ
तुजन छवट डेर प्यठ कँन्य जि क्याहताम
प्योस याद। कँन्य व्यसरेयस अथ मंज।
खोचान खोचान दिन्नन दँछिन्य खोवर्य
नजर त लोग छवट डेरस दूँछ दिनि। केंह
काल पत लौबुन बिटनि मातामाल चूरि
निमति फोटूहुक सु हिस युस केंह द्रह
ब्रोंठ छवटस प्यठ दोरिथ ओसुन द्युतमुत।

फोटू ओस स्पटाह मॉल गोमुत।
मुनन व्वथरोव सु पननि कुरतनि सत्य त
लोग तथ कुन मुदय गँडिथ वुछनि त पत
कोरनस ल्वती माह। अँछव मंज
व्यसरेवमत्यव ओश कतरव सत्य आव
फोटू ति बरन। अँदरेमचव अँछव बास्योस
जि फोटूहचि जनानि ति छु ओश वसान।
पनन्यव अथव सत्य व्वथरोवुन पानस त
फोटुवस ति ओश। पत गव गरिकिस बंद
दरवाजस कुन। तथ दितुन ल्वती दक
मगर सु आव न केंह मुचरावन। ओखर
व्यूठ ब्राँदक्यन हेरिम्यन पाव्यन प्यठ त
फोटू सीनस सत्य रँटिथ पेयस तिमनय
हेर पाव्यन प्यठ नैदर। त यपॉर्य ओस
मुनन्य व्याख मॉज कॉनी दारि प्यठ दर
लँगिथ अँछव सत्य अँदय पँछ्य क्यन
कोचन दूँछ दिवान मगर मुन ओसुस न
कुनि ति द्रेंठ गछान। तस ओस दिलस
बडि बडि दुबराय गछान त अँछन मंज
ओसुस ओश यीरान।



पनन्यन तिमन वारियाहन परन वाल्यन हंदि खाँतर यिमव ललदेदि मुतलक
स्यठाह बूजमुत छु मगर ललि हुंद कलाम परनस मोक महल आमुत छुखन, करव
अँस्य यथ कालमस तहत विट विट साँरी लल वाख पेश। यथ अंकस मंज करव
तसंदय त्रुवाह वाख पेश कँरिथ शुबारंब। यिथय कँन्य गछव अँस्य प्रथ अंकस मंज
कमजकम दँह वाख दिवान। युथुय तसंदय साँरी वाख म्वकलन पत तुलोन ब्याख
प्रोन क्लासिकल कवी त तसुंद कलाम ति दिमव। 'वाख' किस यथ अंकस मंज छु
जॉ. तोश खाँनी सुंद बख्ती प्यठ लेख ति शाँमिल। सु ति करि लल समजनस मंज
मदद। पनुन मीरास नागरीयस मंज रछुन त लूकन ताम वातनावुन छु "वाख"
पत्रिकायि हुंद अख अहम मकसद। यिम वाख करोख अँस्य काँशिरि वर्नमालायि
हंदयन अछरन हंदिस तरतीबस मंज पेश। यथ अंकस मंज छि अ/अँ त आ/आँ
अछरव सत्य शौरू गछवन्थ वाख। कँचन वाखन छि नोट या व्याख्या ति दिथ।
व्याख्याकार सुंद नाव छु तल कनि। अगर काँसि परन वालिस कुनि व्याख्यायि
सत्य इतिफाक आसि न त सु सोजि असि म्वखसर लफज्ज मंज पनन्य राय, अँस्य
करव स्व स्वीकार-सं.

1. अकुय ओमकार युस नाबि दरे ,
कुंबुय ब्रह्मांडस सुम गरे ।
अख सुय मंथर च्यतस करे ,
तस सास मंथर क्याह करे ॥

शब्दार्थ — नाभि (नाभ) = तूनिस् मंज (येति प्यठ 'ओम्' शब्द खँसिथ ऑस् किन्य बोलन युन गछि।) कुंबुंय—मतलब जि कुंभ (कुंभ) याने नोट याने शरीरस् पननिस, ब पानस, ति गव पननिस चितस त ब्रह्मांडस करि म्युल। पनुन ज्यथ वातनावि ब्रह्मांडस ताम न जि “कुंभक” प्रानायाम करिथ। “कुंबय” परुन छु मे ज़्याद मुनांसिब बासान। (भास्कर त जलक)*

ललद्यद ऑस शैव यूगिनी। स्व ऑस प्राण अपानच सादना करान युस शैव शास्तरन मंज वनन आमति “आणव उपाय” युक् अख अब्यास ह्यु। स्व ऑस न हठ युगच पैरव। लल छे वनान जि “कुंबस” त “ब्रह्मांडस” दरमियान बनोंविव सुम याने कंदल युथ जीवस त ब्रह्मस म्युल गछि। यि वाख ह्यु ‘ओम’ किस तौरीफस मंज वनन आमत.....(जलक)

* जलक- (प्रो.) जिला लाल काल भुक्त भुक्त राजधान

2. अछ्यन आय त गछुन गछे ,
पकुन गछे द्यन क्याव राथ ।
योरय आय त तूर्य गछुन गछे ,
कंह नत कंह न त कंह नत क्याह ॥

अछ्यन—ठेहरन वरॉय, लगातार। अमि वाखुक व्याख पाठ छु “अछान आयि” अछान (भास्कर) ति गव ओछ गछान, कमजोर गछान मतलब जि असि पजि तूर्य कुन ब्रथ थवन्य ति क्याजि यि समसार छु युन त गछुन। यि छुन सोर, पायदार मगर छु कंह नत कंह। छुनय त नत क्याह? अछान छु पहाड्य लॅफज, वुनि ति प्रूछ बोलन यिवान। (जलक)

6. अथ म बर त्रावुन खर बा ,
लुक हंज क्वंग वॉर खेयी ।
तति कुस बा दारी थर बा ,
येति नॅनिस करतल पेयी ॥

‘खर’ मतलब छु मन। यि वाख छु “नूरनामस” (नुंद रेश सन्द्यन श्रुक्यन हंज सौबरन) मंज खलतमलत (कुमिश्रन) गोमुत—(जलक)

7. अव्यस्तॉर्य पोथ्यन छिय हव मालि परान ,
युथ तोत परान “राम” पंजरस ।
पर पर करान ज़ल दव मंदान ,
बड्योख तिमनय अहम बाव ॥

अव्यस्तॉर्य—अव्यचॉर्य, यिमन न सौच छु त परान गछान छि। ज़लदव मंदान—पोन्य मंदान जि अमि मंज नेरि थॅन्य।

8. असि प्वंदि ज्वसि ज़ामि ,
न्यथय सनान करि तिरथन ।
वहर्य वॅहरस नोनय आसे ,
निशि छुय त पर ज्ञानतन ॥

असि—असान छु, ज्वसि—चास छु करान, प्वंदि—प्वंद छु करान, ज़ामि—ज़ामन छस यिवान। निशि—नजॅदीक। न्यथय—द्रहय (नित्य)

बॅखत्य छु बगवानस छांडान छांडान शरीरक्य तकलीफ तुलान मगर पय छस न जि सु मा छुस पानसय मंज मूजूद—(जलक)

9. आँसा बोल पॅडिन्यम सासा ,
मे मनि वासा खीद ना हेये ।
बो योद सॅहॅज शंकर बॅखच आसा ,
मकुरस सासा मल क्या पेये ॥

बोल पॅडिन्यम— कथ त बद रद वॅनिम, मनि वासा—मनच रोजन जाय। खीद—(खेद) द्वख। मकुरस—(मुकुर) आँनस, सासा—सूर। आँनस छुन सूर त मल प्यवान, ब छस

मनवाँसी, त म्योन मन ह्यु ऑन। तथ पोरि न लुक ह्यडुन—गेलुन।

10. आगि पन सोदरस नावि छस लमान ,
कति बोझि दय म्योन मे ति दिथि तार ।
आम्यन टाक्यन पोन्थ ज़न शमान ,
जुव छुम ब्रमान गर गछ हा ॥

सोदरस— समंदरस, शमान—पशपान, नीरिथ चलान। ओमपन ह्यु मतलब तिम तैरीक या व्यवहार या सादनायि यिमव सत्य किंही अंदनुक इमकान ह्युन। नाव ह्यु यि अस्तित्व। गर ह्यु सु आँखरी उदेश (उद्देश्य) येमि खॉतर ज़िंदगियि अंदर अँस्य तछ बछ करान छि। सु हेकि आत्माहुक आगुर याने परमात्मा ऑसिथ। या यथ समसारस मंज़ रोवमुत पनुन वोजूद त जीवन। (जलक)

11. आयस कमि दिशि त कमि वते ,
गछ कमि दिशि कव ज़ान वथ ।
अंत दाय लगिमय तते ,
छेनिस फ्वकस कांछ ति नो तते सथ ॥

दिशि—(दिशा) तरफ। दाय—मशवर। आँखरी पज़र ह्यु यी त यी समजुन ह्यु पायस प्योन। सु ह्यु यी ज़ि यि ज़िंदगी छे छोन त छोछ फ्वख याने शाह अख, अथ क्याह सथ याने वेशवास ह्यु?

12. आयस ति स्योदुय त गछ ति स्योदुय ,
सेदिस होल कर्यम क्या ।
बो तस ऑसस आगर व्योदुय ,
वेदिस त वेदिस कर्यम क्या ॥

आगर—मूल, शोरू प्यठय, अज़लय, व्योदुय—जॉनिथ यानी सु म्योन ईशर ज़ानि मे, ब ज़ानन सु, असि ह्यु आदनुक प्राकृतिक संबंद। वेदिस—युस ज़ानान आसि तस, वेदिस—युस पनुन मोनमुत आसि। मे निश छन फखय मे ओसा तस सत्य ज़्यन संबंद किन पत कोरुम यि संबंद पॉद या पनुन मोनुम सु। (जलक०)

13. आयस वते गॅयस न वते ,
सुम स्वथि मंज़ (सुमन स्वथे) लूस्तूम द्वह ।
चंदस वुछुम त हार न अथे ,
नाव तारस दिम क्या बो ॥

सुमन—पज़ि मन (पकन बावजूद), पोशि सँजिथ सोथिस प्यठ डँजस त ख्यताम द्वह गव लूसिथ त शाम गव। सुम स्वथि = कंदल या सोथिस तरानय, अथे = अथस मंज़, पानस निश मूजूद। नाव तारस = तार दिनुक पॉस, किरायि खर्च, मेहनतान। हार = पॉस, हार ति न आसन्य = ख्यस मोमूली कमतच छे, स्व ताम छम न चंदस। 'सुम स्वथि' ह्यु अथ दौयुम पाठ।

(પનન્યન પરન વાલ્યન કૌશિરિ શૌયિરિયિ હંદિ મીરાસચ જ્ઞાનકૌરી
દિન ર્ઝોતર દિમવ ઍસ્ય યથ કાલમસ મંજ સૂફી શૌયિરિયિ હંદ્ય કેંહ
નમૂન | ઍકિસ ઍકિસ ઍકસ મંજ દિમોન અર અર શૌયિર | શૌરુ કરવ
હબીબ ઉલ્લા નવશહરી સંદિ પ્યઠ યુસ 1555 ઈ. પ્યઠ 1617 ઈ. તામ ઍસ
ત યસંદિ પ્યઠ સૂફી (યાને ઈસ્લામી રહસ્યવાદચ) કવિતાયિ દસ વ્યથાન
છુ | સૂફિયન હંદિસ કલામસ તરતીબ દિન વોલ આલોચક સ્વ. મોતીલાલ
સાકી છુ લેખાન- “સૂફી સંજ વથ છે ઍરેકચ ત પાનપુશરાવનચ (અર્પન
કરનચ) વથ | આશકસ છુ ઍરકુન જલાવ ઍંદરી વુહાન ત અમે ઍરકચ
બ્રેહ છે કાઢ કંડિથ બાજે શાર બેનિથ થન પ્યવાન | યોહય ઍરકુન જલાવ
છુ આશકન છેકરસ મલ ત્રાવાન જૌલિથ યેમિ સત્ય તસ રુમ રુમ શોદ
ત સાફ છુ ગછાન |..... સૂફી શૌયરી છે સોન મ્વલુલ ત મૌર્યમૌદ હંદિસ
બહાવસ થચ | બહશંહસ પત પઠાન દોરસ તામ છે સિરિફ હબ ર્ઝોતૂન ત
હબીબ ઉલ્લા નવશહરી સંજ દરદ લય વ્યતલાન મગર તસ સતી છુ બેયિ
અથ છ્યન ગછાન.....” | હાલસ પૌરિવ યિમ શાર ત પ્રજનૌવિવ યિમન મંજ
કૌશર દર્દલય | -સં.)

1- બોજિ આલમ

જનન્ય પોશિ રંગ હય ડીઠમસ તન	હા જ નો વૈન્યજ્યસ બોજિ આલમ
દ્વહ અકિ તસ ત મે મેજાયિ તન	હા અમોબ થૌવનમ સ્વય લાદન,
આવ્યુલ મા સન્યોસ મ્યોન જૌવ્યુલ બદન	હા જ નો વૈન્યજ્યસ બોજિ આલમ
ઍરિફન ત આશિકવ હા રચાયિ વન	માનિ બૂજ મનસૂર્ય નાર દેજસ તન,
અનલહક પોર તૈમ્ય મંજ મારકન	હા જ નો વૈન્યજ્યસ બોજિ આલમ

2- દિવયે

વ્યથવો ગછૌવ દિવયે વ્યથવો ગછૌવ દિવયે

કુન્ત કંજન આવયે	જલવ મારાન પ્રાવયે	ક્યા બ દિમહસ નાવયે વ્યથ.
કાવ વનતસ પ્રાવયે	સીન મુચરિથ હાવયે	હાલ પનનુય બાવયે વ્યથ.

मोतमँजनून आवये	जिंद मजार चावये	तस लॉलि हुंद चावये। व्वथ।
कुफरोदीन जुनारये	अँशिक अल्लाह चारये	लगि न तथ कँह चारये। व्वथ।
वादये ईद आवये	आशकन हंदि चावये	नहनु अकरब बावये। व्वथ।
हबीब क्या व्यन्य तोलये	अज छु कतर्यन दोलये	लोल अँशकनि छोरये। व्वथ।

3- त्रे बाँथ

मे छे यार संज व्यमॉर्य कव नो कर ब वॉन्य
 अँम्य तबीबन ना जॉन्य व्यमॉर्य म्यॉन्य।
 ग्वड दित्यनम फाक तय पत कर वॉन्य
 ब ति यारस ऑसस थॅर फवल वॉन्य
 गुल गॉम बर तय छोन्य मोचस काठ कॉन्य
 तिथ यार मेलयो यिथ दवदस मेलान पॉन्य
 पॉर जंद न तय ब फक्य रॉन्य।

-4-

चेय रोस द्यन किहो बरयो मदनो मदनो लदयो दॉन पोश त हिय॥
 छारान लूछय कवनो वदयो दफतो चे कमो परजय छिय
 हावतम दीदार छम चॉन्य लादनो मदनो लदयो दॉन पोश त हिय॥

-5-

क्या कर जॉजनस ब तथ अँशक नॉरी
 डींशिथ त्रॉवनम पॉरी ज्ञान
 क्रुह दूरि मुह तीर दित्यनम दॉर्य दॉरी
 रुह जायि कँरिथय नीरिथ गोम
 फीरिथ वुछनस लँजसय पॉर्य पॉरी
 डींशिथ त्रॉवनम पॉरी ज्ञान
 अनतने कव सन गोमय गुबॉरी
 शाम लटि पामन थँवनम जाय
 नामय लदसय जारय पॉरी
 डींशिथ त्रॉवनम पॉरी ज्ञान
 गोशन करसय पोशन लॉरी
 यियि ना बाग म्योन छाव्ये ना
 यियि नय त खसनस पापन्य बॉरी
 डींशिथ त्रॉवनम पॉरी ज्ञान

अमोब=सख, मुरिकल लादन=जिमबोरी आरिफ=अगम्यबोदी संत मनसूर=मशहूर सूफी फकीर अनलहक=ब ठूस पान
 खबदाय, दिवय=उरसब कुन कंजन=(हंदीस)=ब ओसुस अख शैपिथ खजान=कलापि खबदा

काँशिरिस मंज ति छे बाकय ज़बानन हंदय पॉंदय जेछन नज्मन या महाकाव्यन हंज परंपरा रूजमच। 15 हेमि सेंदियि मंज लीछ ग्वडनिच जीठ कविता अवतार भट्टन-‘बाना सुरवध कथा’। तमि पत लेछि फारसी असरस तल शॉयिरव मसनैवियि, यिम 70-80 वॉरिय ब्रॉट ताम बराबर लेखन आयि। 17 हिमि सेंदियि मंज चलेयि पुरान कथायन प्यठ मन्नी जेछन कवितायन या महाकाव्यन हंज ब्याख परंपरा येम्युक दस सहिब कौल संदय “जन्म चर्यथ” सत्य वोथ। मगर यिछन सारिनय कवितायन मंज छु प्रकाश राम कुर्यगॉम्य सुंद “रामावतार चर्यथ” सरस। कुल आयि 9 ‘रामायन’ काँशिरिस मंज लेखन, मगर ‘प्रकाश रामायन’ नस वोत न लुकटाछर किन्य या सँहल कथात्मकतायि किन्य कांह। “वाख” करि यिमन सारिनय महा काव्यन हंदय मुख्य अंश सिलसिलवार पेश। यथ अंकस मंज छु हालस प्रकाशराम सँदि “राम अवतार चर्यथ” सत्य शुब आरंभ करन यिवान – (मूल ज़बॉन्य त स्टाइलस मंज)

राम अवतार चर्यथ मोए लव क्वश चर्यथ याने रामायन बज़बानि कश्मीरी

शोरू बाल कांड आगाज़ अहवाल नौन सपनुन राजा रामचंदर जी सुंद

वननि लॉग्य राज दशरथ ओस राजा
सतोग्वन ओस बौड शिव ओस मानन
तैमिस ऑस दर अजुध्या जाय आसन
व्वथन सुलि प्रथ प्रबातन व्यथ करान श्रान

मुदा मौलिक मुलकुक् चार साज़ा
स्यठा रच कामि करि तैम्य बागिवानन
गरीबन ओस व्वंदुक गम गोस कासन
रछन जोग्यन ग्वसान्यन सत्य थवन ज्ञान

गोबुर ओसुस न चंचल ओस तस मन
 स्यठाह रातस द्रहस लीला करान ओस
 दपान सोपनस अंदर तस द्युतुन दर्शुन
 लगि न बावुन सोपुन रावुन ब गालन
 सौपुन डीशिय सु येलि थोद बोध खुशीसान,
 दोपुन तस कुन गोछुम आसुन मे संतान
 अँनिन तँम्य रेश स्यठाह जग करनि लॉगी
 कोरुख जग येलि...*
 वनवय बख्त बजि गँयि पान नॉविथ
 वन निश पान र्योश सृजुन सु खिर ह्यथ
 कौशल्यायि अख द्युतुन कैकेयि अख न्युव
 दपान दय पान कौशल्यायि निश जाव
 त्रैयिम ऑसख सुमित्रा तस कोरुख बाव
 अँनिख ब्रेह्मन पँडिथ तान्य माजि याम जाय,
 ग्वरन जातुख गँडिथ दोपनख करन कार
 प्रजा परजलनि लँज यामथ थन पेय

तिथय युथ सिरियि पानिस प्यठ छु नॉपन
 शरन सॉपुन नारायण पान दोदयोस
 दोपुन तस गछ मे छुम जन्मस चे निश युन
 सु गॉलिथ शेंख वायन लाँक जालन
 वशिष्टस निशि गव दोदयोम नारान
 दोपुस तँम्य कर न जग द्योव बोझि नारान
 खँतिस तमि अँगन मंज खीरस ज़ बाँगी
 खँतिस खीरस ज़ बाँगी रॉनियन वन
 दवनवय बाँग्य तिमव खेयि बाँगरॉविथ
 तिमव ख्यव बाँगरिथ ओसुख मोहब्बथ
 तिमव द्युत स्वनि न्यसफा न्यसफ बूजिव
 भरत तस कैकेयी निश जाव कन थाव
 शोतुरघण बेयि लँक्ष्मण जू तँमिस जाव
 कोरहख नाव ब्योन ब्योन ऑसिनख आय
 शोतुरघण भरत लँक्ष्मण राम अवतार
 लज़ा गँयि राखिसन पानस लँजख र्यय

अयोध्या वॉसियन हंज लीला

परबत तल चँदरम द्राव सँतिये गाश आवये॥
 लोलुक ब्योल असि वव्याव बँखित हंजि बूमि बावये
 तूल असि खॉर बोद योद ववि पाव सँतिये गाश आवये॥
 यारबल तल छय गँड्य गँड्य नाव बँर्य बँर्य स्वख त सावये॥
 क्राव करी डोर्यन नेरी चे लाव सँतिये गाश आवये॥
 दफ छुय प्रजलान स्वति स्वति वाव छयत गछि ज़ोर अकि हवावये
 सन दिथ राज गर चूर सुय चाव सँतिये गाश आवये॥
 असथ व्वंद निश मुह मँशराव लोलच पय बो थावये
 सतस पननिस प्यठ थरि थाव सँतिये गाश आवये॥
 हारि त तोतस गेलि ज़न काव सतग्वर तस ति मेजावये
 ती वोन तँम्य तति यी मे बोजाव सँतिये गाश आवये॥
 राजाह दशरथ बरिना चाव कोशल्यायि राम जुव जावये
 असि लौग तार तँम्य सदे नाव सँतिये गाश आवये॥
 स्वंदरव त विगिन्यव बोरवय चाव वंदुक ग्वस गम द्रावये
 जग जायि तँम्यसय युस असि जाव सँतिये गाश आवये॥
 समसार अव्यचार आदम खाव ज़ांह न कोन आर चे आवये

* मसबदस मज छन यि मिसर साफ

क्याजि गव योर बैयि युस तोर आव सँतिये गाश आवये॥
 रजव कनि छस आमि पन दाव यिम ना यारबल नावये
 संतूशि व्यचार बैयि सथ बाव सँतिये गाश आवये।
 सिरियि रप मनि मंज सु मे वुछाव हनि हनि मंदर सु चावये
 प्रकाश पानय सु, कस क्या बो बाव सँतिये गाश आवये।

राज दशरथस निश वेशवामेतर सुंद युन बैयि मारिज द्यव संदि कतल
 खाँतर राम व लक्ष्मण सुंद न्युन

कोरुन यँच तफ व्यंशाम्यंतरन पॅरिन वीद
 दपन येलि राखिसव कोर यँच अवारय
 छु सथ यी येलि तॅमिस निश वाद पालुन
 दोपुन तस दाँदयलद सुंद वाति बोजुन
 छु क्युथ बलवीर पनुन वीरुत मे हाव्यम
 यिहमनय सत्य अद बो पान जालय
 मे सत्य दिन रामजुव दियि राखिसन मार
 स्पठाह नाख्वश सपुन राजस कोरुन न्याय
 यि आमुत यी करनि अवतार दारिथ
 यि केंछाह रेश दोपुस राजन ति बूजुन
 पकन गव न्यून लक्ष्मन सत्य पानस
 मुदा तॅम्य कोर न दशरथ राज लाचार
 पनुन ओसुस गरज साँपुन रवाना
 ओनुन प्रथ राखिसन प्रथ शायि छाँरि
 दितुन बालक वरन येलि तीर हॉरिज
 सु मॉरिज दथ दंतन हुंद कुमेदान
 त्युथुय रथ पोक क्वलन तूफान साँपुन
 व्यशाम्यंतरस दोपुन तसंजय खॅलिश आँस
 व्यशाम्यंतरस स्पठाह आनंद साँपुन
 बॅविन जय तस रेशिस छुय तरन तारन
 वेशामेतरस तिथुय पुछ राम चँदरन
 तिथुय भॉगीरथन दोप युथ तॅमिस बॅन्य
 गंगा यामथ वॅसिथ आकाशि निशि आय
 चॅजिस तल व्याद येलि आजाद साँपन्य
 सॅमिथ तिम आँस्य वनवय द्रायि प्रातस

दपान तस राखिसव द्युत वारियाह खीद
 गॅछिथ तॅम्य दशरथस वोन वार वारय
 दयोगथ दशरथस निश हाल बावुन
 मे सत्यन राम जुव गछि तोर सोजुन
 बो गोलुस राखिसव तति म्वकलाव्यम
 तिथुय दिम शाफ युथ रुम राठ गालय
 नतय बदवाख कडय बो त्राचनिय नार
 वशिष्टन दोप गॅछिन कॅह छुसन परवाय
 गछुन छुस राखिसन प्रथ जायि मॉरिथ
 पोजुय बूजुन गोबुर तस सत्य सूजुन
 गिंदन खेलन पकन गॉयि प्रथ मकामस
 रेशिस सत्यन पकान गव राम अवतार
 बबस र्वखसत हयनुक ओसुस बहाना
 लॅबिन यथ जायि तति बेवायि मॉरिन
 पकन गव रथ छकन त्युथ देव मॉरिज
 चॅलिथ गव ज़िंद जख्मी गोस पनुन पान
 तिथय युथ राखिसन अवमान साँपुन
 दया कॅरनस गॅछिथ तॅम्य तस अॅलिश काँस
 मोदुर गव म्वख तॅमिस दह कंद साँपुन
 वनन तस सत चँदरन्य सॉर्य कारन
 गंगा किथ पॉदय वॅछ आकाश प्यठ ब्वन
 गंगा किथ पॉदय तॅम्य बुतराँच प्यठ अॅन्य
 महादीवन जटन मंज तस दिचन जाय
 दोपुन तस व्वथ गॅछिव व्वन्य परबतस कुन
 मनस पननिस छि शंका जान पानस

नैवि किताब शाय गछन्य छे कुनि ति जबाँन्य खॉतर अहम गटना आसान। अमिच अहमियत हावन्य त बावन्य ति छे ज़रूरी। समीक्षा छे परन वॉलिस ति सही वथ हावान। यथ कालमस अन्दर सपदि कुनि नवि त अहम किताबि हंज समीक्षा पेश सपदान।

येमिस शॉयरस मुतलिक रहमान रॉही ह्यू आलोचक वनि जि “सन्नॉसी छु शायद ग्वडन्युक त वुन्युखताम कुनुय शॉयिर युस फीर्यफीर्य नफसियॉती त फलसफियान वातन वेंतीरुक बास दिवान छु”, तैम्य संज शॉयरी गछि असि ति मुताँसिर (प्रबावित) करन्य। “श्रेह त वेह” छु तसुंद ताज कविता संग्रह। अथ प्यठ छे ज़ समीक्षायि पेश। रॉही सॉबुन तबसर (समीक्षा) छु खासकर तवजुह मंगान।

तवजुह तलब

—रहमान राही

मूजूद दोरस मंज प्रोव कौशिरि शॉयिरियि मुखतैलिफ नवीन मोजुअन (विशयन) हंदि वरताव किन यिमतियांज। बावेंच मंज योदवय छौपि ऐहसास खोत ज़्याद थदि आलव जजुबाथ सरगरम रूदय ताहम सपदय अथ मंज फिकिरी क्यो दौनिशवरान ओनसर ति शॉमिल। बालकृष्ण सॅन्यासी सँदिस कलामस मंज छु हुति येति हुसुन पसन्द नवजवान सुंद लोल यिजहार ति कनन गछान अमापोज कुलहम कलाम कि मुताल तल छु सारिवय खोत कबी तासुर यि व्वतलान जि सु छु अख साहिबि फिकिर त दौनिशवर शॉयिर, यसंज नज़म वारियाह पोखत त बावेंच तरज कौफी मुनफरिद छि। मे ब्रॉठ कनि छु वुंक्यन मसवद रैग्यू सॅन्यासी सॉबुन अख शार गौद यथ “श्रेह त वेह” नाव करन आमुत छु। कुलहुम कलाम पॅरिथ छु बास लगान जि यिमन हुंद खॉलिक छु च़कि दौनिशवरान मिज़ाजुक शॉयिर यस फलसॅफियान सौंचस त इन्सॉन्य नफसियातस सत्य गॅहर दिलचस्पी छि त युस जिन्दगी मंज व्वतलन वाल्यन मुखतैलिफ तजरुबन एहसासच ज़्यव अनन्य यछान छु।

सिनफी ऐतबार छि जेरि नज़र मसवदस मंज पाबन्द क्यो बेकॉफियि, नीम आज़ाद क्यो नज़मव त चुमिसरव अलाव मुरवजि कपटन वॉल्य गज़ल ति शॉमिल। अख पाबन्द नज़म छि मसनवी चालि त यसल आज़ाद नज़मव छे पैराग्राफव बजायि मिसरवार तरतीब प्रॉवमच, अलबत यसल नीम आज़ाद नज़म छे मुरवजि सूरथ रेंटिथ। गज़लव मंज छि मुतदिद गज़ल पनन्यव नवीन रदीफव देंस्य ताज़गी हुंद बास दिवान योदवय ज़न वारियहव शारव तल रिवायिती रुकनी वज़न निशि इनहराफुक (दूर गछनुक) ति बास लगान छु।

मुऑसिर (समकालीन) कॉशिरि शॉयिरी मंज फबेयि म्बखसर नज़मि हंज सिनिफ पज़न पॉट्य। बावेंच हुंद छौचर, गरतच चुस्ती, व्वपज़ाव, व्वनचार, मरकज़ आव्यर या तॉमीरी बसाव यिमव ति इछव खसूसियचव ऑन्य

कॉशिरि म्बखसर नज़म आलमी तरहस प्यठ। अमि हिसाबहय वुछव बाल कृष्ण सन्यासी बासि अँज्य कयन मोमताज़ कॉशिर्यन नज़म निगारन हुंद हमसफर। सोम्बरनि मंज शॉमिल गोड़निची नज़म “लोल” छे अख

रोमॉनी नज़म खस न सिरिफ तॉमीरी एतबार शॉयिरि संजि हवनरि हंज च़ेनवन दिवान छे बॅल्कि छि अमिच ज़बान पननि सॉदरवॉरी त मानेसाविर सबब दिलकश बासान। “मे लॅज त्रेश” ति छि बावेंच तरज़ किन्य अमी

कबीलच अख म्बखसर नज़म यथ मंज ऑक्य तत्य नफसियाँत्य विह्य ज़लवुन ऐहतिजॉजी इज़हार प्रोवमुत छु। सन्यॉस्य संद्य तजरुब छि बिस्मार रॅग्य अमापोज़ तिमन हुंद गॉलिब मौज़ छु इन्सान कुनि जॅमानी मॅकानी फेर निश म्बकुल महज़ अख इन्सान। अमिसय इनसान सुंद वरदार वजूद त तथ वजूदस मंज फॉफलन वॉल्य मुख्तलिफ तज़ाद (विरोदाबास) त तिमव तज़ादव सबब व्वथनवॉल्य अँदर्य क्यो न्यंबर्य व्वलसाव त वुबदर।

यि वनुन गोछं न मुबालग (अतिशयोक्ति) बासुन जि सन्यॉसी छु शायद ग्वडन्युक त वुन्युख ताम कुनुय कॉशुर शॉयिर युस फीर्य फीर्य नफसियाँत्य त फलसफियान वातन वतीरुक बास दिवान छु। सु छुन महज़ हंगॉमी रूमॉन्य वुतशावन हुंद शॉयिर। नफसियाँत्य चालि तसंज यसल

सन्यॉस्य संद्य तजरुब छि बिस्मार रॅग्य अमापोज़ तिमन हुंद गॉलिब मौज़ छु इन्सान कुनि जॅमानी मॅकानी फेर निश म्बकुल महज़ अख इन्सान। अमिसय इनसान सुंद वरदार वजूद त तथ वजूदस मंज फॉफलन वॉल्य मुख्तलिफ तज़ाद (विरोदाबास) त तिमव तज़ादव सबब व्वथनवॉल्य अँदर्य क्यो न्यंबर्य व्वलसाव त वुबदर।

नज़म छे पय दिवान जि तिमन हुंद बावुक छु महज़ वीरुनस प्यठ कनाथ करन बजायि अंदरुनस ताम वातनच त तथ सॅन्य पॉट्य वोन दिनच तॉबीर करनच कूशिश करान। “अँश फेरि रोटमख”, “मंदछान छसना”, “शिशार

गाँठ” त “शाफ” त अमि कबीलचि नज़म छे कुलहुम कॉशिरि शॉयिरी मंज कमयाब त तव किन्य च़रि पहन कदर करनस लायख।

“बुरशस कुस पकनावि कपॉर्य”

छि सोम्बरनि हंज अख अहम नज़म यथ
 मंज आदम शखसियेच मंज शऊर (च्यथ)
 तल शऊर (तलच्यथ) त ला शऊर (अच्यथ)
 हिब्यन ख्वदखाह क्ववतन हुंद नवनार त
 ठम ठमय शखसियेच ह्यथय च्लान छि
 यिम मजकूर शखसियेच आवलन्यन मंज
 आवारान छि। यि नज़म छे सन्यासी सदिस
 बेयिस अँकिस शारवलस कुन ज्वन फिरान
 मतलब तंसदि इज़हारुक अलामेत्य
 (प्रतीकात्मक) तरज। पेत्यम्यन केचन
 दँहयल्यन मंज द्रायि काँशिरिस मंज वारियाह
 तिछ शॉयिरी ति यथ फोरी रदिअमलच
 बावथ वनुन शूबि योस कमय काल गँछिथ
 त हना दम दिथ छरा जजबाँत्य क्रकनाद
 या बैफ्रुक वदुन बासि। सँन्यासी ति छु
 पानस अँदय पँछ्य सपदन वाल्यन हालातन
 वाकातन मुतलक पनुन रदिअमल
 (प्रतिक्रिया) बावान मगर बावान छु सेदि
 स्योद कलाम करन या बयान दिन बजायि
 इज़हारुक वरग वल वरताँविथ। यिमन वलन
 मंज छु तसुद अख अहम वल अलामथ
 निगाँरी येमिकि त मिसाले “शिशरगाँठ”
 हिशि नज़म जुव लबान छे। सँन्यासी छु
 अख हसास शॉयिर यस अँदय पँछ्य वँकू
 प्रावन (गटना बनन) वाल्य वाकात हाँदयसाथ
 त्यूत मुताँसिर करान छि जि सु छु महसूस
 करिथ तिमन ज्ञाननच त पत तिमन साँत्य
 बाबसत पनन्य हैसागँही (बाव बोद) पनन्यन
 परन वाल्यन ताम वातनावनच कूशिश
 करान। यसल पाँदय छि अँम्य संदय
 तजरुब फरेबशिकनी या तनज़ाकि
 ऐहातजाजिक्य (व्यंगुक प्रतिरोद) रूप रटान।
 “मँच” छि अख नीम आज़ाद नज़म यथ
 मंज यि दँप्यजिति ख्वदकलॉमी हुंद ह्यू
 तरज पाननाँविथ अख तनज़ बोरुत सवाल
 व्वतलावान यिवान छु।

मसवदस मंज शॉमिल अकसर
 मंजूम छि शॉयिर संजि यि दँप्य जि ति
 वॉलिजि मंज बँसिथ कँशीर इशारव त
 कनायव पनुन नैक्य दिवुन बास दिवान।
 “चपनि ख्वर त बादाम” नज़मि खबर
 कम ताबीर सपदन व्वं गव मे बासेयि
 ज़नत अथ मंज हालचि कँशीरि हँदय
 कम क्ववथ लूख ज़ोरावरन हँजि ज़ोरवॉरी
 तल ह्यन आमत्य।

जिन्दगी हँदय जेदीद रोहरुकान
 रँछरिथ छु सँन्यासी बावँच लिहाज़ रिवायित
 रछन आमच किताँबी ज़बान वरतावन
 बजायि पनन्यन मुखल्लिफ मोजूअन गॉर
 रस्मी ज़बान वरतावान येमि किन्य तहदिस
 कलामस द्वहदयन क्यन मामलन हुंद
 पानन्यार त वुशनेर व्वतलान छु। यि
 लिसाँनी सूरतिहाल छु नज़मन हँदय पाँदय
 गज़लन मंज ति नज़रि गछान।

दोहलि वुंगन शाल करन दोहस राथ यि छा जान
 छे दां कुछे नवेमच यि गगरजाथ यि छा जान
 पशस दिगनि वसान बुछिथ वुर्ज वतन वन्योव मेय
 बाल कृष्ण करंथ क्याजि करामाथ यि छा जान।

गॉर रैवाँयिती शॉयिरी हैकि माने
 साँव ति आँसिथ त लँतीफ ति तवकिन
 पज़ि स्व कुनि वुतावँली वराँय संज़ीद
 पाँदय त सँनिथ परन्य। तजरुब प्यठ बाँवच
 ताम ह्यकन मुखतलिफ खस वस त
 मरहल बुधि यिथ। मुशकिल शॉयिरी ति
 छे ज़रूरत मुताँबिक च्यथ दिथ कुनि कुनि
 जिन्द त वुसवार शॉयिरी ननान त आनन्द
 अता करान। तवय किन्य वनव बज़बानि
 एम्पसन:

“Make no escape
 build up your love
 leaving what you die for
 and be safe to die.”

‘वाख’ किस प्रथ अंकस मंज दिमव अँस्य यथ कालमस मंज सानि
कुनि अदबी/कल्चरल संस्थायि हंजि कारकरदगी मुतलक अख रपोट।
यथ अंकस मंज छु पेश जेमिचि नुमायंद तनजीमि ‘सम्प्रति’ मुतलक
अख म्बखसर रपोट।

‘संप्रति’: बे वतन लिखायन हंज नुमायंद संस्था : परिचय

1990 थस मंज कँशीरि प्यठ इसलॉमी उग्रवाद किन्य नेरन पत द्रन वन
वॅरियन लोग न वारयिहन कॉशर्यन अँदीबन त लिखायन अख अँक्य सुंद पय जि
कुस कति छु। हालांकि अथ दोरान ऑस्य यिमव मंज कँह दूर दर्शन श्रीनगर किस
तथ न्यूज रूमस सत्य बतोरि न्यूज कास्टर, अनुवादक त स्क्रिप्ट रायटर वॉबिस्त
गॉमत्य युस हंगॉमी तोर जौम मुनतकल (तब्दील) कॅरिथ रेडियो कशमीर जम्मू किस
ऑकिस कमरस मंज कॉयिम ओस करन आमुत। यिथ पॉट्य बन्यव यि न्यूज रूम
यिमन कॅचन जलावतन लिखायन त अँदीबन हुंद ग्वडन्युक समनबल येति यिमव
पान वॉन्य कमकास बोस लौचरोव त अखतुय ह्योतुख जेमिस मंज बे वतन
लिखायन प्यठ मुश्तमिल अकि तनजीमि हँदिस कयामस (स्थापनायि) मुतलक ति
सोचुन सरुन। ह्वपॉर्य हैतिन कँशीरि प्यठ द्रामत्यन लिखायन हंघ फन पार ज़्याद
ज़्याद दिलि प्यठ नेरवनिस कोशुर समाचारस मंज शाया (प्रकाशित) सपदन्य त यि
पत्रिका लॉज यिमव मंज अकसर लिखायव या बाज़र मॅल्य हैन्य नत दिलि प्यठ
सेदि स्योद अननावन्य। अथ अंदर तखलीकन (रचनायन) तल कनि यिहिंद्य एडरस
आसन किन्य लोग अख अँक्य सुंद पय पताह त पानवॅन्य सपुद रॉबित (संपर्क)
कॉयिम।

अमि पत आव अकि द्रह अखबारन मंज जि दिलि अंदर छु बे वतन
कॉशर्यव लिखायव “विकल्प” नॉव्य अकि अदबी तनजीमि हुंद कयाम अमलि मंज

ओनमुत। “विकल्प” ओस अम्युक छोट नाव त पूर नाव ओसुस “विस्थापित कश्मीरी लेखक परिपद”। मगर अम्युक वजूद ह्योक न काँयिम रूजिथ। म्याँन्य किन्य ह्यकन अथ त्रै वजह आँसिथ। अख यिजि यिम काँशिर्य लेखक त शाँयिर दिलि हंघन तरफातन मंज रोज़ान आँस्य तिहुंद यिकवट समुन ओस हना दुशवार। दोयिम यिजि राज़दानि मंज रोज़न किन्य गँयि यिमव मंज अकसर तिमन काम्यन सत्य आवर्य यिमव दँस्य कम कास पोंस दूख मेलान ओस, मसलन; टी.वी ड्रामा त सीरियल, दसतावेज़ी फिल्म त फीचर बेतरि लेखन्य। त्रैयिम त अहम वजह आसि यिमन मंज काँसि प्वखत इराद त जोश जज़ब वाल्य सुंद न आसुन रूदमुत युस अथ ‘विकल्प’ समनबलस पकनॉविथ हेकिहे।

जेमिस त अथ अँघ पँख्य छि बे वतन काँशर्यन अँदीबन (काँशुर, हिंदी, अंग्रेज़ी त उर्दू ज़बॉन्य मंज लेखन वाल्य काँशिर्य) हंज अकसरियत रोज़ान ल्यहज़ा कतिस कालस ज़रनावहन यिम अदबी समनबलुक सु छर्यर (vaccum) युस यिम शिदत सान महसूस आँस्य करान। चुनाचि त्रॉव डा. शांत साँबनि सरबराही तल केंचव लिखार्यव अकि

अदबी तनजीमि हंज बुनियाद येम्युक नाव ‘शांत’ साँबनय स्पठा सूचिथ सँरिथ

त यि ज़ॉनिथ “कश्मीरी भाषा एवं संस्कृति प्रतिष्ठान” त छोट्य पॉट्य ‘संप्रति’ थोव ज़ि अमि नाव सत्य प्रावि यि जम्मू कश्मीर न्यबर ति कबूलियत त ती सपुद ति। यि तनजीम खस काँशिर्य ज़बान अदब त कलचर रँछरावन त अथ बैयिहन पोछर दिन खॉतर बारसस आयि, छै अज़कल मुलकचन मोतबर गॉर सरकारी अदबी तनजीमन मंज शुमार सपदान। ‘संप्रति’ हंज बुनियाद त्राननस त अमिच रजिस्ट्रेशन बेतरि करनावनस मंज ह्यु प्यारे हताश, रतन तलाशी त विजय साकी सुंद ज़बरदस रोल रूदमुत। 1996 थस मंज रजिस्टर सपदन पत आयि यि जम्मू कश्मीर कलचरल एकाडमी त पत साहित्य अकादमी नई दिल्ली दँस्य ति तसलीम करन।

1996 थस मंजय कोर पटियाला अँकिस वर्कशापस दोरान बैयि केंचव अँदीबव जैमि प्यठ अख कोशुर रिसाल या किताबी सिलसिल शाया करनुक

संप्रति दँस्य आयि सी.आई. आई.एल. मैसूरस सत्य रँलिथ नागरी काँशुर हेछन बापथ प्राइमर त रीडर अँकिस वर्कशापस दोरान बनाविथ शाया करन यिमन हंज मंग द्वह पत द्वह बराबर बडान छि। नागरी काँशुर हेछन बापथ यिम ज़ बुनियादी किताब छि नागरी लिपी मंज काँशुर आम करनस

फॉसल येम्युक नाव ‘सँतीसर’ तजवीज़ करन आव। चूकि कँशीरि न्यबर रोज़न वाल्यन बे वतन काँशर्यन अँदीबन हंज तखलीक आस ज़्याद तर कोशुर समाचारस मंज लगातार छपान मगर नागरी रस्मि खतस मंज। ओताम

ओस न जैमि प्यठ नेर वुन “कश्यप समाचार” येम्युक नाव पत ‘क्षीरभवानी

टाइम्स' थवन आव कांह पछान बनॉविथ ह्योकमुत। यि र्यतवार त्रु जबाँन्य पत्रिका गॅयि 1997 पत स्पठा महशूर त बनेयि कॉशर्यन लिखार्यन हंज मोतबर पत्रिका। 'सतीसर' अदबी किताब जैमि प्यठ शाया करनस पॅत्य किन्य आयि ज़ मकसद नज़रि तल थवन। अख यिज़ि कॉशर्यन लिखार्यन हुंद यि केंछा ति चाहे शॉयरी, अफसान, लेख या ऐसे नागरी लिपी मंज छपान छि तमि मंज यियि चॉर कॅरिथ सु नसतालीक लिपी मंज सॅतीसर दॅस्य कॅशीरि वातनावन ताकि कॅशीरि अंदर रोज़न वॉल्य अदीब त नकाद रोज़न तमिक्य बाखबर। दोयिम मकसद यिज़ि वनवासस दोरान लेखन यिनवोल तखलीकी त तहकीकी (रिसर्च) अदब त तथ मुतलक तबसुर (समीक्षा) त तजजियि (विश्लेशन) ति रोज़न अमि दॅस्य main stream कॉशरि अदबचि वेथि सत्य बरजस्त ज्वयि हंघ पॉद्य रलान त ब्रॉह कुन पकान। पत येलि करीब करीब सॉरी लिखार्य 'संप्रति' सत्य वाबस्त गॅयि अमी तनज़ीमि नियि 'सतीसर' सालान शाया करनच कॉम ति दरि दस। चुनांचि आयि वुन्युकताम संप्रति दॅस्य अमि किताबी सिलसिलचि ऑठ किताब शाया करनः—

सतीसर—1: 1990 प्यठ 1996 थस ताम नागरी लिपी अंदर जला वतन लिखार्यन हंदि नसरचि (गद्यचि) चारि प्यठ मन्नी (आदारित)।

सतीसर—2: अँथ्य समयस दोरान अँथ्य लिपी अंदर शाया सपज़मचि शॉयरी हंघ नमून।

सतीसर—3: हमकाल कॉशरि अदब नंबर

— तहकीकी।

सतीसर—4: अहदसाज़ नॉदिम—तहकीकी।

सतीसर—5: (मुलाकात नंबर) बुजुर्ग त कोहनमश्क (अब्यस्त) कॉशर्यन अँदीबन सत्य मुलाकातन प्यठ मन्नी।

सतीसर—6: 'जलायि वनती हुंद अदब' तहकीकी।

सतीसर—7,8: 'हिंदी व अंग्रेजी विस्थापन साहित्य'।

1996 प्यठ 2002 हस ताम रूद्य 'संप्रति' हंघ अद्यक्ष डॉ. रतन लाल शांत, 2002 प्यठ अप्रिल 2004 रस ताम श्री मोती लाल क्यमू त अज़कल छि डॉ. आर.एल. भट साँब अमिक्य प्रेज़ीडेंट। अमिचि वॉरकिंग बाडी त जनरल बाडी सत्य यिम अँदीब त स्कालर वाबस्त रूद्य या छि तिम छि : सर्वश्री अर्जन देव मजबूर, मोती लाल साकी, हरि कृष्ण कौल, तेज रावल, सोमनाथ वीर, मोहन लाल आश, मकखन लाल कंबल, जवाहर लाल सरूर, रतन लाल जौहर, प्यारे हताश, विजय साकी, डॉ. रतन तलाशी, डॉ. एस. एन. कौल, डॉ. ए. एन. दर, डॉ. अमर मालमोही, डॉ. प्रेमी रोमानी, जय कृष्ण मकतूम, प्रेम नाथ शाद, डॉ. अग्नि शेखर, महाराज कृष्ण सन्तोषी, अशोक कौल रईस, श्रीमती बिमला रैणा, गिरजा कौल, काशी नाथ बागवान, जगन्नाथ सागर, कमल पेशिन, डॉ. रोशन सराफ, प्यारे भान बेतरि।

'संप्रति' गॅयि मसा ऑठ वॅरी बारसस आमतिस मगर अथ कलील (कमय) वखतस मंजय सपज़ अमि दॅस्य तीचाह कामि यीच न कॅशीरि अंदर कॉसि

बजि अदबी तनजीमि पॅत्यम्यन पंचाहन वॅरियन ति करि। बिसियार तनकीदी मॅहफिल, मुशाँयर, अफसान त स्पेशल ल्यकचरचि बैठक कानफ्रेंस त सेमिनार आयि बॅडिस पयमानस प्यठ मुनॅकद करन। अमि अलाव आयि वरिष्ट त बुजुर्ग अँदीबन सत्य मुलाकातक्य प्रोग्राम ति आयोजित करन त यि सोरुय सिलसिल छु बराबर जॉरी। केंचन कानफ्रेंसन त सेमिनारन हंज तफसील छि यिथ कॅन्यः—

1. जनवरी 1997: ग्वडनिच सालान कानफ्रेंस त सेमिनार। अथ मंजु आयि अकी विजि सथ किताब ति रिलीज करन। 1990 प्यठ 1996 तस ताम शाया सपजमचन गरीबुल वतन (विस्थापित) लिखार्यन हंजन किताबन हंज नुमाँयिश ति आयि लागन।

2. अगस्त 1998: पॅत्यम्यन दॅहन वॅरियन दोरान तखलीक सपछामति कुलहम कॉशरि अदबचि म्बलांकवनि प्यठ मबनी हमकाल कॉशुर अदब नॉव्य सेमिनार। अति आयि ऑठ मकाल परन त यिमय लेख छि सतीसर, हम काल कॉशुर अदब नंबरस अंदर शॉमिल।

3. अक्टूबर 1999 : द्वन दोहन हुंद ऑल इंडिया दीना नाथ नादिम सेमिनार। अति यिम मजूमून आयि परन तिमनय प्यठ मब्नी सपज सतीसर—अहदसाज नॉदिम नंबर किताब—शाया। यि सेमिनार आव सी॰आई॰आई॰एल मैसूर कि अथवास आयोजित करन।

4. 2001: साहित्य अकादमी सत्य रॅलिथ द्वन दोहन हुंद कुल हिन्द अदब सेमिनार युस पननि कसमुक ग्वडन्युक बहलिपायि

सेमिनार ओस।


5. 2003 : त्रन दोहन हुंद ऑल इंडिया सॅथर्युक सेमिनार यथ नाव ओस "Litereture in Exile"। अति यिम कॉशिर्य अंग्रीजी, उर्दू त हिन्दी पेपर आयि परन तिम आयि 'सतीसर जलाय वतनी हुंद अदब' त 'सतीसर : विस्थापन साहित्य' किताबन अंदर शॉमिल करन। यि सेमिनार आव केंद्री मानव संसादन विकास मंत्रालयकि अथवास सत्य आयोजित करन।

संप्रति दॅस्य आयि सी॰आई॰आई॰एल मैसूरस सत्य रॅलिथ नागरी कॉशुर हेछन बापथ ग्राइमर त रीडर अँकिस वॅकशापस दोरान बनॉविथ शाया करन यिमन हंज मंग द्रह पते द्रह बराबर बडान छि। नागरी कॉशुर हेछन बापथ यिम ज बुनियॉदी किताब छि नागरी लिपी, मंजु कॉशुर आम करनस कुन अख अहम त तवॉरीखी कदम। पनन्यव मोमूल प्रोग्रामव अलाव छि 'संप्रति' वखत वखत बे वतन लिखार्यन हंज किताब रिलीज करनक्य प्रोग्राम ति आयोजित करान रोजान। अजुताम सपज यिछ बिसयार किताब अभिनव थैटर, जम्मू यूनिवरसिटी आडिटोरियम, कलचरल एकाडमी कानफ्रेंस हाल, गीता भवन मुठी, कश्यप भवन अंबफला त शारदा भवनस मंजु रिलीज। अगरचि व्वन्य जेमिस मंजु 'नागराद' त 'पीर पंचाल' अदबी तनजीम ति जान कॉम छि करान मगर 'संप्रति' छु कॉशिर ज़बान, अदब त कलचरस मुतलक सँजीद पॉद्य कॉम करनुक इमतियाज बराबर हॉसिल।

— रतन लाल जौहर



*With best compliments
from*



Vasu Dev 'Reh' Cultural Trust
(Batapora Sopore, Kashmir)

**B-28/34 Subash Chowk, Laxmi Nagar,
Delhi-110092**

Phone : 011-22413422 Fax : 011-22459443
E-mail : pandital@vsnl.com